

UTL AT DOWNSVIEW




D RANGE BAY SHLF POS ITEM C
39 10 10 25 13 018 9


DR
414
C4
v.4

Cevād, 'Alī
Memālik 'Osmānīyenin tārīh
ve cūgrāfyā luġāti ✓

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY





Digitized by the Internet Archive
in 2010 with funding from
University of Toronto

ان معارف عمومی ہندوستانی سرکار شاہی معارف
آندوہ تریبیا

ہم الکیمیا نیک

6 208
230

(4-4 one) 48 = 20 40 80
(8-8 one) 80 = 40 80 160

5

کیمیا افیالکیمیا

48 =
120

250

500

800

از

حمیدہ طاہوری بیکباشیسی

علی جواد

(قسم ثانی لغات تاریخیہ)

جلد رابع

ہندوستان

ہندوستان

عموم مکاتب عسکرہیہ قبولنہ مجلس معارف عسکرہیہ طرفندن قرار ویرلشد

معارف نظارت جلیہ سنک ۱۵۲ نومرولی و ۱۹ مایس سنہ ۱۳۱۲ تاریخلی
رخصتنامہ سیلہ طبع اولمشدر

استانبول

(قصدار مطبعہ سی) باب عالی ہادہ سنہ نومر و ۲۵

۱۳۱۷


كتاب في الفقه

في الفقه

كتاب في الفقه

DR
414
C4
V. 4

172



1004439

كتاب في الفقه
في الفقه
كتاب في الفقه

حرف الالف

(آبازه محمد پاشا)

وزرای عثمانیه دن اولوب آبازه پاشا دینمکله کسب شهرت ایتشدرد.
جانبولاد اوغلنک خدمتده ایکن مشهور قیوجی مراد پاشانک ید
سارتنه گرفتار اولمغله قتله محکوم اوله رق یکچیری آغاسی خلیل پاشا
لمرفدن قورتارلمش وبو صورتده خلیل پاشانک بنده لری صره سینه
یکمش ایدی.

کندیسی صوگ درجه ده شجیع وجسور اولدیغدن واسفار و محارباده
فوق العاده یرارقلر کوسه تردیکندن خوتین سفرندن صکره روم ایلی
بکربکیلکی وبعده سیواس وارضروم والیلکله امتیاز بولمش ایدی.

یکچیریلرک اوتنه دن بری اطوار و مشوار سرکشانه لرینی چکه
مدیکندن کلیتی سکبان عسکری تدارکیله ارضروم و سیواسده بولنان
یکچیریلری قلعه دن اخراج ایتدکدن صکره طلب دم عثمانی بهانه
ایدرک یر یر طوائف یکچیریانی قیرمغه باشلادی.

قلاون یوسف پاشا ایله دردولتدن آبازه جمعیتی طاغتمغه مأمور
ایدیلان مرتضی و طیار محمد پاشالر دخی معیتنه التحاق ایدرک جمعیتی
تکثر و کسب قوت ایتدیکندن صدراعظم چرکس محمد پاشا ومؤخرأ
خسرو پاشالر قوه کلیه ایله اوزرینه کوندرلمش ایدی.

نهایت خسرو پاشا آبازه یی درعلیه یه کتورمکه موفق اولمش
وقباحتنی عفو ایله سلاک مصاحبانده ادخال قلندیغنی حالده بر آراق

روم وارمنیلر بیننده تگون ایتمش اولان بر مسئله مذهبییه مداخله سندن طولای جزای سزاسی ویرلمشدر .

آبازه محمد پاشا اسمنده دیگر بر ذات دخی اولوب عصر مصطفی خان نالنده روم ایلی اسفار و عمارتنده خیلی یرارلنی کورلدیکی وبلا آخره مقتولاً ارتحال ایلدیکی مسطور صحایف توارینخدر .

(آجه خلیفه)

اوننجی عصر هجری علمای بنامندن اولوب اسمی یعقوب و مولدی اناطولیده کی حمید آباد سنجاغی در بو جهنله اسمنه حمیدی دخی دنیلور ایدی .

علماء عصر دن مقدمات علمی تحصیل ایتدکن صکره علاء الدین علی قناریدن تکمیل نسخ ایتمش و آقشهر ، قونیه و اغراس و مقنيسا مدرسه لرینه مدرس نصب و تعیین قلنمش ایدی .
تاریخ رحلتی ۹۲۸ سنه هجریه سیدر .

(آجه زاده)

سلطان بایزید ثانی و سلیم اول دورلری علماسندن بر ذات اولوب اصل اسمی محی الدین بن یوسفدر .
خطیب زاده طلابندن اولدینی حالدیه بر قاج دفعه مدرس و قاضی اوله رق ۹۲۴ تاریخده دیار آخرته انتقال ایلدی .

(آذری چلبی)

اسمی مولا ابراهیمدر سلیمان اول دوری علماسندن و ابوالسعود مرحومک تلامیذندن اولوب پدری سلیم خان اول علمای بنامندن معلمزاده در .
بدایت حائنده نشانجیلق مسلکنه و صکره طریق قضاته دخول

ایدرك تيره ودها سائر مواقعه قاضی اولمش و ۹۹۳ سنه سی حا
قاضیمی ایکن انتقال ایلدکده تاریخن - دیدیلر کچدی آذری چلی.
تاریخی موجنبجه وفات ایدرك خارج شهرده دفن اولمشدر .
شعر وانشاده ماهر برذات ایدی . مرتب دیوانی ونقش خیال
آدلو بر منظومه سی واردر .

(آرسلان بك)

بدایت تأسس دولت عثمانیه ده ابراز خدمات مهمه ایتمش غازیاندن
برینك اسمی در .
کوتاهیه ده مدفوندر .

بواسمه یانیه بکمرندن برایی ذات دها واردر .

(ارسلان پاشا)

سلطان محمد خان ثالث وزراسندن یانیه ده والیک ایتمش مشهور
برذات اولوب بونك احفادی تبه دلنی به قدر یانیه ده والیک ایتمشدر .
الیوم شهر مزبورده برجامی ودرکاه و مدرسه سی واردر .

(آرنأود)

روم ایلی شاهانه ده مسکون برقوم اولوب تفصیلات ایچون لغات
جغرافییه مراجعت بیوریه .

(آشچی محمد پاشا)

سلطان احمد ثالث زمان سلطنتنده ایکی دفعه مسند قبودانی به
صعود و ۱۱۲۷ ده مصرده والی اولدینی حالد ارتحال ایتمش اولان
ذاتدر .

(آصف افندی)

محمد امین آصف افندی دیاربکرلی بر ذات اولوب پدریه شامه
ومؤخرأ در سعاده گلش واوراده ارتحال ایلمشدر .

شعر وانشاده مهارتی و زماننده خیلی شهرتی وار ایدی .

(آصف بك)

عصر سلیم ثالث قضاة و حکامندن ادیب بر ذات اولوب ترسانه
امینی زاده دیمکله مشهوردر .

برجوق شهرلرده واک صکره اسکدارده نایبکی واردر .

تاریخ رخاتی ۱۲۵۹ در .

(آصفی)

سلطان سلیمان دوری شعر اسندن رند مشرب و قلندر سیرت ذوق
وصفایه منهک ایدی .

حلبده ارتحال ایتشددر .

(آغا ابراهیم پاشا)

دور سلیم ثالثده مسند صدارت عظامی احراز ایتمش وزیرادن
بر ذات اولوب اصل اسمی حلمی ابراهیم پاشادر .

بو ذات او جاق ضابطانندن محمد آغا اسمنده برینک اوغلی اولوب
۱۱۶۰ تاریخندن اسکدارده والدۀ عمیق محله سنده طوغمش و صغرسنده

یکچیری اورطه لرینه دخول ایله ا. جاقده نشو و نما بولمش ایدی .
کنج یاشنده ایکن غایت نحیف و ضعیف اولدینی ایچون کچی بویونوزی
نامیله معروف ایکن بالا خره لحم و شحم صاحبی اولمغله پهلوان ابراهیم
آغا دیو کسب شهرت ایلمشدر .

ارباب رشد و درایتدن اولمغله آز وقت ایچننده قطع مراتب
ایدرك قندیه و طربزون کبی بعض مواقده آغالق ایتدکدن صکره
درسه عاده عودتله یکچیری آغاسی اولمش و بر مدت صکره ۱۲۲۱
تاریخنده اسماعیل پاشانک عزلی اوزرینه صدارته کچمش ایدی .

روسیه محاربه سنک ظهورنده اردوی هایونی مستصحباً طونه
ساحلنه عزیمت ایتدیکی ائنده سلیم ثالث فراغتی وقعه سنده اختفایه
مجبور اولمشدر .

بعده اختفا کاهندن حیتوب بوسنه والیلکننده بش آلتی سنه
قدر بولنوب حج شریفه دخی عزیمت ایلمشدر .
نهایت قرق تاریخده در سعادتده وفات ایدرک اسکدارده مسکینلر
در کاهنک قاشوسنده کی صوفهده دفن اولمشدر .

(آغا پاشا)

اواخر سلطنت سلیم خان نائده یکچیری آغاسی اولان پهلوان
پاشادر . مشار الیه بلغراد سنجاغنده بوسنه حدودنده صو قول
نام قضا قراسندن برقریه اهالیسندن ایکن مظهر هدایت رحمان
ومرور ازمان ایله در سعادتده کلوب یکچیری اورطه لرندن الی آلتی
بلوکک یولداش اغیلده شادان و پرمدت مرورنده او جاق بازرکانه حمله جی
اولوب ایکی یوز سفرنده مرقومک یساقچیلانی خدمتیه پویان ایکن
الی طقوز بلوکک چور باجیلانی محلول اولوب مرقومک اثر اقدامیه
ال اوپه رک بلوکک چور باجیلانی ایله نائل عز و شان ورفته رفته یولی
یوریوب طور ناجیلانی و سکصونجیاق وزغرم جیلقدن قول کتخد اغنه
نقل ایله کامران واول هنکامده یکچیری آغاسنک جبه علی سمنده
وقوعبولان حریقده بالای بامدن سقوطیه عازم سوی جنان اولسی
اوزینه درگاه عالی یکچیری لری آغالغیه خندان و وایه دار عنوان
مسلم البرهان اولدی .

اشبو طور مرغوب و وضع محبوب اوزره اردوی هایون ایله
سلستریه وارمشکن یکرمی ایکی سنه سی اوائل رجبنده ولی نعمتی

حقننده تصمیم ایلدیکی اهانتك جزاسنی بولوب کندی قازدینی قیویه
ینه کندیسی دوشمشدر .

ضبط وربطه قادر تهدیدینی ایقاعه مقتدر جری و جسور و وجیه
ووقور بر آغای مشهور ایدی .

(آغا حسین پاشا)

یکچیری اوجاغنده نشو و نما بوله رق آغالغه قدر ترفع ایتمش
بر ذات اولوب موخرأ بوغاز محافظی نصب اولمش ایدی .

یکچیری اوجاغنك الفاسنده حسن خدمتی کوریلهرك عساکر
منصوره محمدیه نك تشککنده برنجی دفعه اولهرق سرعسکر نصب
بیورلمش ایدی .

سرعسکر لکه خسرو پاشانك تعیینی اوزرینه صاحب ترجمه ادرنه
والیسی ومصر وقعه سنده سرعسکر و قوماندان نصب اولنهرق حلب
اوکنده منهزم اولدی بر قاج دفعه ودین والیلککنده بولنوب ۱۲۶۵ ده
اوراده ارتحال ایلمشدر .

(آغا حسین حسنی پاشا)

دور مصطفی خان نالنده یکچیری آغالغندن مسند قبودانی یه نائله
و ۱۱۸۶ تاریخچه قدر اول منصبی محافظه ایتمش اولان ذاتدر .
قدیده ده مدفوندر .

(آغا محمد پاشا)

آنف الترجمه آغا حسین حسنی پاشادن اول قبودانلق ایتمش و برسنه
قدر قبودان دریالق ایتمش اولان ذاتك اسمی در .

(آغا زاده)

ابوالسعود مرحومك تلامیذندن اولوب بعض مهم مدرسلک
و قاضیلک کرده بولمش وزماننده جهل ونادانی ایله اشتهار ایلمشدر .
اسمی محمددر .

(آفتابی)

ابوالفتح سلطان محمد خانك زمان سلطنتلرنده يتشمش بر شاعر
اولوب مرزيفونده تولد ايتمش وعلوم متداوله يني بعدالتحصیل طريق
صوفيه به بالانتساب گوشه انزوا و فناعتي اختيار ايتمشدر .

سلطان بايزيدك شهزاده لکي هنگامنده آماسيه ده مظهر توجهي
اوله رق مصاحبت مرتبه سه قدر چيقمش ايسه ده بر آراق توجهدن
ساقط اولمش ایدی . بالاخره تقديم ایلديکی مصنع بر قصیده اوزرينه
ينه مظهر توجهلری اولدی .

آتیده کی بیت جمله اشعارندندر :

دیش یارده می وار سبب زنجندانده

ينه شفتالی یشلر کی بستاننده

(آفتابی)

اونجی عصر هجری علماسندن حسن افندی اولوب حسن خطده
تفرد ايتمش ایدی . شعری دخی وار ایدی .
شو بیت زاده طبعی در .

بولعه حسن ايله که سن نور بصرسک

یوزویرمه ایکی زلفکه کیم نوری بصرسک

۹۸۱ تاریخنده ارتحال ایلدی .

(آق بیق)

فتح قسطنطنیه ده بولمش اولان مظنه کرامدن اولوب سلطان
احمد جوارنده اسمنه منسوب بر محله سی واردر .

(اقسرای)

غازی خداوندکار زماننده قونیه اقسراینده کائن مدرسه سلسله ده

مدرس اولان اعظم مشايخ و علمادان بر ذات اولوب اصل اسمی شیخ جمال الدین محمدر :

مشارالیه علوم عربیه و فقهیه و شرعیّه فزید عصر اولوب خلقه تدریسندہ فضلا و علمای عصر دن بر جم غفیر حاضر اولور ایدی .
مدرسه سلسله نیک بانسی اولان ذات مدرس انتخابی صحاح جوهری بی از بردن اوقویه جق اولان ذاته تعلیق ایتمش اولدیغندن مشارالیه بوشرطی تماماً بالاجرا مدرس نصب اولمش ایتمش .

تقریر و افاده سی خارق العاده اولدیغندن تلامیذی صوک درجه ده تفسیر کشفه حاشیه یازمش و انموذج ایله ایضاحی شرح ایتمشدر .

سید شریف جرجانی علامه نیک صیت و شهرتی ایشتمده لاجل الملاقات بلاد رومه ککش ایسه ده اقمراه عزیمتی شیخک یوم ارتحالنه تصادف ایلمشدر .

شیخ حضرت تری تلامیذی اوچ صنفه آروب بر صنفه یولده دیکرینه خارج مدرسه ده اوچنجیسنه داخل مدرسه ده اجرای تدریسات ایدرمش . ملا فناری دخی شیخ جمالک تلامیذندن ایدی .

(آق شمس الدین)

کبار اولیاء اللهدن و اعظم مشایخدن بر ذات اولوب اسمی محمد بن حمزه در .

دمشق الشامده تولدایله دیار رومه کلوب اوراده نشوونما بولمشدر . علوم ظاهریه و باطنیه ده صاحب ید طولا و علم طبعه مهارتی تصدیق کرده پیر و برنا ایدی .

عثمانجق قصبه سنده مدرس اولمشدر . علوم باطنیه تحصیل و طریق صوفیه انتساب هوسنه دوشدیکنده

شیخ حاجی بایرام ولی حضرت تهرینه مراجعت ایدرک مظهر قبول اولمش
ومشارالیهک ارشاد ودالاتیه از مدته تصفیة درون ایله واصل کالات
اولمشدر .

استابول فتحنده حضرت فاتح ایله برلکده بوانوب پادشاه
مشارالیهک مظهر احترامی اولدیغندن بلمکشفه مرقد ابا ایوبی تعیین
ایلمشدر .

پادشاه حضرت تهرینک شیخ حقنده احترامی زیاره اولوب نصایح
وحکمیاتندن مستفید اولملریله بر آراق انابت ایتمکی تصمیم بیورمشدر
ایسده حضرت شیخ ممانعت ایتمشدر .

بعدالفتح وطن اتخاذ ایتدکاری کوینک قصبه سنه عزیمت ایدرک
اوراده ذکر وعبادات وتشفیة مرضا ایله اوقانگذار اوله رق ۸۶۴
تاریخنده رحلت بقا بیوردیلر .

علوم طیهیه دائر بر رسالهی وتصوفه متعلق بر اثری و طریقت
صوفیهیه قارشو دیگر بر اثری واردر .

اولادندن نورالهدی جذبه رحمانه مظهر ویوسف ذلیخانک ناظمی
حمدالله انتساب علم ومعرفته مشهوردر .
تره می کوینکدهدر .

(آق قیونلی)

ترکستان عشیرت لرندن اولدیغی حالده سکنر عصر اقدم ایران
وصراق و آناتولی جهت لرینه مهاجرتله اولدجه قوتلی بردولت تشکیل
ایتمش اولان بر حکومت اولوب بونلرک دولت علیه عثمانیه ایله اولدجه
مهم ماجرالری مسبوق اولدیغندن لغات تاریخیة عثمانیهده ذکر الزمدر .
آق قیونلیلر قره قیونلیلرله برابر آرغون خان زماننده ترکستاندن

آذربایجان هجرت ایدرک قره قیونلیلر ارزنجان سیواس و آق قیونلیلر
 دیار بکر طرفلرینی اشغال ایله برر حکومت وجوده کتورمشلردر .
 آق قیونلیلرک برنجی حکمداری طور علی بک که بوکا علاءالدین
 ترکمانی دخی دیرلر . موصل و آمد جهتلرنده کسب استقلال ایلدی .
 تاریخ عثمانیده اسمی مذکور و فاتح مرحوم ایله محاربات مشهوره سی
 مسبوق اولان اوزون حسن ۸۴۸ تاریخنده مسند نشین اولان جهانگیرک
 برادری ایدی .

مشهور اسماعیل صفوی بو حکومته خاتمه چکدی .

(آق محمد پاشا)

سلطان محمد خان رابع دورنده بولنش اولان وزرادن اولوب
 ۱۰۶۱ ده شام والیسی ایدی .

(آق محمود پاشا)

آوجی سلطان محمد عصری وزراسندن اولوب ۱۰۶۵ ده بغداد
 والیکنده بولمشدردر .

(آگاه افندی)

شعراى عثمانیه دن اولوب اصل اسمی محمددر .
 بو ذات درسه عادتده طوغوب مقدمات علومى تحصیلدن صکره
 طریق کتابته سلوک ایدرک سلیمانیه جامعی وفقی روزناجه جیسی اولمش
 ۱۱۵۸ تاریخنده رحلت ایلمشدردر .

(آگاه پاشا)

دورحمید خانیده بروسه شام، حجاز والیکلرکرنده بولنوب اشقودره
 والیسی ایکن ارتحال ایلمش اولان بر وزیردر .
 اسمی عبدالعزیز ایدی .

(آکبی)

اوتنجی عصر هجری اواخرنده یتشمش شعرادن اولوب منشای
سلانیکده کائن واردار یکجه سی در .

تحصیل علم و کالاتدن صکره طریق قضاته دخول ایدرک برچوق
قضالرده بولنمش و ۹۸۵۰ده ارتحال ایلمشدر .

اشعاری لطیف و معنیداردر :

جکدیروب فرقتی بزدن ایراغ اولدک سن

بحر فرقنده نیجه فورطنه لر چکدم بن

(آنقروی)

کبار مشایخ مولویه دن شیخ اسماعیل حضر تلریدر .

بو ذات اوتنجی عصر هجری ده آنقرده تولد و تکمیل علوم
ایتدکن صکره طریق تصوفه سلوک ایله مولوی طریقنده اکتساب
درجات ایلمش و مثنوی شریفه یدی بیوک جلددن مرکب مکمل بر اثر
یازمش ایدی .

غلطه ده اسکندر پاشا زاویه سنده مثنوی خوان اولدینی حالده

۱۰۴۱ده ارتحال ایلدی .

(آنقروی شیخ حسام الدین افندی)

آنقرده اوتنجی عصر هجریده دنیا یه کله رک کبار مشایخدن احمد
شاربانه انتساب ایتمش و مشار الیهک وفاتنده مقام عالیه سینه صعود ایله
سجاده نشین اولمشدر .

انجق جذبۀ رحمانه مستغرق اولدیفندن ظاهراً مخالف شرع مبین
بعض اوضاعی مشاهده اولنمی اوزرینه طرف شرع شریفدن حبس
اولنمش اولغله ایرتسی کون کوشه محبسه میت اوله رق کورلمشدر .

(آنقروی شیخ احمد چلبی)

کبار مشایخ حلوتیه دن واوتنجی عصر هجری رجالدن مشهور
برذات اولوب دور ممالک و سیاحتیه مهتمک ایدی .
اواخر عمرنده انقرده اختیار عزت و وعظ و نصیحت ایله مشغول
اوله رق ۹۵۰ تاریخنده داربقایه ارتحال ایلدی .

(آنقروی محمد افندی)

آوجی سلطان محمد خان درورنده مسند مشیخت اسلامیه ده
بولنش اولان مشاهیر علمادن اولوب ۱۰۲۸ ده انقرده دنیایه کش
وعلی الاصول طریق تدریسه داخل اولدقن صکره بروسه مصر
قضالرینه وبعده استانبول قاضیلکنه نائل وبعده عزل اولنوب ۱۰۹۶ ده
مسند مذکور واصل اولمشدر .

۱۰۹۷ تاریخنده شیخ الاسلامق مسند جلیله نائلیتله مظهر
اعزاز واکرام اولدقن صکره ۱۰۹۸ تاریخنده حلول اجل موعودیه
ارتحال داربقا ایلمشدر .

سلطان سلیم جوارنده قوغه جی دده تربیه سی پیشگاهنده مدفوندر .
عالم وفاضل و متقی برذات اولوب کتاب تنویر بر حاشیه سی و مدرسه
کبی آنار خیره سی واردر .

(آهی)

اوتنجی عصر هجریده یتشمش اولان اعظم شعرای عثمانیه دن اولوب
مسقط رأسی نیکولی قصبه سیدر .

تذکره شعرانک روایتیه نظر آهینک پدری سیدی خواجه
نامنده غایت زنکین بر تاجر ایمش .

پدرینک ارتحالنده اکتساب علم و عرفان واکال تحصیل ایلماک

اوزره درسعاده کله رنك طريق علمي به سالك اولوب بر خیلی مدت ملازمت ایلمش و بر آراق خسرو و پرویز نامیله مشهور اولان منظومه بی وجوده کتوره رنك یاوز سلطان سلیم خان حضرت تالینه تقدیم ایلمش ایدی .

شهریار مشارالیه آهینك بو منظومه سنده کی اقتدار ادیبیسی تقدیر ایتدیکندن سننی ورتبه سنی سؤال ایتمش و ترفیع رتبه سنی فرمان بیور مش دره . اولوقت آناطولی قاضی عسکری اولان ابن کمال مرحوم بر موجب اراده پادشاهی آهی به بروسه ده کی بازید مدرسه کیکی عرض و انها ایتمش ایسه ده آهی روم ایلی قاضی عسکری اولان زیرك زاده نك ربوده دام اغفالی اولغله بازید مدرسه سنی رد ایلمشدر .

بونك اوزرینه خاطر پادشاهی آهیدن رنجیده اولغله خیلی زمان فیضی مسدود قالمش ایسه ده بر آراق قره فریه به مدرس نصب اولمش ایدی .

آهی اواخر عمر نده مناسیره عزیمت و اوراده حاورینك همشیره سنی تزوج ایله رحمت رحمانه واصل اولدی .

آهی شعرای عثمانیه میاننده نادر الامثال بر ذات اولوب خسرو و شیرین و ناتمام اولان حسن دل منظومه لرندن اقتدار شعر به سی منفهم اولور :

مکر کیم صبح دم بو زال کردون
سپهرک دامن قیلمشیدی پر خون
مکر کیم وضع حمل ایتمشیدی ناهید
آنک چون قان ایچنده طوغدی خورشید

طوغردی صبحدم بانوی دوران
بر آلتون باشلی صرمه صاجلی اوغلان
الی دوشمشدی سرمدان چنارک
ایاغی دوشمش ایدی چشمه سارک

*

..

نه مصاحب بولنور درد وغم یار کبی
نه فراغت یری وار کوشه خمار کبی
کوتروب نقطه کبی اورته آتدی بی چرخ
بشلدی کندی قبی چزمکه پرکار کبی
اول قیامت بی فردایه صالوب آهی ینه
یارنه قالدی ایشم وعده دیدار کبی

*

**

جاهلک فخری جاه و ماله در
عارفک عزتی کمال ایله در
عشق و شوق اهل وجد و حال ایستر
نه کمال ایستر و نه مال ایستر
بزی کور کیم نه حاملز واردر
نه کمال و نه مالز واردر.

(آیاس باشا)

دور سلطان سلیمان خان قانونیده درت سنه قدر مسند صدارتده
بولمش اولان وزرای عظامدندر.
کندیسی آرنالود اولوب سلیم اول دورنده حرم هایوندن آغالقله

طشیره چیقمش ویکچیری آغاسی اولدینی حالدہ مصر سفرینده بولنهرق
شجاعت و جسارتی و عقل و درایتی منظور و مقبول شهر یاری اولهرق
مظهر عاطفت اولمش ایدی.

سلطان سلیمانک ابتدای سلطنتلرینده جانبد غزالی وقعه سی اوزرینه
شام والیمی اولهرق ردوس فتحینده دخی خدمات مبروره سی کورلمشدر.
بر آراق مظهر غضب اولمغله وزارتی رفع و کنسیدیسی حبس
اولمش ایسهده بر مدت صکره ینه عفو و اطلاق ایله رتبه سی اعاده
اولمشدر.

بغدان سفرینده و بارباروس ایله برابر قورفو محاصره سنده یرارلی
کوریلیمکه وزیر ثانی و ۹۴۲ ده صدراعظم نصب اولندی.
درت سنه قدر اول مقام عالیده بولندقدن صکره ۹۴۶ ده
در سعادتده ظهور ایدن طاعوندن متأثراً وفات ایلدی.
زنه مائل و سائر اخلاقی معتدل کثیر الاولاد بر ذات ایدی.
ایوب سلطانده مدفوندر.

(آياس پاشا)

فاتح یمن سنان پاشانک برادری اولوب سلطان سلیمان قانونی دورینده
ارضروم بکربکیسی ایدی.

(آیدین بك)

دولت سلجوقیه امراسندن اولوب علاء الدین کیتبادک وفاتینده
والی اولدینی حالدہ دولت ابد مدت عثمانیه نك بدایت تأسسینده شمیدیکی
آیدین سنجاغنده بر حکومت مستقرله حالنده بولمش اولان حکومتک
مؤسسسی ایدی که مذکور حکومته آیدین اوغللاری حکومتی و مملکته
آیدین ایلی نامی ویریلور.

آیدین بك آياسلوغی مركزز حكومت اتخاذ ايتديكى وكندندن
صكره اوغلى محمد بك و آندن صكره عيسى بك مقام رياسته كچديكى
ومزبور عيسى بك ييلدرم بايزيد خانه مملكتتى تسليم ايلمسى اوزرينه
ازميره والى نصب وتعيين قلندىنى مرويات تاريخه دندر.

(آيدین پاشا)

دور مراد رابع وزراسندن اولوب جده حبش وحجاز والىلكلرنده
بولتمش ايدى.

(آبدال خان)

سلطان ابراهيم بن محمد خان عصرنده بتليس حاكمى اولوب رفع
لوای عصيان ايتمش اولغله ملك احمد پاشانك والىلكنده تادیب وتربيه
اولته رق در سعادته اعزام قلتمش و مشاهده اولتان بعض اوضاع
نامرضيسنه بناء مؤخر آقتل اولتمشدر.

(آبدال موسى)

بروسه فاتحانندن بر ذات مجاهد اولوب ترهسى شهر ك ايچنده در .

(ابراهيم آغا)

ابراهيم خان دورينك صدراعظمى اولان هزار پاره احمد پاشانك
برادرى و مصاحبه حوبيار قادينك زوجى اولوب صدارت عظمى
كتخداسى ايدى آنجق عيش وعشرته صوك درجده منهمك وسفاخته
مجبور اولديغدن برادرى طرفدن حبس اولتمش ايدى.
موسى پاشا يرينه بغداد والىلكنه نصب اولدينى حالده برادرينك
سقوطى اوزرينه بوده عزل اولدى.

(ابراهيم آغا)

داماد شهيد على پاشانك كتخداسى اولوب غايت مكار و حيله كار
بر آدم ايدى.

مساوی احواله بناء بلغراد اوکنده اعدام اولمشدر .

(ابراهیم آغا)

آندرون هایون اغواتندن صاحب علم و عرفان بر ذات اولوب خدمه خاصه معلمی و شام شریفده جامع امویه متولسی اولمش ۱۰۲۱ ده وفات ایتمشدر .

(ابراهیم احسانی)

احسا علما وفقهای بنامندن ومظنه کرامدن بر ذات اولوب علوم ظاهریه وباطنیده ید طولا صاحبی ایدی .

مکه مکرمه مقنسی کبار مشایخ کرامدن عبد الرحمن مرشدیدن اخذ انابت ایتدکدن صکره احسایه عودتله تاج الدین هندییه انتساب ایله واصل درجات کمال اولمش وتصوفه و سائریه دائر آثار متعدده یازمشدر .

نظم الاجرومیه شرحی ایله دفع الاس فی اذکار الصبح والمساءله تألیفاتنددر .

تاریخ رحلتی ۱۰۴۸ در .

(ابراهیم اطاس)

اسم دیگر برهان الدین در .

مسقط رأسی خص قصبه سی اولوب اوائل تحصیلنده مصره کیتمش واوراده تکمیل علوم ایله اخذ اجازت ایدرک وطننه عزیمتله تدریسات ایله مشغول اولمش و اواخر عمرنده طرابلس شام مقنسی اولدینی حالده ۱۱۹۶ ده ارتحال ایلمشدر .

(ابراهیم افندی)

مراد رابع مرحومک هنگام سلطنتلرنده دفتردار اولان مشهور بر ذات اولوب عن اصل موستارلیدر .

پادشاه مشارالیهك ایام حکمرانیلرنده ظهور ایدن روان سفری
 اثناسنده ارضرومده اقامتله لوازم سفریهنک تهیه وتدارکی خصوصاته
 بذل مجهود ایتکده ایکن صدر اعظم وقت اولان طبانی یاصی محمد
 پاشانک وسوسه واندیشهسنی موجب اوله ییله جنک بعض اوضاع
 واطواری ظهور ایتسنه بناء قتل واعدام اولمشدر .
 عفیف ومستقیم ودرایتلی آچیق کوز برذات ایدی .

(ابراهیم افندی)

روز نامهچی ابراهیم افندی دیو معروفدر .
 بو ذات دخی موستارلی اولوب روز نامهچیلک مسندی اوآخر
 عمرینه قدر محافظه ایتش ایدی .
 کندیسی عاقبت بین ودورانیش برذات اولمغله پادشاه وقتک
 مظهر نوازش وتوجهی اولدینی حالده بیوک مسندلره طالب اولمدیغندن
 وقتی رقیبسنر کچورمش ایدی .
 بغداد سفری اثناسنده موصل جوارنده ارتحال دار بقا ایدی .

(ابراهیم افندی)

شیخ الاسلام ابو سعید زاده فیض الله افندینک مخدومی اولوب
 علم وفضلی وحسن اخلاقی سببيله شهزاده سلطان محمود اولک معلمکنه
 تعیین قلنمش و ۱۱۱۴ ده قاضیعسکر اولمشدر .

(ابراهیم نسیم افندی)

سلطان سلیم ثالث عصرینک اک پارلاق رجالندن اولوب ابراهیم
 کتخدا نامهله معروفدر افندی مومی الیه خوتیننده کائن آياصوفیه
 جامی امامی احمد افندینک مخدوم درایت موسومی اولوب هنکام
 صباوتنده پدری ارتحال ایتکله جدمادریسی خوتین عربهچی باشیسی

محمد آغانك تحت صحابت و حمايتده دوره صباوتى امراراتمش و سكران
دوت تاريخنده محمد آغا ايله برلكده درسعادت كلهرك سكران سكر
تاريخنده مكتوبى صدر على قلمنه چراغ بيورلدى .

مومى ايله امور ماموره سنه دوامه بذل ماحصل اقتدار ايله آز
وقت ظرفنده درجه قابليت واستعدادى السنه اولياى امورده متواتر
اولمغه باشلادى ايكي يوز ايكي سنه سنده روسيه و نمچه سفرى مناسبتيله
اردوى هايونك خروجندن صكره افندى مومى ايله كتهخدای صدر
على اولان الحاج ابراهيم افندى به مهردار ورتبه خواجكانى ايله
قدرى بالاتر اوله رق مقبوط صغار و كبار اولدى مكتوبى ركاب كامياب
احمد افدينك ايلچيلك ايله بجه مامورى سر خليفه مصطفى
بكك مكتوبچيلىق و كالته نصبنى ايجاب ايتمكله صاحب ترجمه دخى
مومى اليك و كالته كامور اولمشدر . افندى مومى ايله ارباب عقل
خداداد و اصحاب رشد و سداددن بولمغله بو مامورىتنده فوق العاده
خدمات مهمه و مشكوره ابرازينه موفق و بيورلدى به دخى مأذون
اولمغله مكتوبچيلىقى محو ايده جك درجه لرده كسب نفوذ و شهرت و اول
انشاده مؤتمن دولت اولان راشد افندى به تحصيل انما و منسويت
ايتمش ايدى .

اردوى هايونك درسعادت و وصولنده بالطبع مامورىتندن معزول
اوليسه ده راشد افدينك معيتنده بعض لوايح مهمه تبليغ و سر ائردن
اولان موادى قلمه آلتى خدماتنده بولمغله آراسى چوق كچمكسزىن
مكتوبى صدر على سر خليفه لكى ايله نائل مأمول اولدى .

الحاج عزت محمد پاشانك صدارتنده دفعه مكتوبچيلىق مقامنه

اعتلا ودرت سنه قدر اول مسند عاليه ابراز اهليت ايدرك مشاره
اليهك اواخر صدارتندم كتخدای صدر عالي نصب وتعين قلندي .
آنحق اون سكز كون صكره عزت پاشانك انفصالي وقوعيله ضيا
يوسف پاشا مقام صدارته كچمكله افندي مومي اليه بي صاحب كبي
قالمشكن پاشاي مشار اليه مسندنده ابقاسي صورتی تخصیص ایتكین ینه
اول منصبده قرار ایلدی .

ضيا يوسف پاشا سردار غيله اردوي هايونك مصره خروجنده
ركاب هايون كتخدالغيله كامياب واردوي مزبورك در سعادت عودتنه
قدر بلا قصور ارائه خدمات مهمهده صرف مقدور ايتدكدن صكره
فرانسه مصلحتكذاريله مذاكره مأمور و اون يدي سنه سنده ثانياً
كتخدای صدر عالي مقامنه نصب اولندي وعلاوه مأموريت اوله رق
همشیره شهر ياري بكخان سلطان كتخدالغی دخی دوش استحقاقنه
تحميل قلندي .

اشبو ايكي مأموريتك افندي مومي اليهك عهده سنده اجتماعي
تكشير شهرت وتزييد نفوذ ومكنتني موجب اولغله محسود الامانله
واقران ورجال دولت مياننده حائز شرف وشان اولمش ایدی .

اسماعيل پاشا مسند صدارت عظمایه اعتلا ایلد كده ابراهيم كتخدانك
شهرت شایعه سيله قولاغی طولمش ایدو كندن خدمت مستقله وكالت
كبراده كندويه رقيب عدايه مومي اليه حقنده بركال اولان توجه
شاهانه بي تحويه تشمير ساق اهتمام و نتیجه مساعيسي كار كر تأثير
اولمديغندن تخم نفاق و فسادى زیر پرده خفادن صاحبه اقدام ايلمكله
بو كيفيت افندي مومي اليهك اخطاريله تبدل صدارتی وبركون صكره
دخی كندی عزلی موجب اولمش در .

آنجق ابراهيم كتخدانك صداقت و حقيتي نزد شاهانده معلوم
اولديغندن اوزرنده كي توجه شهر ياري ككان باقي اولمغه آره صره
باب عالي به كيتمك وامور دولته نظارت ايلمك فرمان بيورلدي .

ابراهيم كتخدانك قدر منزلتي نقيصه دار اوليوب كالاول مهمام
امور دولت يد اقتدارينه مسلم اولديغندن حساد اقبالي زوالنه چارچشمه
مترقب ايكن خائن موسي پاشا مسند قائممقامي به بسط قاليجه اهتدا
ايلدكده موسي الهك زوال اقبالي تهيه اسبابي احضاره دامن درميان
اقدام واسماعيل پاشانك صاچدينني نائرة فسادى اشتعاله اهتمام ايتمكله
قواقلو فسادى ساحه ظهوره كلمش ومشار اليه بو آتش فتنه ايچنده
ياتوب كيتمشدر .

قبري دكز ابدال سمتده كائن سراج طوغان جامعي خطيره سنده
كبار اولياء اللهدن نفايس حسن افندي مرقدى جنبنده در .

موسى اليه خفيف اللحيه طليق اللهمجه تيز فهم دور انديش عاقل
بى تشويش سريع القلم كريم الهمم امور خارجيه ده صاحب يد طولاً
دقايق حاله وزمانيه به آشنا فقرا پرور مكارم كستر مائل بخش وعطا
راغب جود وسخا بر ذات مستجمع الصفات ايدى .

(ابراهيم افندي)

سلطان سليم ثالث دورنده بحريه ناظرى اولان الحاج ابراهيم
افندي ايكي يوز ايكي سنه مى سرزده ظهور اولان روسيه محاربه سنده
اردوى هايونده مسند افتايي احراز ايتمش اولان اسماعيل افدينك
مخدومى اولوب بدايت حالنده موقوفات قلمنه و بعده مكتوبى صدر
طالى او طه سنه چراغ بيورلدي .

آراسى چوق كچمدن رئيس الكتاب مصطفى افندي به قربات

صهریه پیداسیله دفعه سرخلیفه لك مسندینه ارتقا وبعده مکتوبجیلوق خدمته نقل ایله کامروا برمدت مرورنده خدمت مزبورهدن انفصال ایدرك براز صكره ینه مکتوبجیلغه نائل اولدی.

دفعه ثانیه مکتوبجیلغنده مسقو سفری وقوعه کیکله اردوی هایون ایله روسجغه عزیمت ایله اوراده ركاب هایون کتخداسی نصب اولمشدر بو ائشاده جزایرلی غازی حسن پاشا نائل صدارت عظمی اولوب حالبوکه پاشای مشارالیه آرالر یوزوق اوله رق دائما محترز اولدیغندن صره هایون امانتی استدعا ایله جانب حجازه عازم وبعده الحج عودتده حسن پاشا ارتحال ایتش اولدیغندن صاحب الترجه دفع وحشت وباش محاسبه جیلکله کسب رفعت ایلمشدر.

ملك محمد پاشا صدارتنده کتخدای صدر عالی مسندینه واصل وبعده الانفصال مکرراً دفتردارلق ترسانه اماتی ایراد جدید دفتردارلنی حیوای نظارتی مناصب جلیله سنی دور ایدرك اشبو ایکی یوز یکرمی ایکی سنه سی انکلتزه دونماسنك درسعادت وروندده ترسانه امینی نصب اولندی.

اشبو مأموریتده امور مأموره سنه بدل ماحصل قدرت اوزره ایکن وقعه سلیمی ظهورنده احراز رتبه شهادت ایلدی .

ازهراللون کبود العین طلیق اللهجه غضوب الوجه فطین تهدیدینی ایقاعه قادر متانت وصالبتله مشتهرفن خوشنویسیده ماهر انحق حسنت واما سأكده یکانه وکال غدار ی وبی رحی ایله معیوب زمانه ایدی.

(ابراهیم افندی)

سلطان عبدالحمید خان اول دورنده مسند معلا ی مشیخت اسلامیه یی احراز ایتش اولان قره حصار ی ابراهیم افندی قضاتدن عثمان افندینك

اوغلی اولوب ۱۱۱۳ تاریخنده قره حصار شرقیده کهواره زیب عالم وجود و اون درت یاشنده در سعادته کلهرک عموجه سی روم ایلی قاضی عسکری اولان زین العابدین افندیك معاونتیه ۱۱۳۰ تاریخنده ملازم اولمشدر.

بعده صاحب الترجمه زین العابدین افندی یه داماد اوله رق آنکله برابر مکئ مکرمه یه کتمش و عودتنده ۱۱۴۳ سنه سی مدرس و ۶۸ سنه سی سلانیک قاضی سی ۷۴ ده شام ملاسی ۸۲ ده استانبول قاضی سی ۸۴ ده اناطولی قاضی عسکری ۸۷ ده نقیب الاشراف ۹۰ ده مکرراً روم ایلی قاضی عسکری ۹۳ ده رئیس العلماء ۹۶ ده مسند مشیخت اسلامیه ایله کامروا اولدی.

سکز آی اول مسند معالاده بولندقدن صکره ۱۱۹۷ سنه سی طقسان یاشنده عازم داربقا اولمشدر.
مرقدی سلطان سلیم جوارنده در.

(ابراهیم افندی)

داغستانی ابراهیم افندی سلطان سلیم ثالث دوری قاضی عسکر لرندن اولوب فاتح جامعنده بر مدت تدریسات ایله مشغول اولدقدن صکره صره سیله قطع مراتب ایدرک روم ایلی پایه سنی احراز ایتمش و ۱۲۱۰ تاریخنده ارتحال ایلمشدر.

(ابراهیم افندی)

دور سلطان محمود ثانی رجالندن اولوب شهرامینی ابراهیم افندی نامیله متعارف ایدی.

کندی بی ادرنه لی اولوب اوائل حالنده ضیق معاشدن ناشی در سعادته

کلهړك تحصيل علمه وسيا حسن خطه چالشمش وخطاط شهير اسماعيل زهدي افنديڼ يازى يازمشر .

سلطان مصطفى رابع دورنده باش محاسبه جيلك مقامنه صعود وپادشاه مشاراليهك توجهنه مظهر يتله تميز ايتمش ايسهده وقعه سليميهده اختيار بي طرفي ايله ابراز صداقت ايتمسي محمود خان ثاني حضر تلرينك موجب محظوظيتي اولديغندن زمان سلطنتلرنده فوق العاده توجهلرينه مظهر اولمش و مشاور خالصق درجه سنه اعتلا ايلمش ايدى .

مشهور حالت افندي بي نزد پادشاهي يه سوق ايله كندندن صكره موقع و تقوديني اكاترك ايلمش ايدى .

۱۲۲۸ ده شهر اميني ايكن ارتحال داربقا ايلدى .

(ابراهيم افندي)

تاتار شيخ ناميله متعارف اولوب مشايخ حلوتيه دن برذات ستوده صفات ايدى .

نورالدين زاده دن تكميل طريق ايله كوچك آياصوفيه ده كي زاويه سنده خلق ارشاد وجوامع شريفه ده تفسير وحديث تدريسيله مشغول اولديني حالده ۱۰۰۱ سنه سي عالم عقبايه روان اولمشر .

(ابراهيم افندي)

جراح پاشا شينى ديمكله مشهور درر . عن اصل بوليلي اولوب در سعادته اكمال تحصيل ايله شيخ واعظ اشتيبي حضر تلرينه انتساب ايدرك طريقته سالك اولمش و آرزمان ظرفنده اكتباب كالات ظاهريه وباطنيه ايتمشر .

قاسمپاشاده پياله پاشا جامع و تكمه سنده امامت و خطابت و مشيخت

جهت تریله متعیش و جراح پاشا جامنده اجرای وعظ و نصیحتله احراز
مثنوایه ساعی ایدی .

سلطان عثمان ایله خوتین سفرینه عزیمت ایلمشدر .
وفاتی ۱۰۴۲ ده در .

قوة حافظه سی غایت زیاده اولوب علم فقهده تفرد ایلمش ایدی
قاضی زاده ایله مناقشه لری واردر .

(ابراهیم بك)

سلطان حمید اول دورنده ایکی دفعه مسند مشیختی احراز ایتش
اولان عوض پاشا زاده در .

۱۱۲۷ ده محمود اول و زراسندن فاتح بلغراد عوض پاشانك
صلبندن در سعادتده تولد ایدرك ۴۶ ده طریق تدریسه داخل و صره-
سیله یکی شهر بروسه مدانیه شام قاضیلقرینه نائل اولش ۷۳ ده
آناتولی پایه سیله استانبول قاضیمی اولوب ۷۵ ده آناتولی قاضیسکری
۸۰ و ۸۵ ده مکرراً روم ایلی قاضیسکری نصب اولنمشدر .

۸۸ و ۹۹ ده ایکی دفعه مسند مشیخته کتورلمش و برنجیسنده اون
وایکنجیسنده اوج آی بولندقدن صکره حدت مزاجی سببیه عزل
وانقریه نفی اولنوب سلیم ثالث حضرتلرینك جلوسنده در سعادتده
كلهرك منزویانه اصرار حیات ایتمکده ایکن ۱۲۱۲ تاریخنده ارتحال
ایلمشدر .

(ابراهیم پاشا)

چاندازی سلاله سندن چلبی سلطان محمد خان حضرتلری دورنده
مسند جلیل صدارت عظمایی احراز و مراد ثانی حضرتلری دورنده
دخی ابقا بیورلمش اولان ذات اولوب جلییان وقعه سی ختامنده نزد

پادشاه جلیل الشانه کلمش واولتاریخدن یعنی ۸۱۵ : ۸۳۱ سنه سنه
قدر مقام صدارتده بولتمشدر .

(ابراهیم پاشا)

عصر بایزید خان ثانیسنه ایکی سنه (۹۰۳ : ۹۰۵) صدارتده
بولتمش و سالف الترجه ابراهیم پاشانک تورونی اولان وزیر بی نظیردر .
مشار الیه پدری خلیل پاشانک یکتندن حصه مند اولمغه بر آراق
برایش بولمغه چالیشمش و طریق علمییه دخالتیه سعی ایتمش ایسنه
موفق اوله مامش ایدی .

آخر الامر آماسیه قاضیلمغه نصب اولندقدده سلطان بایزید خانه
انتساب و اوراده مشار الیهک توجهنه مظهر اولمغه حین جلوسلرنده
اولا قاضی عسکر و ۹۰۳ ده صدراعظملمغه اعتلا ایلمشدر .

غایت عادل معارفپرور و اجدادی طریقنه سالک بر ذات اولوب
حین ضرورتنده کنه دیسنه بد معامله ایدن بروسه قاضیسنی صدراعظم
اولدینی زمان تلطیف ایتمش ایدی .

(ابراهیم پاشا)

بوکا مقتول ابراهیم پاشا دخی دیرلر . عن اصل فرنک اولدینی
حالد اسارتله برینک الیه کچرک سرایه تقدیم قلمش و آنجق ارباب
عقل و درایتدن اولدیغندن آز وقت ایچنده قطع مراتب ایدرک خاص
اوطه باشلیق و ایچ شاهینجیلر آغالنی رتبه لرینه اعتلا ایلدی .

حضرت پادشاهک منظور نظر توجهلری اولدیغندن پیری پاشانک
تقاعدی اوزرینه مسند صدارتی احراز ایلمشدر ۹۲۹ .

۹۳۰ ده مصره عزیمتله مسئله منازع فیهایی تسویه و ۳۱ ده

قلندر وقعه‌سی ایچون آناطولی‌یه عزیمتله مظهر عاطفت شهریار
اولمشدر .

بحارستان و عراق سفر لرنده خدمات مشکوره‌سی مشاهده اولنسی
اوزرینه سرعسکرلک منصبیله دخی قدری ترفیع و دستور مکرم اولمق
اوزره اعطا اولنان برات شریفه ایله حکم نفوذی توسیع بیورلمشدر .
بودرجه التفاته مظهریتک شکرینی حلم و تواضع ایله ادا ایتک
لازمه حالدن ایکن مشار الیه بعض مغفلارک اغفالاته قایلدیغندن
بغداد سفرندن عودتده اسکندر چلبی‌یه غدراً اعدامی سبب ظاهر یسیله
۹۴۲ سنه‌سی بغته اعدام اولمشدر . مشار الیه دولت عثمانیه‌ده
صوک درجه مظهر التفات پادشاهی اولمش اولان ایکی ابراهیم پاشارک
برنجیسیدر .

(ابراهیم پاشا)

عهد سلطان محمد ثالثه اوچ دفعه مقام صدارتی احراز ایتمش
شرق صهریته نائل اولمش وزیراندن در .

مشار الیه عن اصل بوسنه‌لی اولوب مراد ثالث دورنده
سلاحدارلق یکپچری آغالی روم ایلی بکربکلیکی ایتمش و ۹۹۰ ده
رتبه وزارتیه واصل اولمشدر .

قبودان دریا قیلنج عالی پاشانک وفاتنده قبودانلق منصبی دخی
احراز ایلدی .

سلطان محمد ثالثک اوائل سلطنتلرنده قائم مقام و بر سنه صکره
صدراعظم نصب اولندی اگری سفر هایوننده معیت جناب شهریاریده
بولنوب جفال زاده‌نک خدمات مشکوره‌سی اوزرینه مشار الیه

صدارته کچمکله صاحب ترجمه عزل اولندیسه ده قرق کون صکره
ینه مقام صدارته کتورلمشدر .

۱۰۰۶ سنه سی بتکرار تاتار خان ماده سی اوزرینه انفصال ایلدی
ایسه ده ۱۰۰۷ سنه سی اوچنچی دفعه اوله رق صدارتله مبعجل اولدی .
بو دفعه مجارستان سرعسکرلکی دخی ضمیمه مأموریت اولغله
مجارستانه کیدوب بر ایکی سنه اولحوالیده خیلی ایش کورمش ولوغه
ایله قنیزه نك فتحه موفق اوله رق ۱۰۱۰ سنه سی ارتحال ایلیمشدر .
عاقل مدبر بر وزیر ایسه ده غدارلنی علی الخصوص بعض
اکابری لغرض افنایه انهماکی مروی و بعض شیارده لاقیدانه حرکاتی
کی سیئات احوالی صحایف تواریخده محکی در .

﴿ ابراهیم پاشا ﴾

بوکا قره ابراهیم پاشا دیرلر .

عهد محمد خان رابع ايام اخیره سنده مسند صدارتی احراز
ایتمشدر . اصلاً بابورتلی اولوب فراری مصطفی پاشا داتر سندن
یتشمش و بعض وکلایه کتخذالق خدمتلرنده بولندقدن صکره میرا-
خورلق ورکاب قائمقاملنی وقبودانلق مناصبه دخی اعتلا ایلیمشدر .
۱۰۹۵ ده صدارتی احراز ایلدیه ده مجارستان سفرینه عن قصد
کیتمدیکی رخاوت و جباتنه حمل اوله رق اولاً سکتیه عزله کرفتار
وبعد رقباسنك القا آتیه مالی مصادرده وکندیسیده ردوسده مخوقاً
رحلت کزین دار القرار اولمشدر .

﴿ ابراهیم پاشا ﴾

خواجه ابراهیم پاشا دیو اشتهار ایتمشدر .

بو ذات عن اصل از میر حوالیسندن اولوب اوائل حالنده حاصه

بوستانچیلرندن ایکن بر سبدن طولایی جزایره فرار ایتمش و برسنه
صکره درسه عاده کله رک قالیونجیلق و قایقجیلق ایله تعیش ایتمکه
بولمش ایدی .

احمد خان ثالث حضرتلری بر آراق تبدیلاً صاحب ترجمه نك
قایغه بنمکه اول تاریخدن اعتباراً نزد پادشاهی به تقرب حاصل ایتمش
وقلایی قوزك صدارته دعوت امری صاحب ترجمه ایله کریده ارسال
قلنمش ایدی .

بو مأموریتی حسن ایفا ایتسی اوزرینه قالیون قپودانلغی و بعده
صره سیله دریا قپودانلغی مسندینه دخی ارتقا ایلدی .

کندیسی ذاتاً یالی اهاالیسندن و بحریه ایشلرینه یرار زمره دن
اولدیغدن محاربات بحریه ده ایچه ایش کورمش اولغله کوندن کونه
شهرتی آرتوب ۱۱۲۴ سنه سی دفعه صدارته کتیرلمشدر .

آنحجق امی و سواده دل و امور دولته دن کلیاً غافل اولدیغدن
صدارتی اداره ایده میوب داماد علی پاشا حقنده کی غرضکارانی دخی
سوء اداره سنه انضمام ایتمکه سبب نکبتی اوله رق اعدام اولمشدر .

(ابراهیم پاشا)

مقبول ابراهیم پاشا و سفیه ابراهیم پاشا دخی دیرلر .

سلطان احمد ثالث مرحومك دامادی و مقبول و مرغوب صدر
اعظم لری اولوب اون اوچ سنه یعنی ۱۱۳۰ : ۱۱۴۳ تاریخنه قدر بلا
فاصله مسند نشین صدر و کالت اولمشدر .

عن اصل اورکوبلی اولدینی حالد ۱۱۰۰ تاریخلرنده درسه عاده
کلوب برداران بلوکنه قید اولنمش واستعداد خدادادی مقتضاسیله

مدت قلیله ایچنده قطع درجات ایدرك سرای عتیق اوقاف کتابتسه
تعیین قلنمش ایدی .

کندیسی نبضکی و مزاج آشنا بر ذات اولدیغندن اول ائساده
شهزاده بولسان احمد خان ثالث مظهر توجهاری اولدیغندن حین
جلوسلرنده دار السعاده آغاسی یازیحیلغنه نصب بیوردیلر .

ایشته بوتاریخندن اعتباراً ابراهیم افندیگنک اطوار حسنه و اخلاق
مستحسنه سی سبیلله منظور نظر عاطفت شهریاری اولوب اخص ندما
صره سنده اولغله شمه اقبالی کوندن کونه متزاید و متعالی اولغله
باشلیدی و مأموریتیه غیر متناسب اولان اعظم امور وابسته نفوذ
و تدیری اوله رق مرجع خواص و عوام بر رتبه اعتلا ایلدی .

ابراهیم افندی مکارم اخلاق صاحبی اولدینی جهتله حسود اقبالی
اوللری دخی برر صورتله تطیبه بذل ماحصل غیرت ایتدیکی کی
مساند علیابه ارتقادن دخی بغایت توقی ایتک صورتیه دخی دور
اندیشانه بر فکره سالک اولمش ایدی .

حتی بر مدت صکره کوشه عزله دخی چکیله رک سا کتانه بر عمر
کچورمکی تصمیم ایلدیکی حالده بر آراق موقوفاتیجی منصبی ایله ینسه
مأمورین رسمیه صره سنده ادخال قلنمشدن .

بوندن صکره ابراهیم افندی روزنامه چه جیلک مسندیله سراه
آلنوب مؤخرآ میراخور اول وبعده کتخدای صدر عالی و قائم مقام
رکاب هایون اوله رق رتبه وزارت احسان و علی پاشا متروکه سی فاطمه
سلطانک تزویجیه دامادلق شرفنه نائل اولمشدر .

۲۱۳۰ تاریخنده حقه کی توجه شاهانه دیگر بر صورتله دخی
جلوه کر اولق اوزره مسند صدارت عظمایه نصب اولندی .

ابراهيم پاشا اصلاحات داخليه حصر نظر ايتمك اوزره صلحي
حربه ترجيح ايدنلر زمزمه سندن اولديغندن اون اوچ سنه دوام ايدن
ايام صدارتنده دول متجاوره ايله اوزون بر صلح عقد ايتمش وانجق
اصلاحاته حصر اقتدار ايدم چكي یرده چراغان صفالری لاله باغچلری
حلوا صحتلریله وقت کچروب خلقی اولتاریخه دکن مألوف اولدیغی
سفاهته آلدیرمه رق ایام اقبالی بر دور سفاهت حالنده کچمشد.

نهایت ۱۱۴۳ تاریخنده بطرونه وقعہ سی اوزرینه ایادی اهل
شقاونده اقلیم عدمه عازم وجهه سی انشا کرده سی اولان شهزاده
باشنده کی سیلی خطیره سنده دفن اولنمشد.

خیرات وحسناتی کثیر اولوب در سعادتک متعدد محملرنده متعدد
چشمه لر انشا ایلمش و وطن اصلیسندہ مآثر حسنه وجوده کتورمشد.

(ابراهيم پاشا)

بوکا قبا قولاق ابراهيم پاشا دیرلر .

سلطان محمود خان اول دورنده سکز آی قدر صدارتده
بولنمشد .

اوائل حالنده بعض وزرانک خدمتنده بولندقدن صکره داماد
محمد پاشاک توسطیه باش مقاطعه جی نصب اولمش وبر آراق بوسنه
والیسی اولوب رتبه میر میرانی بی احرار ایلمش ایسه ده موخرأ رتبه سی
رفع اولنه رق ینه بعض وزرا کتخذالقرلنده بولنمشد .

محمود خان اولک اوائل جلوسنده بعض مقرینک توسطی ايله
مسند صدارته کتورلدیسه ده کینه دار وغدار بر ذات اولدیغی اظهاره
باشلامغه حقنده گفت وکو چو غالب افندی زاده سنی نفی وتقریب
ایچون حاضر لدیغی بر چکدیرمه یه بندیریلوب تبعید اولنمشد .

(ابراهيم پاشا)

شهرتی مصرلی زاده در .

طرابلس غرب اوجاغی دایسارندن اولدینی حالدہ درسمعادتہ ترسانہ یازیلہرق فن ملاحیدہ کی مہارتنہ بناءً آز زمان ایچندہ قالیون قبودانی ومؤخرأ ۱۰۹۷ دە قبودان پاشا اولمشدر .

۱۰۹۹ دە اغریبوز محافظلغنه نصب اولنوب سلطان سلیمان ثانی دورندہ ینہ قبودان دریالق مقامنه دعوت اولندی .

بعده ثانیاً اغریبوز محافظلغنی آناتولی والیدکی ساقز سرعسکرلکی کبی مهم مأموریتلرده بولندقدن صکرہ ۱۱۰۹ سنہ سی نیچہ سفرندہ رتبہ شہادتۃ احرارز ایلدی .

غایت شجیع جسور اولوب ترساندہ ابتدا سفینہ انشاسنہ ہمت ایتمشدر .

(ابراهيم پاشا)

کتبخدا ابراهيم پاشا ومورہ لی ابراهيم پاشا دخی دیرلر .

عن اصل مورہ لی اولوب تربولیچہدہ طوغمشدر .

چورلیلی علی پاشانک کتبخداسی ایکن پاشاسنک عزلی اوزرینہ مسند قبودانی بی احرارز (۱۱۱۸ سنہ) وبعده مصر وحب وقدس والیلکرنندہ وقندیہدہ بولنوب بر آراق امیرالحج دخی اولمشدی جاتم خواجہنک ایلک دفعہ عزاندہ ینہ قبودان دریا اولوب قندیہدہ ارتحال دار بقا ایلدی .

(ابراهيم پاشا)

اورصہ پوچہ — ابراهيم خواجہ دخی دیرلر .

سلطان احمد ثالث دورندہ قبودان پاشا وصدراعظم اولمشدر .

(ابراہیم پاشا)

اگریبوزلی ابراہیم پاشا ۱۱۸۶ تاریخندہ قبودان پاشا اولمشدر
اواخر عمرندہ مسقط رأسی اولان اغریبوزہ چکیلہ رک اورادہ ارتحال
داربقا ایلمشدر .

(ابراہیم پاشا)

مصرده کی ادارہ حاضرہ نک مؤسسی اولان محمد علی پاشانک بیوک
اوغلی ویاخود عمو جہ زادہ سیدر .

۱۲۰۴ تاریخندہ قوالہ دہ طوغوب محمد علی پاشا ایلہ برابر مصرہ
کیتمش واورادہ صعید عربانی تادیب و تربیہ سندنہ حسن خدمتی
کوریلہ رک و ہاییلرک تنکیلی مأموریتیلہ جدمیہ کیدوب رتبہ وزارتہ
نائل اولمش وخطہ حجازیہ بی اشقیای و ہایاندن بعد التظہیر مصرہ
عودت ایلہ سودان ونوبہ جہتلیری ضبط و تسخیر ایدرک حدود
مصریہ بی توسیع ایلمشدر .

بو آراق مورہ اغتشاشاتی ظہور ایتدیکندن ابراہیم پاشانک
موفقیتی نظر دقتہ آلہرق مشار الیہ مورہ مأمور ایدلمککہ قوتلی
دونما و عسا کر ایلہ مورہ کیدوب فسادی با صدرمش ایسده اوروپا
دولتلی طرفندن دونماسی و عثمانلی سفاینی ناواریندہ خلاف عہد
احراق اولنمغلہ ابراہیم پاشا مصرہ عودتہ مجبور اولمشدر .

خسرو پاشا مادہ سندن طولانی محمد علی پاشا ایلہ باب عالی آراسندنہ
تحدث ایدن مسئلہ معلومہ اوزرینہ ابراہیم پاشا سورہ بی ضبط ایلہ
آناطولیہ یوریمکدہ ایکن اوروپالیلرک مداخلہ سی اوزرینہ کوتاہیہ دہ
توقفہ مجبور اولدی .

کوتاہیہ قرارنامہ سی وجہلہ ابراہیم پاشا شام و آطنہ یہ والی نصب

اولنديسه ده محاربه نك يكي دن علونمسي اوزرينه نزيبده ابراهيم پاشا دولته قارشو حربى قزاقمش و ايلر و ملكه تشبث ايتمكده ايكن دول متفقه طرفندن جبراً مصره اعاده قلمشدر بونك اوزرينه صاحب ترجمه اوروپا و درسعادتي زيارت ايدرك صحتي مختل اولان پدري نك يرينه امر اداره يي درعهده ايتك اوزره مصره عودتنده پدرندن ايكي آي اول وفات ايلمشدر .

فعال غيور و امر اداره عسكريده على الخصوص فن حربده فوق العاده ماهر بر وزير ايدى .

(ابراهيم پاشا)

سلطان محمد خان ثالث دورنده رتبه وزارت و مصر واليلىكنى احراز ايتمش اولان وزرادندر .

بو ذات ابتدا قضاتدن ايكن دفتر دار و حلب و اليسى اولمش و قره يازيجى و قعه سنده عدم موفقيتى اوزرينه سكتنه عزله اوغرامش ايدى . مصر و ير كوسنك درسعادته صاحب ترجمه ايله ارسالى اوزرينه مصره والى اوله رق اوراده وفات ايتمشدر .

(ابراهيم پاشا)

سرخوش ابراهيم پاشا ديو مشهور اولوب بوسنه ليدر . لالا محمد پاشانك مجارستان سفرينه عزيمتى ائناسنده عساكر كلييه ايله خروا اتستانه دخول و آوستريانك قوه كلييه سنى هزيمت فاحشه يه گرفتار ايتدكدن صكره نمچه نك جكر كاهنه قدر آقينلر اجراسيله پك كليتى مال غنيمت اخذينه موفق اولمش ايدى .

(ابراهيم پاشا)

آوجى سلطان محمد خان دورى و زراسندن اولوب ۱۰۹۵ سنه سى

بدون محافظه نه تعیین اولنمش واوراده فوق العاده ابراز شجاعت
و حسن خدمت ایدرک سردارک وفاتنده سر عسکرک دخی کندیسنه
توجیه قلنمش ایدی .

بو مأموریتده دخی صوک درجه ده چالشمش واعدایی آیلرجه
اشغال ایتمش ایسده حسب الوظیفه دشمن قوماندانیله مخبره سی
دردولته اعداسی طرفدن اهانت وخیانت شکننده اشعار اولنمقله بلغراد
مشتاسنده اعدام اولنمشدر .

(ابراهیم پاشا)

دور قانونی و زراسندن صاحب الخیر متقی مبدین بر ذات ایدی
سیلوری قیوسی جوارنده جامع مدرسه و مکتب انشا ایتمش و تربیه سی
دخی جامعی جوارنده در .

(ابراهیم پاشا)

دلی ابراهیم پاشا نامیله مشهوردر .
اوچنجی سلطان محمد خانک ابتدای سلطنتلرنده مساوی سابقه سی
نظر تأمله آله رقی دی قله ده بعد الاحاق دریایه آتیلیمشدر .

(ابراهیم پاشا)

مدت مدیده دفتردارانی جهتیله دفتردار ابراهیم پاشا نامیله اشتهار
ایلدی .

عن اصل بروسه لی اولوب دمشقه توطن ایتمش واورادن حجه
دخی کیتمش ایدی .

بعض ارباب نفاقک غمز و سغایتیله احتلاسنه حکم اولنه رقی ۱۰۴۳
ده محبسده قتل اولنمشدر .

علم و فضلی وزهد و تقوای مرویدر .

(ابراهیم پاشا)

قوانوز ابراهیم پاشا دخی دنیلور. دور ابراهیمیده عسکر سورمک
ماموریتله آناتولیده بولندینی انشاده حرکات غدارانه سی مسموع
اولسنه بناء در سعادته جلیله جزاسی ویرلدی .

(ابراهیم پاشا)

دور ابراهیمیده بغداد والیسی اولوب صدراعظم مقتول صالح
پاشانک خزینه دارلغندن چیقمه در .

افندیسنک ارتحالی اوزرینه بغدادده داعیه تفرد واستقلاله
دوشه رک نهایت موسی پاشانک متساحنی شهره قویماش وطوپلادینی
عربان وکوله منارله بغداد یکیکچریلریله محاربه به باشلامش ایدی .

بونک اوزرینه بغداد والیسی صالح پاشا برادری مر تضی پاشایه
ویرلمش ایسه ده در سعادتن هر ایکیسنک دخی جزاسی ویرلمک اوزره
مخصوصاً آدم لر کوندریله رک ایکیسیده اعدام اولمشدر .

(ابراهیم پاشا)

ایلچی ابراهیم پاشا دیو اشتهار ایتمشدر .

سلطان مصطفی خان ثالث دورنده مأموریت مخصوصه وسفارتله
نیمچه قرالی نزدینه کیتمش واولل حالنده بعض وزرای عظامک
کتبخداقلری خدمتمنده بولتمش ایدی .

(ابراهیم پاشا)

کرد ابراهیم پاشا دیو مشهوردر .

سلطان مصطفی خان ثانی دورینک پارلاق وزراسندن اولوب
وزیر مکرم عنوانیه مباحی ایدی .

۱۱۰۹ ده یکیکچری آغاسی ایکن بودین بککریکیسی اولمش

و مؤخرآ قبریسه و مرعشه تحویل مأموریت ایدرک مدت مدیده مرعش
بکر بکیلکند بولمشدر .

ایران محارباتنده مکمل بر قوه امدادیه ایله تبریزه کیدوب دیاربکر
و طربزون و الیسی دخی اولمشدر .

(ابراهیم پاشا)

سلطان احمد ثالث دورنده لاابالیانه بر عمر سورمش اولان
اصیلزادکان وزرادن اولوب پدری دخی سلحدار حسین پاشا نامنده
وزرادن بر ذات ایدی .

۱۱۱۶ده سلحدار شهریار اولدینی حالد شهر زور و الیلکنه
وبعد ارضروم و الیلکی و قافقاسیا سرعسکرلکی مأموریتلرینه تعیین
قلنمش ایدی .

سرعسکرلکند تفلیس و کنجه بی ضبط ایتش ایسه ده مائل ذوق
وصفا بر ذات اولدیغندن ایران محارباتنده دولتک دلخواهی وجهله
حرکت ایدمه دیکندن روسیه لویه باکویی قاپدرمش و بوبابده کی رخاوتی
سبب عزلی اولمش ایدی .

کندیسی شعرادن اهل پرور بر ذات اولوب شاعر مشهور نایینک
مدوح و متبوعی ایدی .

نابی مرحوم ایله مشاعر لری واردز .

(ابراهیم پاشا)

اولونیه خاندانندن اولوب قورد پاشانک دامادی و خلفی اولمشدر .
تپه دلی علی پاشا ایله ینلرنده عظیم منافرت اولدیغندن علی پاشا بر آراق
بونی اله کچوروب محبسه آتمشدر .

(ابراهیم پاشا)

سیروزلیدر . دور سلطان محمود و عبدالمجید خانیده بوسنه قونیه
وسلانیك والیلککرنده بولنه رق سلانیكده وفات ایلدی .

(ابراهیم جنینی)

اون برنجی عصرده یتشمش اولان علمادن اولوب ۱۰۴۰ ده جنین ده
طوغمشدر و سوریه و مصرده اکمال تحصیل ایلمشدر .

علم انساب و اسمی کتبی و مؤلفین حقنده معلوماتی واسع اولوب
ابن حزمک تاریخنی اکمال ایتمش و سائر رسائل یازمشدر .

(ابراهیم حصکفی)

حلبده مهد آرای عالم وجود اولوب پدری احمد حصکفیدن
و سائر علماء وقتدن اخذ علوم ایله تکمیل ایتمش و ۱۰۰۰ تاریخنده حجه
دخی کیدوب حلبده اختیار عزلت ایدرک ۱۰۳۰ ده وفات ایلمشدر .
« الدرر والعز » نامنده اولان اثری مقبولدر .

(ابراهیم حق)

معرفتنامه صاحبیدر .

کبار علما و مشایخیندن اولوب حسن قلعه قصبه سنده طوغمش
و علوم ظاهریه بی زمانی علماسندن تحصیل ایدرک شیخ اسماعیل حضر تلرینه
انتساب ایله علوم باطنیه بی دخی اخذ ایدرک ذوالجناحین برانسان کامل
و عارف بالله اولدقن صکره شیخنک وفاتنده مقامنه کچمشدر .
الهیاته دأثر اشعار لطیف و معرفتنامه سی متداول و مرغوبدر .

(ابراهیم حلبی)

اعلم علمای خفیه دن و طقوزنجی عصر هجری اعظمندن اولوب
حلبده تولد و شام و مصرده تحصیل و تعلم ایتدکن صکره قانونی مرحوم

زماننده درسعاده کلوب علمای قسطنطنیه بی خیرتده براقه جق صورتده
تدریساته دوام اید. رک ۹۵۶ ده ۹۰ یاشنده اوله رق ارتحال داربقایلمشدر.
ملتقى البحر حلی و طبقات الفقها ناملرنده مهم مهم آثار یازمش و آثار
مزبورده الیوم ایادی طلابده برر موقع ممتاز احراز ایتمکده در .

(ابراهیم حلی)

ابن مصطفی اون ایکنجی عصر علمای بنامندن اولوب عالم اسلامیتده
فضائل مخصوصه ایله اشهار ایتمشدی .

حلبده تولد ومصر وسوریه ده مشاهیر و اعظم علمادن علوم عقلیه
وفقیه بی تعلم ایلدکن صکره جانب حجازه عزیمت ایتمش ودرسعاده دخی
کلوب صدر وقت اولان قوجه راغب پاشایه خواجه لک ایتمشدر .

راغب پاشا خواجه نك درجه علم و فضلنه خیران اولدیغندن حقنده
فوق العاده حرمت ورعایت ایدرک مصره ملائصب ایلدیه ده مومی الیه
مدت مدیده درسعادتده قالوب سلطان سایم و آياصوفیه جوامعنده تدریس
وتعلم ایله مشغول اوله رق ۱۱۹۰ ده داربقایه رحلت ایله ایوبده جوار
حضرت خالده دفن اولنمشدر .

درره حاشیه سی شرح جواهر الکلام نظم السیر شرح لغز الیاء العالمی
آدلو آثاری و وفق ومعما وسائر علومه دائر تألیفاتی الیوم متداول
ومقبولدر .

(ابراهیم خیاری)

مدینه منوره علماسندن اولوب ۱۰۳۰ ده تولد ایله علوم متداوله بی
عصرینک مشاهیر علماسندن علی الخصوص سید میر ماه بخاری
وعیسی مغربی دن اخذ وتعلم ایله مدینه مدرسه لرندن برنده تدریسه
باشلامش ایدی .

بعده در سعادت و شام و مصره کیدرك بلاد مزبورہ علماسیله
مباحثات فنیہدہ بولنش و علمای زمانہنك مظهر توقیر و احترامی
اولمشدی .

در سعادتہ بولندیفی مدت صدر اعظم مرزیفونی مصطفی پاشانك
رعایت و حرمتہ مظهر اولوب مصر اموالندن مستوفی معاش تخصیص
قلنمش و ابوالسعود مر حوم ایله دخی کوریشہرك فضائلی تصدیق ایتدومش
نهایت مدینہ منورہ یه عودتندہ فجأة وفات ایتمشدر ۱۰۸۳ .

(ابراهیم صارم پاشا)

دور عبد المجید خانك واسطندہ مسند صدارت عظمایہ نائل اولمش
وزرادن آیاصوفیہ تربہ دارلرندن موسی افندیك صلبندن ۱۲۱۶ تاریخندہ
در سعادتہ تولد ایتمش و صغر سنندہ علوم ابتدائیہ یی بعدالتحصیل
دیوان هایون قلمنہ چراغ اولنمش و بواسنادہ صنعت کتابت و فن حد
سندیسیده اکتساب مهارت ایدرك سلیمان نجیب افندی یه داماد اولمقله
۳۸ده خواجکانلق رتبہ سنی احراراز ایلمشدر .

وؤخرآ آمدی خلفالنی بعده آمدجیلک منصبلرینه و بعض
وزرانك قبو کتخذالغنه نصب اولنوب روسیه محاربه سندن صکره
مملکتینہ مأمور اولمش و لوندره پارس سفارتلریله بر خیلی نظارتلرده
ابراز کار آکاهی ایلیهرك ۶۴ده صدارتی احراراز ایدرك اوچ بحق آی
قدر اول مقام عالیده قالدقندن صکره خداوندکار طربزون والیلک لرنده
وبعده معزولاً در سعادتہ کلوب حلول اجل موعود یله ۱۲۷۰ تاریخندہ
ارتحال ایلمشدر .

مرقدی اسکدارده مسکینلر تئککسی قارشوسنده کائن صفهده در .

(ابراهیم صالحی)

شامده یتشمش ادبا وشعرادن اولوب ۱۰۰۸ ده تولد و ۱۰۸۸ ده ارتحال ایتشد .

هجو وادیسنده ایلرویه کیتمشدی .

(ابراهیم فال)

شامشریف علماسندن اولوب مشهور عبدالغنی النابلسینک خواجه سی ایدی . ۱۰۹۸ ده وفات ایلدی .

(ابراهیم کلشنی)

کبار مشایخدن اولوب طریق کلشنینک مؤسسیدر . آذربایجانده تولد ایله تبریزده سید یحیی شروانی خلفاسندن عمر روشنی به انتساب ایله علوم باطنیه ده واصل درجات کمال اولمشدر . شیعیته ایرانده صفوی یادکاری واسطه سیله احداثی اوزرینه مصره کلوب بر مدت اقامت ایلدی .

یاوز سلطان سـایم خان مصره توجه بیوردقلرنده شیخی توقیر وایجادله مبالغه ایله مؤیدیه نك قارشوسنده بر عرصه تملیک ایتمش و بو عرصه یه بر درگاه بنا اولنمشدر .

سلیمان خان قانونی شیخک شهرت وشایعه سی ایشته کده در سعاده تشریف لریخی آرزو بیورمغله صاحب ترجمه استانبوله دخی کله رک مظهر اعزاز خسروانی اولمش ایدی ۹۳۵ .

۹۴۰ تاریخنده مصرده رحمت رحمانه واصل اولدی . غایت عالم وفاضل و علم حدیث و تصوفده یکانه اولوب اهل مصر و علمای عصر فضل و ککالات و کراماته قانع ایدی . آنارندن مشوی به نظیره اولان قرق بیك یتلی معنویسی مشهوردر .

(ابراهیم کورانی)

برهان‌الدین ابراهیم کورانی بیک تاریخ‌نویسنده صکره کلان اعظم
علمادن اولوب شهر زورده تولد ایدرک مصر و شام و مدینه منوره ده
اتمام تحصیل ایتیش و فصاحت و بلاغت و تقریر و بیانده زماننک فریدی
اولدینی جهته درسنه برچوق علما حصر اولور ایدی .
یوزی متجاوز تالیفاتی واردر .

(ابراهیم لقانی)

کبار علما و مشاهیر مصنفیندن اولوب منشأی مصردر .
ظاهر و باطنی مکمل و خلقت توجه و حسن ظننه مظهر اولوب
مسائل شرعییه بی بلا مزاحم حل و بیان ایدر ایدی .

(ابو السعود افندی)

اسمی احمد بن محی‌الدین بن مصطفی‌العمادیدر .
سردفتر علماء روم اطلاقنه سزاوار اولان اعظم فضلالی کرامدن
اولوب اوتوز سنه قدر مقام معلالی مشیخت اسلامیه ده بولمشددر .
پدری عمادیه‌لی اولوب کندیبسی درس‌عاده جوار اولان مدرس
قریه‌سنده دنیایه کلشددر .

استعداد فوق‌العاده‌سی دها کنج‌لک‌کننده نزد اکابرده تحقیق ایتمکله
خواجیه‌سی اولان مؤید زاده‌یه داماد اولمش و سلطان بایزید خان
حضر تلری کندیلرینه یومی ۳۰ اچقه وظیفه تعیین بیورمشدر .
طریقه دخولندن صکره درسعادت و طشرمه ده دور مدارس ایله
۹۳۸ ده استانبول قاضیبسی و ۹۴۴ ده روم ایلی قاضی‌عسکری و ۹۵۲ ده
شیخ الاسلام اولمشدر .

۲۹۸۸. قدر اشبو مقام عالی-ده کمال موفقیتله ابراز خدمت
ایتدکن صکره ۸۷ یاشنده ارتحال داربقا ایلدی.
تربه سی ایوبده صفت مخصوصه داخلنده در.
غایت عالم وفاضل علوم شرعیه وهله فقه و تفسیرده و ادبیات عربیه
وترکیه ده یکانه زمان ایدی .

ابن کالدن صکره کلان علما میاننده بر مثلنه ده ا تصادف
اولنماشدر ارشاد العقل السالم الی مزایا القرآن العظیم نامنده کی
تفسیری بلاد رومده دکل قطعه حجازیه ده بیله غایت معتبر و مقبولدر.
پادشاه وقت سلطان سلیمان قانونی حضرتلری اشبو تفسیری ده ا
اکمال اولمقسنین مطالعه ایله جناب ملائک اوچیوز اچمه یومیسه سنی
بشیوزه ابلاغ ایتمش و ختام ائرده یوز اچمه ده ا ضم ایتک صورتلریله
ابراز قدردانی بیورمشلدر در.

فتاوی هدایه شرحی و کشف شرحی دخی آثار معتبره دندر .

(ابو سعید افندی)

سلطان ابراهیم و محمد رابع حضرتلری ایام سلطنتلرنده اوچ دفعه
مسنند مشیخت اسلامیه ده بولنمش اولان ذاتدر.

مورخ شهر خواجه سعد الدین افندی مرحومک حقیقیدی
وشیخ الاسلام اسعد افندینک نجل نجیبی اولوب ۱۰۰۳ تاریخنده
در سعادته تولد ایتمشدر. تحصیل لازمی ا کمال ایتدکن صکره شام بروسه
مولویتلرینه وایکی دفعه استانبول قاضیلغنه و بعده آناتولی و روم ایلی
قاضی عسکر لکنه صر سیله نائل اولدقن صکره ۱۰۵۳ و ۱۰۶۲ و ۱۰۶۴
سنه لرنده احراز رتبه مشیخت ایدرک بش سنه دن زیاده دفعات ثلثه ده
بومقامده بولنمش و اواخر ایامنده ایکی دفعه کلیبولییه کوندریله رک

۱۰۷۲ ده درسه عادتده ارتحال ايله ايوبده مدفن مخصوصه دفن اولمشدر.

(ابو الحاش بن تعزی بردی)

مشاهیر مورخین و مؤلفیندن « امیر کبیر جمال الدین یوسف » ک اسمی در . بو ذات مصرده تولد ایدوب نشو و نما بولش و مورخ مشهور مقریزیدن اخذ علوم ایلش و ۸۷۴ ده وفات ایلمشدر.

مصرک ابتدای اسلامدن ۸۵۷ سنه سنه قدر مکمل و مفصل بر تاریخی قلمه آلهرق النجوم الزاهرة فی ملوک مصر والقاهرة نامیله میدان استفادهیه وضع ایتش وبالاخره بو اثرینی الکواکب الباهرة من النجوم الزاهرة نامیله تلخیص ایلش ایدی.

بو اثر یاوز سلطان سلیم خان حضرتلرینک مظهر تقدیری اولهرق ابن کمال مرحومه ترجمه سنی امر بیورمش واولوجهله مشارالیه طرفندن ترجمه ایلمشدر.

اوروپا لسانلرینه دخی ترجمه ايله دفعات ايله طبع اولمشدر . دیگر آثاری شونلردر : حلیه الصفات فی الاسماء و الصناعات ، المنهل الصافی ، المستوفی بعدالوافی ، و مقریزینک السلوک لمعرفة دول الملوك كتابك ذیلی وسائر .

(ابنه زاده عبدالله افندی)

سلطان احمد ثالث دورینک شیخ الاسلاملرندن اولوب طریقه دخولندن صکره علی الاصول دور مدارس ایدرک حلب مصر ادرنه مکه مولوتلرند بولمش و ۱۱۰۶ ده آناطولی و ۱۱۰۸ ده روم ایل قاضیهسکرلککنه نائل اولمشدر .

سلطان احمد ثالثك اوائل سلطنتلرند خصمی اولان شیخ الاسلام

سابق فیض الله افدینک ارتحالی طویار طویمز منفا سندن بلا استیدان
کلدیکی ایچون ینه بروسه یه اعاده اولندیسه ده براز صکره مظهر عفو
وینه روم ایلی قضا سنه نصب بیورلمش ایدی .

۱۱۱۹ و ۱۱۲۲ تاریخلرنده ایکی دفعه ده درت سنه یه قریب مقام
فتواده بولندقدن صکره اون ایکنجی شارل مسئله سندن طولانی عزل
و طربزونه ارسال قلمش ایکن اثنای طریقده کمیسنک غرقدن طولانی
مغروقاً ارتحال ایلدی .

احمد خان اول

احمد خان بن محمد خان ثالث حضرتلری دولتک اون دردنجی
پادشاهی اولوب اون درت یاشنده تخته جلوس و اون درت سنه سلطنت
سوردکن صکره یکریمی سکیز یاشنده ارتحال ایتک کی غرائب
تصادفات مظهر اولمشلردر .

۹۹۸ تاریخنده تولد ۱۰۱۲ ده جلوس و ۱۰۲۶ ده وفات ایتدیلر .
عهد هایونلرنده نمچه و ایران ایله محاربه ظهور ایدرک آناتولی
و عربستان دخی بر طاقم دره بکدر حرکات باغبانه لریله مختل بر حاله
ایدی .

مجارستانی نمچه دن تخلیص مقصدیله خروج ایدرک مجار قرالغنی
ادعا ایدن پرنس بوجقاییک حمایه سی ایچون آچیلان نمچه سفرنده
اردولرمز غالب کله رک مجارستان حمایه دولته قالمق اوزره غایت نافع
معاهده عقدینه موفق اولدینی کبی شاه عباسه قارشو قیوجی پاشا مظفر
اولوب پک پارلاق بر مصالحه امضا ایتدرمش ایسه ده شاه مشارالیه
وعدینه وفا ایتیوب ایران ایشلری سورنجه ده قلمشدر ولایتده کی

عصاة قیوچی وزیرک تداییر حکیمانه و سیاست مدیده سی سایه سنده قهر و تدمیر اولمشدر.

سلطان احمد مرحوم پک کنج ایکن ۱۰۲۶ ده حای محرقه دن وفات ایدرک انشا ایتدکاری جامع مشهورلری جوارنده کی تربه مخصوصه لرنده مدفوندر.

شهریار مغفور حضرتلری غایت عابد و زاهد و اولیاء اللهه فوق العاده حرمت و رعایت ایله موصوف اولوب حرمین محترمینیه برچوق خدماتده بولنش و نشانه وجهه کریم نبوی اولق اوزره شیجرانغی محتوی بر لوحه مرصع اهدا ایلمشدر.

کندیلری بالذات اداره امور دولت ایدن پادشاهلردن اولوب هرایشنی اهلنه تقویضده موفقیتی و انسان سچمکده اصابتی و ارایدی. پیر طریق حلوقی عزیز محمود هدایی حضرتلرینه انتسابی اولوب دائماً عزیز مشارالیهک شرف مصاحبتلرندن لذتیاب اولورلر ایدی.

❦ احمد خان ثانی ❦

سلطان ابراهیم خانک اوغلی و دولتمزک یکرمی برنجی پادشاهی اولوب برادرلری سلیمان ثانی رینه جالس سریر عثمانی اولمش وعهد هاپونلری اسلافدن قیلان و نیدیک نیمچه روسیه محاربه لرله یکمشدر. جلوسی متعاقب صدر اعظم مصطفی پاشا باغراددن زمون یاقه سنه یکجوب صانقمش جوارنده دشمنله شدتلی بر محاربه یه طوتوشوب شجاعت و بسالتی و حسن تدبیری سایه سنده دشمن اردوسنک بر باشندن او بر باشنه کچهرک کرکی کبی دشمنده آتار هزیمت رونما اولمشکن صدر اعظمک بر قورشون اصابتیه شهید اولسی عساکر عثمانیه نک بوزلمسینی موجب اولدی.

هر سلك جهتند و نديكليلرله ده غوغا اوزايوب دونماسي ساقز
جزيره سفي آلدی .

بواننده اوج سنه سگنر آي يكرمي بش كون سلطنتدن صكره سلطان
احمد خان مرتحل روضه رضوان اولمشدر .

احمد خان ثالث

ابن محمد خان رابع يكرمي اوچنجي پادشاه اولوب ۱۱۱۵ ده
سلطان مصطفى ثانی يرينه ادرنه وقعه مشهوره سني متعاقب سري سلطنت
عثمانيه جلوس بيورديلر .

ادرنه وقعه سنده سرकारी اشغال ايتمش اولان دربدرلرک برر
برر جزای سزاسی ويريلهرك آسایش تماماً اعاده اولندقدن صكره
روسيه لو ماده سنه برقرار ويرملك اوزره ايكن روسيه محاربه سي كساد
اولمشدر .

عثمانيلر آراسنده آق بيقي پترو ناميله مشهور اولان روسيه چاری
دلی پترو بروقدنبری اسوچ قرالی تیمورباش ناميله معروف اولان اون
ايکنجی شارله مغلوب اوله اوله نهايت اوقرانیا ايالته قدرکمش واوراده
روسيه طرفندن مغلوب ايدلمش ایدی .

تیمور باش خصمنه تسليم اولمقدن ايسه ممالك محروسه يه دخالتی
ترجیح ايتمکله اوزی واليسنه انتجا ايدرك اولوجهله بندرده اقامته
موافقت اولندی .

تیمور باشی تعقيب ایدن قزاق فرقه لرینک حدود خاقانی بی تجاوزينه
نقض عهد نظریله باقیله رق روسيه يه اعلان حرب اولمش وصدروقت
وسر عسکر اولان بالطه جی محمد پاشا پروت صويي قربنده دلی پترو ايله

عساکرینی قلنج چکمکسزین بر مانوره حربیه ایله تصدیق ایله مجبور
امان ایلدی .

بومانوره ایله روسیه چارینه یاتسلیمیت ویاخود کاملاً تلف اولمقدن
غیری چاره قالماش ایدی .

بوموفقیت اوزرینه پترو شان دولته غایت موافق بر معاهده امضایه
مجبور اولدی .

بو معاهدهیه تیمور باش ایله قریم خانی مخالف اولمغله روسیه لونک
بالاآخره عهدنامهیه عدم رعایتی آنلرک اصابت فکرنی اتیان ایلمشدر .
بوفرستی فوت ایتدیکی ایچون بالطه جی پاشا معزول اولمشدر .

اون ایکنجی شارل برمدت بندرده وبعده دیمتوقده اقامت ایله
حقننده طرف دولتن حرمت و رعایت کوسترلمش و مرضیمی اولان
اعاده حربدن مأیوس اولدوقده ۱۱۲۶ تاریخنده اردل طریقیله مملکته
کوندرلمش ایدی .

۱۱۲۷ ده صدراعظم داماد علی پاشانک رأیله وندیکه اعلان
حرب اولنوب اوچ درت آی ظرفنده موره شبه جزیره سی کاملاً
قبضه تصرفه آلدی .

موره نك ضبطی اوزرینه قارلوفچه معاهده سی بوزلدی دیهرک
اعاده حربیه قیام ایدرک نمچه اردولری ایلرولمکه واکتساب غلبه
موفق اولدیغندن صدراعظم داماد ابراهیم پاشا صلحه میل کوستردی
وبلغراد وطمشوار آوستریالولره قالمق وندیكلو موره دن ال چکمک
شرطیله بساروفچه معاهده سی عقد وامضا اولندی (۱۱۳۰) .

بساروفچه مصالحه سندن صکره بر خیلی زمان محاربه سز وقت

چکورلدیکی جهته داماد ابراهیم پاشانک اقدامیه اصلاحات داخلیه
تثبت اوله رق حاجا چشمه لر بایلدی، صو یوللری تعمیر ایدلدی،
معارفه رغبت کوستریلوب استانبولده ایلك دفعه اوله رق مطبعه کشاد
اولندی .

بونکله برابر خلق ذوق وسفاشته طاله رق کاغذخانه و بهاریه
عالملری، حلوا صحتلری کبی اکلنجه لر ترتیب اولنوب نوبنیاد و باغ
فرح ناملریله طرح و تزیین اولنان کوشک و یالیلرک توصیفی شعرایه
سرمایه مقال اولدی الحاصل سفاقت قبولری آجیلوب برلاله صوفائی
بیك آلتونه قدر صاتیلمغه باشلادی.

ایرانده متحدث اغتشاشانیدن استفاده ایدن نادر علی مملکتی دشمن
مستولی اولان افغانیلردن تطهیر ایتدکن صکره دولت طرفندن
اولجه ضبط ایدلمش اولان ایالات غریبه نك استرداد ایچون
تجاوزانده بولمغله ایرانه قارشو بریوک اردو حاضرلمقده ایکن سلطان
احمد خان کوشه استراحته چکلدی (۱۱۴۳) .

❦ احمد خان ❦

سلطان بایزید ناینک بیوک اوغلی اولوب یاوز سلطان سلیم خان
مرحومه آرالرنده وقایع حربیه جریان ایتمش ایدی .

❦ اورخان غازی ❦

دولتمزک ایکنجی پادشاه ذیشانی اولوب عثمان غازی نك نجل نجیبی
وخداوندکاز شهیدک پدر بزرکواریدر .

۶۸۷ سنه هجریه سنده طوغوب ۷۲۶ ده عثمان غازی نك ارتحانده
۳۹ یاشنده ایکن مقام پدره جالس اولمشدر برادر اکبرلری اولان
علاء الدین پاشانی وزارت مقامنه اقعاد وکندیلری زمام سلطنتی ید

مؤید خسروانیلرینه اخذ ایدرک هنوز تأسس ایتمکده اولان سلطنت عثمانیه نك اعلاى شان و سطوته جدا اهتمام بیوردیلر.

علاء الدین پاشا ارباب حرب و ضربدن دكسده فن تدبیر ملك و اداره ده يك بیوك بر مهارت كوستروب دولتك شان عظمت و استقلالنی تأمینه خدمت ایلمشدر.

اول تاریخه قدر الده متداول اولان سكه ساجوقیلر نامنه محكوك و مضروب اچهلر اولوب مستقل بر دولته برنجی دفعه لازم اولان سكه ضربنه وقت و زمان غیر مساعد اوله مدیغدن استقلال سلطنت عثمانیه ایچون بوكیفیت برنقیصه دن معدود ایدی.

پاشای مشارالیه ۹۲۷ تاریخنده سكه ضرب ایتدردی و یکیچری نامیه معلم و موظف پیاده و آقنچی و سواری بلوکلری تشکیل والبسه نظامی وضع ایدرک دولتمزی منتظم بر دولت حاله ایصال ایلدی.

کندیلری دخی بالذات امراسیله فتوحاته دوام ایدرک بر چوق مملکت فتح و آلمان یرلره فاتحنك نامنی اعطا ایتك کبی تزید مساعی و غیرت لرینه چالیشوردی ۷۳۸ تاریخنه قدر ایدیلان محاربات متوالیه نمره سیله آناتولیده قیصر اداره سنده قالان قلعه لر کاملاً آنه رق اللرنده آنجق بیغا ایله آلاشهر قالمشدی.

عثمانیلر سیف جلادتلریله آلدقلری ممالك رعایاسنه اجرای عدالت ایله جلب قلوب براییه چالشدقلری قیصرلرک اداره مستبده لرى آلتنده ازیمکده اولان روملرک موجب انتباهلری اولمغله قیصره نك ربه اسارتلرندن قورتلمق ایچون فوج فوج اداره عادلّه عثمانیه ته التجا و دخالت ایتکده باشلامیشلردر.

ایشته عثمانیلر بر الده شمشیر جلادت دیکر الده قانون عدالت

اولدینی حالدہ اون اون بش سنہ ایچندہ قوجہ بر دولٹک آسیا
مستملکسنہ قولایجه صاحب اولدیلمر .

علاء الدین پاشانک ارتحالندہ غازی سلیمان پاشا مقام عم بزرکوارہ
اقعاد اولمش و بودہ اثر مشارالیه تبعیتله دولته خدمات مهمہ ابرازینہ
چالیشمقدہ بولمشدر .

بر کیجه مشارالیه آیدنجقدہ صاللمر یادیلمر رق ایچلرینه سکسان
قدر بهادر قویہ رق روم ایلی یاقه سنہ کچدیلمر و کلیولی و حوالیسنی
ضبط و پی در پی آناطولیدن جلب عسا کر ایله توسیع دائره فتوحاته
اهتمام ایلدیلمر بر مدت صکره غازی مشارالیه ارتحال ایتمکله قلوب
اصدقا اوله بر وزیر عدو تدمیرک غیبوتنه قان آغلدی ایسه ده
عسا کر عثمانیه یه غیرتنه فتور کتور میوب اولاح روم بلغاردن
مرکب بر قوه مهیئه صلیبیه پی در حال دکنزه دوکو ویردیلمر .

آراسی چوق کچم دن اوغلنک ارتحالی المیله غازی اورخان
حضر تلری دخی عازم خلد برین اولمشدر .
مدت سلطنتلری یکرمی بش سنه در .



حرف الباء

(بابا يوسف)

مظنه كرامدن و سفرى حصاردن مستجاب الدعوه بر ذات عاليقدر
اولوب سلطان بايزيد خان و لينك فوق العاده مظهر احترامى اولمش
وايفاي فريضه حج شريف ايجون مدينه طاهره كيتديكى زمان
ظهور ايدن اشارت مغويه موجبنجه عصاي پيغمبرى يي آلوب اوج
بلوك ايدرك برينى امير سلطان ديكرينى حاجى بايرام ولى حضرتلرينك
تربه شريفه لرينه اوچنجيسنى دخی مأمور بيورلدیني محله كتورمشدر.

(باباي)

آنا توليده توره مش اولان بر طائفه ملحمديه ويرلمش بر اسم اولوب
رئيسلرى اولان بابا الياس نامنده بر عجم آماسيه ده ادعاى مشيخت
ايدرك باشنه بك چوق مرید طوپلامش و سلطان اورخان زماننده
اشتهار ايدرك مشاراليه كسب مناسبت ايلمش ايدى .
مرقومك اوضاع و اطوارى داعى شبه اولديغندن ممالك عثمانيه دن
طرد و اخراج قلمشدر.

(بارباروس)

قپودان نامور غازى خيرالدين پاشانك اوروپا ليلر نزدنده مشهور
اولان لقبى اولوب بابا اوروجدن غلط و ياخود قرمزى صقال معناينه
اولمى مظنوندر.

تفصيلات ايجون خيرالدين ماده سنه مراجعت اولنه.

(پاشا)

ترك لساننده بيوك اوغله اطلاق اولندينى حالد صكره لرى مراتب
ملكيه و عسكريه دن بعضلرينه تخصيص قلمشدر.

سلطان عثمان غازى حضرتلى بيوك اوغلى علاء الدينه پاشا ديو
خطاب وامور دولته استخدام ايدرايدى.

مؤخرأ سليمان پاشا حضرتلى دخى بو عنوان ايله معنون
اولديني كى كيت كیده خيرالدين پاشا وسائره دخى اولاد مقامنده اولمق
اوزره پاشا دينلمش نهايت امور دولته استخدام اولنان ذواته دخى
تخصيص اولمغه باشلادى.

مأمورين دولتمدن پاشا عنوانى حائز اولانلر: مشيران ووزارت
رتبه سنده بولنانلر ايله فريقان وميرلوار و ملكيه دن روم ايلي بكربكى
وميرميران وميرالامرالردر.

پاشا لفظنك پاي شاهدن مخفف اولمىي حقه ده كى روايات طوغرى
دكلدر.

(پاشا يكت)

شجمان وغزاة عسكريه عثمانيه دن وغازى خداوندكار امراسندن
برذات اولوب ييلدرم بايزيد خان دورنده بوسنه ايجرولرينه قدرصولته
اطراف ممالكه دهشت صالمشدى.

ادرنه ولايتنده اسمنه منسوب بر ناحيه وارددر.

(باقى افندى)

اعاظم علما و شعراى عثمانيه دن اولوب اوننجى عصر هجرينك
مابه الافتخارى اولان ذاتدر ۹۳۳ تاريخنده فاتح جامعى مؤذنلرندن بر
ذاتك صلبندن دنيايه ككش وصغر سننده سراج چراقلغه كيرمشدر.

آنحوق استعداد خدادادى وعلو طبعى طريق علم وادبه تعالىسى
ايجاب ايتديكندن تبديل طريق ايله تحصيله ابتدار و آرزمان ايجنده
اكمال فنون ايدرك بين الاقران تميز واشتهار ايلدى.

۹۶۳ هـ. حباب ۷۲ هـ. سیلوری قصبه سنده پیری پاشا مدرسه سی
مدرسی ودها صکره سلیمانیه مدرسی اولدی.

بر آراق در سعادتن تباعدنی موجب بر تهمله اتهام اولندیسه ده
ینه مظهر غفو اوله رق مکه و استانبول قضاسی و بعدله صره سیله
آناطولی و روم ایلی قاضی عسکر لیکله کامیاب اولوب ۱۰۰۸ هـ. دار بقایه
رحلت ایلدی.

مرقدی ادرنه قپوسی خارچنده در.

عالم و فاضل بذات اولوب مواهب لدنیه ایله قطب مکینک الاعلام
فی احوال بیت الله الحرام کتابی ترجمه ایتشد.

شعر وادیسنده عثمانلی شعرا سنک مابه الافتخاری اولوب مرتب
دیوانی وارد.

آثار شعر به سندن بعضیلری شونلردر :

تیغ برانیله ویراندر الامان ایللری
رحمی اوچندن خراب ایران توران ایللری

جامع ایچره کوره تا کیملره همزانوسک
شکل سقاده کزر دیده کریان صف صف

قدیری سنک مصالاده بیلوب ای باقی
طوروب ال بغلیه لر قارشوکه یاران صف صف

مداح اوله لی چشم عزالاتنه باقی
اوکرندی غزل طرزینی رومک شعرا سی

بو دور ایچنده بنم پادشاه ملک سخن
بکا صونیلدی قصیده بکا ویرلدی غزل
میخانه لر بیت الحرام . . .

بیٹی بوستان زادہ نک سبب اتہامی اولہرق مشارالہک عزائی موجب
اولمش ایدی.

(بالی اقدی)

اوتنجی عصر ہجری رجالہدن ومظنہ کرامدن حلوتی طریقہ
منسوب بر عزیز اولوب ۹۶۰ تاریخندہ وفات ایلمشدر.
علوم ظاہریہ وباطنیہ مکمل اولوب تصوفہ دائر آثار معتبرہ سی
واردر. محی الدین عربینک فصوص شرحی غایت مقبولدر.
صوفیہ نک خارجندہ کی تربہ سی زیارتکاه خواص وعوامدر.

(بالی پاشا)

سلطان بایزید ولی وزراسندن شرف صہریتہ دخی نائل اولمش
برذات اولوب ہا سلطان بنت بایزید خانک زوجی ایدی.
استانبولہ آثار خیرہ سی واردر.

(بالی بک)

مالقوچ زادہ دیمکله مشہور شجعمان عثمانیہ دن برذاتدر.
سلطان بایزید ولی عہد سلطنتارندہ کی امرانک نامداری اولوب
محاربات وغزواتہ خارق العادہ برارانی کورلمش و لہ عسکری بی بغدادندہ
فنا خالدہ بوزوب قرق بیک سواری ایلہ لہ مملکتی آلتی اوستنہ
کتورہ رک حسابسز اموام غنائم اخذ ایتمش ایدی.

(بالی خلیفہ)

بین الناس سرخوش بالی دیمکله کسب شہرت ایتمش بر ذات
اولوب عشق آلہلہ مدہوش و جذبات سبحانیہ مستغرق اولمش
سرخوش لقبہ بائی اولمشدر.

اوائل خاندہ شہزادہ احمدک خواجہ زادہ سی وکینکچی مدرسہ سنک

مدرسی ایکن کوردیکی بر رؤیا اوزرینه شیخ رمضان افندی به انابت
ایتمش وجوهی مخلصیه شعر سویلمکه باشلامشدی .
گراماتی باهر ایدی .

(بامیه اوجاغی)

چلبی سلطان محمدك احداث ایتمش اولدینی بر نوع سواری صنفی
اولوب افرادی بامیه انباتیه معروف آماسیه شجاعانندن عبارت اولغله
بواسم ایله مسعی اولمشدر .

مرزیفون اهالیسندن مرکب لخنه اوجاغی ایله برلکده تأسیس
اولمش ایدی .

بو اوجاقلر مؤخرآ دها زیاده توسع وترقی ایله محاربنده محسناتی
مشاهده قلممشدر .

بایزید خان اول

سلاطین عدالتقرین عثمانیهك دردنجیسی اولان ییلدیرم بایزید
خان حضرتلری مراد خداوندکار مرحومك فرزند مکرمی و چلبی
سلطان محمد حضرتلرینك پدر عالیکهرلریدر .

۷۶۱ تاریخنده بروسهده کهواره زیب وجود اولوب قوصوه
معرکه مشهوره سنده پدرلرینك رتبه جلیله شهادتی احرازینی متعاقب
سریر شوکت مصرخسروانی به جلوس بیورمشلردر ۷۹۱ .

جلوسلرینی متعاقب دول متفقه ایله حربه دوام اولنوب صربیهك
تحت اطاعته آلمسی و صرب بکی استفانك قیز قورنداشنك حرمسرای
سلطنته ادخالی پارلاق صورتده اجرا قلندی .

شرق قیصری اولا حکومتسندن عزل ایله اوغلی مقام پدره اقعاد
اولنوب مؤخرآ اعطای ویرکویه متعهد اولسندن استرحامی قبول

اولنەرق حکومتدە ابقا واوغلنە سلوری ارکلی سلانیک شەرلری اعطا قلندی .

آناطولیدە آیاسلوغ صاروخان منتشا نیکدە اقسرای قیصریه سیواس اماسیه شەرلری ضبط وقرەمان اوغلی مغلوب ایدیلەرک قرەمانلرە برکوشمال تادیب ویرلدی .

روملرە متعلق اولان آلاشهر، ینە روم عسکری واسطه سیله تسخیر ایتدیرلدی .

۷۹۸ دە نیکبولی محاربه سی وقوعه کلوب دول متفقە بکلری ازجمله فرانسه اصیلزاده لری اسیر ایدلدی .

موره و تسالیاده برچوق مملکتلر و صربستان تماماً تسخیر اولوب آناطولینک شرقندە کابئن ملاطیه کنفری بهسنی کماخ بلده لری ضمیمه ملک عثمانی قلندی .

استانبول حقندە اولان تصور شاهانه نک موقع فعله اخراجنه زمان مساعد اولمامش ایسه ده شهر یدی سنه قدر تحت تضیقده بولندیرلمشدر .

احمد جلایری ایله قره یوسف کی حکمداران تیمورک سیلابه هجومندن درکاه شهریار اعدا شکاره التجا ایتمسی پادشاه مشارالیهک بونلری اعاده ایتماسی اوزرینه تیمورلنک ممالک شاهانه یه هجوم ایتمکله انقرده عظیم بر محاربه وقوعه کلوب تیموریلرک مغنویتنه رمق قالمشکن بعض مرتبه یولسزقلار ییلدیرم خانک اسارتی موجب اولدی .

یدی سکز ماه صکره ۸۰۴ ده حمای محرقه دن آقشهرده ارتحال بیوردیلر .

بیازید خان نانی

سلاطین عثمانیه نك سكرنجیسی و مشهور ابو الفتح سلطان محمد خان حضرتلر نك مخدومی و یاوز مرحومك پدر عالیكهری اولوب ۸۵۱ تاریخ هجریسنده تولد ایتش و ۸۸۶ ده فاتحك ارتحالی اوزرینه سریر سلطنت عثمانیه جلوس بیورمشلردن .

اوائل سلطنتلرنده جم غائله سی و چرا کسه نك ممالك ذوالقدریه تسلطی وقوعه گلشدر چرا کسه یه قارشو کوندریلان اردولر امرانك احتیاطسزلنی و ذوالقدر اوغلنك و فاسزلنی اوزرینه چار ناچار مغلوب اولدی .

مجارستان محارباتی اوزرینه ایکی جسم اردومن دالماجیا و لهستانی چیکنه یوب کلیتی اسیر آلدی .

متون وقورون و ناوارینك ضبطی اوزرینه ونديك جمهورتی اوروپادن استمداد ایتمکه اسپانیا فرانسه پاپا و مجارلیردن مرکب برهیئت صلیبیه تشکل ایدرك آق دکره قوتلی بر دونما سوق ایتدیلر ايسه ده کمال رئیسك صولت دلیرانه سی اوزرینه فراره مجبور اولدیلر شاه اسماعیل صوفیلری آناتولی اهاالیسنی اغفال و اخلال ایچون اطراف ممالکه طاعیلدقلرندن اهاالیدن شیعیتی تحقق ایدنلر روم ایلی ده یکی ضبط اولتان مورده الکاسنه نقل اولندی اسماعیل صفوی ذوالقدر زاده یی تأدیب ایچون آناتولیدن کچوب مرعشی اوردی و بو حرکات عسکریه دن مقصدی طرفدارانه سطوت عسکریه سنی کوسترمك ایدی . (۹۱۴)

استانبولده بیوک برزلزه اولوب ۵۰۰۰ انسان تلف و یوز بو قدر

مسجد ايله قلعه ديوارلريني خراب ايدرك قرق بش كون سوردی
وشهری يانغين يرينه چو بردی .

در حال آناتولی وروم ایلدن عمله واورسته لر جلب اولنوب ایکی
آیده خراب اولان محللار تعمیر ایلدی .

سلطان سليم اولك مقام حكمرانی به صعودینی متعاقب بايزيد خان
لاجل الاستراحه ديمتوقه به كيدركن حوصده ارتحال ایلدی (۹۱۸) .

(بدرالدين محمود)

قاضی سماونه ديمكه مشهور برذات اولوب علاءالدين سلجوقينك
برادرينك حقيدی ایدی .

سماونه قصبه سنده قاضی و حاكم اولوب لاجل التحصيل مصره
عزيزمته سيد شريف چرجانی ايله شريك اوله رق مبارك شاهدن و شيخ
اکمل حضرتلرندن اخذ علوم ايله مکه مکرمه به کيتدی واوراده دخی
شيخ زيلعیدن تکميل نسخ وکالات ايدرك سلطان برقوقه معلم تعيين
قلندی .

بر آراق تيمورلنك حضورنده کی مباحث علميه فی فصل وحسم
ایتدکن صکره موسی چلینك قاضی عسکری اولدی .
چلبی سلطان محمد غائله چلبیانی ازاله ايله مستقلاً تخت سلطنته
قعود بیوردقده صاحب ترجمه بی ازیقده اقامته مأمور ایلماش ایدی .
مشار الیه بلده مزبورده تدریسات و تألیفات ايله مشغول ایکن
کتبخداسی اولان یورکلوجه نك شيخ نامنه خروجی شيخ مشارالیهك
موجب خوفی اولدیغندن همان ازیقندن فرار واسفندیار دیارینه فرش
سجاده قرار ایلدیسده اسفندیار بك خوف سلطانی ايله شیخی ملاکنده
آلیقویه میوب روم ایلی به کوندردی و آخرکار یورکلوجه جمعیتی شیخی

اوکلرینه قاتوب لشکر پادشاهی ایلہ دلی اورمانده حربہ قیام ایستکلرندن
شیخ اسیر وعونه سی قهر وتدمیر قلندقدن صکرہ سیروز بازارنده
صلب اولندی .

شیخ مشار الیہ مظنہ کرامدن وارباب فضیلتدن بر ذات اولوب
علوم ظاہریہ وباطنیہده صاحب یدطولی ایدی .
فقہدن لطائف الاشارات تسہیل جامع الفصولین وتصوفدن
مسرة القلوب واردات کبری نام آثاری واردر .

(پرتو پاشا)

دور قانونی وزرای بنامندن اولوب سلیم ثانی عصرنده وزیر
ثانی اولمشدر .

صغون دونماسی دیو السنہ توارینجده مشهور اولان محاربہ
بحریہده دونما سرداری اولوب مورہ ساحلنده قلنج علی پاشا دخی
برابر اولدینی حالده ایدیلان محاربہده محضا قبودان دریا مؤذنزاده نك
خودسرانہ حرکتی اوزرینہ دشمن سفائی ایکیوزہ قریب عثمانلی
کیمیرینی اسیر ایلدی .

علی پاشا شجاعت ومہارتی سایہسندہ فرقه سنی قورتاروب وبر
خیلی دشمن سفائی دخی یدکلیوب ساحل سلامتہ چیقہمسی اوزرینہ
قبودان دریا نصب اولندی .

(پرتو پاشا)

دور محمود ثانینک ال پارلاق وزراسندن اولوب ملکیکہ ناظری
ایدی . کندیلی داریجہلی اولوب باب عالی یہ چراغ اولمش و آمدی
اوطہسندہ یتشوب صدارت کتخداسی دخی اولمش ایدی .
۱۲۵۳ تاریخندہ ادرندہ مخنوقاً وفات ایلدی .

شعری دخی وارد در .

مرحوم عا کف پاشانك تبصره سی صاحب ترجمه حقنده در .
 سلیمیه درگاهنه خیلی خدمت و معاونتی اولوب مکمل بر کتبخانه
 دخی انشا ایلنمشدر .

(پرتو پاشا)

عصر اخیره قسطنمونی والیلکنده بولنهرق اوراده ارتحال
 ایتمش اولان فضیلتنمدان وزرادن اولوب داماد خلیل پاشا دائرمنندن
 یتشمش و مکمل صورته تحصیل کورمشدر .
 اوروپا لسانلرنندن بر قاچنه آشنا ایدی .
 متعدد آثاری وارد در .

از جمله اطلاق الافکار فی عقد الابکار عنوانلی اثری تعدد زوجات
 علیهنده اوروپا لیلرک زهانی رد ایچون یازلمش مکمل بر اثر در .
 تاریخ رخاتی ۱۲۸۸ سنه هجریه سیدر .

(بشیر آغا)

محمود اول دورینک متفندانندن دار السعاده آغاسی اولوب
 ۱۱۵۹ ده وفات ایتمشدر .
 اصحاب خیر و حسناتدن اولوب باب عالی اتصالننده جامع زاویه
 و مدرسه سی و مدینه ده بر چوق مآثر خیریه سی وارد در .
 مهماندار رسول کبریا ابا ایوب الانصاری رضی عنه الباری
 حضرتلری تربیه سی اتصالننده مدفوندر .
 بشیر آغا اسمنده دیگر بر دارالسعاده آغاسی ده وارد در .

(بکر صو باشی)

بر خیلی مدت بغدادده ضابطه ریاستی ایتمش نفوذلی و طرفدارانی

چوق بر کسه نه اولوب والیر بونک شر و مضر تندن بر ایش کوره.
مزلر ایدی .

بر آراق یوسف پاشا مرقومی ازاله یه تشبث ایتدکده بکر صو
باشی دها تدیرلی طاورانمغله پاشای اعدام ایدرک بغدادی بنمسه مکه
باشلیدی .

بونک اوزرینه سلیمان پاشا تحقیق ماده ضمنتده اولجانبه کوندرلیدی
ایسه ده مرقوم صو باشی شهره قویمدیغندن کرکی کبی عصیانی
اکلاشلغمغله دیار بکر والیسی حافظ احمد پاشا مأمور ایدیلرک بغدادی
محاصره ایلدی .

بکر صو باشی ایشک نتیجه سی اکلا دقده ایرانه التجا و بغدادی
تسلیم ایده جکنی شاه عباسه عرض و انبا ایلمکله بر فرقه ایران عسکری
بغداده کلیدی .

بونک اوزرینه حافظ پاشا اعمال لطائف الحیل ایله بکر صو
باشی یه والی ملک فرمانی کوندر دیکندن مرقوم املنه نائل اولدم قیاسیله
ایرانلوی اشغال ایلدیکندن شاه عباس بالذات بغداده کلوب شهری
ضبط و بکر صو باشی یی اخذ کرفت ایدرک شرط اوزرنده بر سفینه
ایچنده احراق و نجه سنیلری قلنجدن کچوردی .

(یورکلویجه مصطفیٰ)

شیخ بدرالدینک کتخدالغنی ایتمش و موخرأ بر فساد جمعیتی
تداریکله خلقی اضلاله باشلامش اولان بر شخص شقاوت پیشه اولوب
شیخ بدرالدینک وفاندن صکره از میرده طوتیلوب جزاسی ترتیب
اولنمشدر .

مرقومک باشنده اون اون بش بیک قدر عونیه سی وار ایدی .

(بویالو محمد پاشا)

اوتنجی قرن هجری اواخرنده نشانجیق مسندنده بولمیش اولان
فضیلتمندان وزرادن برزادر . ایکی دفعه نشانجیق و حلب والیلیکی
وقبه وزارتتی مأموریتلرنده بولمیشدر .

قلمی متین قریحه سی واسع و شعری رونق داردر .
سلطان سلیمان نامه یازدینی تاریخ مشهوری مطبوعدر .
ادرنه قپوسی قریبنده جامعی خطیره سنده بولنان تربده مدفوندر .

(بهاء الدین عمر)

مستغرق جذبات سبحانیه عاشق بالله برزات اولوب نماز قیلارکن
عدد رکعتی اخطار ایچون یاننده آدم بولنور ایدی .
وفاتی ۸۵۷ تاریخندهدر .

(بهائی افندی)

۱۰۵۶ و ۱۰۶۲ تاریخلرنده ایکی دفعه مشیختی احراز ایتیش
اولان اعلم علما و ظرفادن بر ذات اولوب خواجه سعد الدین وابو-
السعود افندیلرک حقیقیدر .

زادکان طریقک خلافتیه اوله رق مکمل بر تحصیل ابتدائی کور-
دکن صکره حلب بغداد ادرنه استانبول قضا لریله آناتولی و روم ایلی
صدارتلرینی بعد الاحراز ۱۰۵۶ و ۱۰۶۴ تاریخلرنده ایکی دفعه
نائیل مشیخت اسلامیه اولدی .

متنوع فنلره واقف تالیفاتی معتبر بر ذاتدر .
توتونک حلقه دائر فتوای مشهوردر .
شعری دخی اولوب آتیده کی بیتلر جمله اشعارنددر .

که بکا که اول خنچر برانه بقارسک
مقصودک اگر جان ایسه جانانه بقارسک

هر و عدی ایدرسک بنجه بیک عهد ایله محکم
اما ینسه نه عهده نه پیمانه بقارسک

(بهجت افندی)

حکیم باشی خیرالله افندی زاده صدور دن بر ذات در ایتمسات اولوب
سلطان سلیم ثالثه سرطیب اولمش و سلطان محمود خان وقتنده دفعاتله
روم ایلی قاضی عسکری اوله رق لاتین و ایتالیان لسانلرینه واقف رأی
و تدبیری سدید امور خارجییه سی یولنده ایدی بوجهتله اکثر مکالمات
دولیمده بولمیشدر .

یکینچر بلرک الغاسنده حسن خدمتی کورلدیکندن مظهر عاطفت
پادشاهی اولمش ایدی فن طبه دائر متعدد ترجماری واردر .

(بهلول پاشا)

دور محمود ثانیله بایزید متصرفلغنده بولنوب ارضروم والیسک
ایرانی الاصل برینی بایزیده تعیین ایتمسینه مقابل صاحب ترجمه ممانعت
ایتدیکندن برنده ابقا اولندی .

(بیاله پاشا)

دولت علیه عثمانیه نك خدمت بحریه سنده یوز آغرمش قبودان
دریا اولوب اون درت سنه بو خدمتده بولمش و بحر سفیدی سفائن
اعدایه طار ایتمش ایدی .

بو ذات مهاج محاربه سنده آلمش مجار اسرا سندن اولوب کوچک
ایکن سرای هایونه آلهرق اوراده تربیه ایدلمش واستعداد ذاتیه سی
سببیه آز وقت ایچنده قبودان اولمش ایدی .

سجلیا واسپانیہ دونمالرینک طراباس غربہ هجومی ایشـتدکده
هان اوزرلرینسه واروب نصفی احراق وغرق وییکلرجه اسیر ایله
درسعادته عودت ایلدی (۹۶۸) .

موخرآ شرف صهریته ورتبه وزاراته دخی نائل اولدی .
قاسم پاشا دره سنده برجامی ومدرسه سی و آثار سائرہ سی دخی
واردر .

(پیاله پاشا)


بوکا اوزون پیاله دخی دیرلر .
۱۰۵۲ ده قبودان دریا ایدی . بوده نامداشی کبی امور بحریه ده
مشاهیر زماندن بری اولوب اسپانیا سواحلی اوروب آق دکزده
اعدانامنه کیمسه یی طولاشدرمز اولدی .
بر آراق طراباس غرب اوجاغی دایسی محمد دایینک دردولته
تقدیم ایلدیکی هدایای عظیمه یی کتم ایتدیکنـدن طولای جزاسی
ویرلدی .

(بیراقدار مصطفی پاشا)

علمدار مصطفی پاشا ماده سنه نظر اولنه .

(بیراقدار دده)

مجاذب آلهیه دن برذات اولوب مولویخانه قیوسی جوارنده
مدفوندر .



حرف التاء

(تاتار ابراهیم افندی)

علوم ظاهریه و باطنیه رجالدن آیاصوفیه ده خلقه وعظ و نصیحت
و تفسیر و حدیث نقله مواظبت ایتمش بر ذات ستوده صفات اولوب
سوره نوره بامر پادشاهی تفسیر یازمش ایدی . وفاتی (۱۰۰۱) .

(تبردار)

مراد ثانی بن محمد چلبینک احداث بیوردینی بر اوجاق اولوب
آناتولی خلقنک کنج و توانالرندن منتخب اشخاصدن تشکیل اولنمش
ایدی .

بونلر اردونک اوکنجه کیدر وشمیدی طابورلرده کورلیدی
اوزره عسکره یول آچغه و مانع مشی و حرکت موانعی برطرف ایدرلر
ایدی و اردوگاهده چادر قورمق دخی بونلره مفوض ایدی .

فتح قسطنطنیهده بو اوجاق ایکی یه آریلوب بری زلفلی بالطه جیلر
دیگرینه اسکی سرای بالطه جیلری دینلیدی .
صکره لری ایشلری سرای خدمتکارلرغه منحصر قالدی .

(تبردار محمد پاشا)

احمد خان ثالث ماده سنه مراجعت اولنه .

(تپهدللی علی پاشا)

عصر سلطان محمود ثانیده یانیه و جواری ممالکده متنفذ بروالی
اولوب اوائل حالده حسن خدمتی کورلش و معیقی چوق اولدیغندن
هر کوندریلان یرده یوز آغتمش ایدی .

انجق صکره مرکز حکومت رجالدن توحش ایتدیکندن تزید

قوت و مکننه باشلامسی عصیان و فسادینه حمل اولمقله فرمانلی اولوب
خورشیدپاشا واسطه سیله اعدام اولندیسه ده حالت افدینک اویاندردینی
شوماده موره وقوعاتی تولید ایلدی .

(ترخان سلطان)

سلطان محمد خان رابعك والدهسی و ابراهیم خانك زوجهسی
صاحبه الخیرات بر مخدره زمانه ایدی .

یکی جامع مشارالیه طرفندن اكمال و اتمام قلنمش ایدی .

(تنظیمات خیره)

ممالك محروسه شاهانهك تأمین ادارهسی ضمننده وضع و تأسیس
اولنه حق اولان قوانین جدیده و مهمهك اساسی اولان مال و جانك
امینتی عرض و ناموسك وقایه و تأمین ویرکو و عساکرك ترتیب
و تعیین کی مواد اصلیهك اجرایی اراده و تعهداتی مبین قانون
اصلیدر .

۱۲۵۵ تاریخنده بالمله عسکری و ملکی مأمورین ورؤسای
ملل کلخانه میداننده تجمع ایله رشید پاشا طرفندن برخط هایون
قرائت ایدلمش و پادشاه زمان عبدالجید خان حضرتلری دخی قصر
عالی پنجره سندن رسم عالی بی تماشا بیورمشدی .

(تیمور باش)

اسوج قرالی اون ایکنجی شارلك ممالك عثمانیه ده کی نامی اولوب
پولتاوه محاربه سنده دلی پترویه مغلوب اولمقله ممالك محروسه یه التجا
ایلمش و برمدت مدیده ممالك شاهانه ده اقامتدن صکره مرفهاً مملکتته
ارسال قلنمش ایدی .

(تیمور طاش پاشا)

مؤسس دولت ابد مدت عثمانیه سلطان عثمان بی مداینک پدر عالی
کهری ارطغرل غازی ایله برابر دیار رومه کلش اولان حمصه چاوشک
اوغلی اولوب خداوندکار غازی زمانده امرای عسکریه ایچنده مهم
بر موقع احراز ایتیش ویلیدیرم خانه دخی حسن خدمتی سبقت ایتیش
وزوم ایلی بکار بکلکننده بولنمشدر .

بر آراق آتقرده بولندقد قرمان اوغلی علی بک بغته باصوب
صاحب ترجمه یی اسیر ایلدیسده مؤخرآ اسارتدن خلاص بوله رق
عسکرله واروب علی بکی طوتمش ولاجل الانتقام اولدرمشدر .

تیمور طاش پاشا تیمورلنک طرفندن طوتیله رق کوتاهیده مدخر
بولنان اشیا و اموالی غارت اولمغله تیموره قارشو متجلدانه جواب ویرمشدر .
تیمور طاش پاشانک اولادی دخی محاربانه ابراز مردانگی ایتمشدر .

(تیمورلنک)

مغول پادشاهلرندن و دنیانک اک بنام جهانگیرلرندن اولوب
ترکستانده کش شهرینک امیرلکنی استحصال ایدرک ۷۷۲ده بلخده
اعلان استقلال ایلدی .

اطراف و حوالیده واقع کوچک کوچک حکومتلری برر برر محو
ایتدکن صکره ایران و بحر حزرک سمت شرقیسنی و روسیه نک جنوبی
تسخیر ایله بغداده یوردی و حاکمک مصره فرار و دخالتی اوزرینه
اوراسنی دخی یغما و طقسان بیک انسان کله سندن قله یایدیروب
۸۰۰ تاریخنده هیالایا طاغریخی آشهرق تکمیل هندستانی ضبط ایلدی .
قندهار جوارنده یوز بیک کشی بی خاک هلاکه سر دکن صکره
حلب شام و بتون سوریه یی تحت اطاعته آلدی .

۸۰۴ تاریخ‌نمده فرمانفرمای روم اولان بایزید خانه ملتجی‌لرک اعاده‌سی ایچون تکالیف شدید و متوالیه‌ده بولندیسه‌ده سلطان مشارالیه تیموره قارشو سرد جوابلر اعطا و مرقومک تکالیفی شدیداً رد ایتمکله مخبرات و مراسلات توالی ایلدی و تیمور هر دفعه سنده برده‌نی اچالادوب نهایت برترضیه اعطاسنه قدر تنزل ایلدی .

عاقبت الامر محاربه تحقق ایدرک آنقره جوارنده تقابل صفوف و قوعبوله رق عسا کر جنکیزییه هزیمت توجه ایتمک اوزره ایکن ییلدیرم خان عسکرکند بولان بعض و فاسزلر عار فراری ارتکاب و طرف تیمورده طوران بکلرینه التحاق ایتدیکندن محاربه‌نی تیمور قزاندی و ییلدیرم قید اسارته کرفتار اولدی .

تیمور آنقره محاربه‌سندن صکره از میر و ادرمیدی شوالیه‌لردن ضبط ایتدکن صکره کر جستانی چیکینیوب اورادن سمرقنده چکلدی . برسنه صکره ۲۰۰۰۰۰ عسکر تهیه‌سیله چینه سفر ایتمک اوزره یوله چیقمش ایکن سیحون نه‌ری کنارنده کائن اترانام موقعه ۷۱ یاشنده ارتحال ایلدی .

تیمور غایت خوزیز و مرحتسز بر مخلوق اولوب هنگام تغلبنده تلف ایتدیکی و یا خود سببیه تلف اولان انسانلرک عددی اوچ میلیونه بالغ اولور .

آنحق محب علما اولوب اک غضبلی بر وقته بیله لاجل الزیاره کلان علمایه صوک درجده حرمت و رعایت کوستر ایمش . تیمور وقایعنه دائر تیمورنامه اسمنده برطاقم تاریخ قلقلو اثریازلمشدر . تیمور کندی ترجمه حالی یازوب مظالم واقعه‌سنی حقی کوسترمه‌ک چالش‌مشدر .

حرف الثاء

(ثابت)

اون ايكنجي عصر هجريده يتشمش اولان عثمانلي شاعرلرندن
اولوب بوسنه نك اوزيجه قصبه سنده طوغمش ودرسه اده كلهرك طريق
قضايه دخول ايله بوسنه قونيه دياربكر مولويتلرينه نائل اولدقدن صكره
۱۱۲۴ تاريخنده ارتحال ايلمشدور .

اشعاري لطيف و طرز افاده سي سليس و ضروب امثال ايرادينه
منهمكدر .

آتيده كي ابیات جمله اشعارنددر :

نسخه ك مرض عشقه علاج ايلمدي هيچ

اي شيخ كرامات فروش ازده صوين ايچ

(ثاقب افندي)

آخسخه لي علمادن بر ذات اولوب درسه اده قره مصطفى پاشا
مدرسه سنده تحصيلني اكال ايدرك سليمانيه ده طب خانه مدرسه سنده
تدريس طبابت ايله مشغول اولوب ۱۲۶۹ تاريخنده وفات ايلدي .

(ثاني)

شعراي عثمانيه دن حسن جماله مالك بر كنيج اولوب بايزيد ثاني
دورنده نشو و نما بولمش و كوزللكندن ناشي يوسف ثاني نامني آلمش
ايدى .

عاشقاندن بريسي قيصقاندن ناشي كنديسني تلف ايتمشدر .

(ثاني)

بيك تاريخي شعر اسندن اولوب قول طائفه سندن برينك اوغلي ايدى .

اوائل شبابتنی عیش و عشرتله کچیرمش ایسه ده صکره لری توبه
ایدرک صلاح حال کسب ایتمش ایدی .

(ثروت افندی)

اون ایکنجی عصر هجری شعراسندن عثمان ثروت افندی اندرون
هایوندن یتشمش و ۱۱۸۰ تاریخنده وفات ایتمشدر .
شو بیت جمله اشعارندندر :

مکرکک قدر اول طفل ابجد خوانک ای ثروت
جلی خطیله یازمش لوحه رخسارینه تمت

(ثریا پاشا)

متأخرین وزرای عثمانیه دن اولوب کمرکچی عثمان پاشانک صلبندن
۱۲۴۱ تاریخنده درسعادتده تولد ایتمش و کنجلیکننده باب عالی دیوان
هایون قلمنه دوام ایله بعض مهم مأموریتلرده بولنش از جمله پارس
سفارت سینه سی ایکنجی کاتبلیکننده و مملکتین قومیسرلیکننده قدس
متصرفلغنده ابراز حسن خدمت ایلمشدر .

۱۲۸۰ ده رتبه وزارتق احراز ایله حلب والیسی ۸۳ ده آیدین
والیسی اولمش و برمدت معزول قالدقندن صکره احکام عدلیه اعضالغنه
و خداوندکار والیکنده دفعه ثانیه اوله رق حلب آیدین والیکیلکله آنقره
وسیواس ولایتلرینه نصب اولندی .

۱۲۹۶ تاریخنده سیواس والیسی ایکن حلول اجل موعودیه
ارتحال ایلدی .

آثار قلمیه سی و فرانسزجه لساننده مهارتی وار ایدی .

(ثنائی)

مغنیسـالی اولوب شهزاده مصطفی خانك توجهنه مظهر اوله رق
برلکده اما سیه به کیتمش ایدی .

(ثنائی)

بالیکسر لیدر . روضه الابرار نامنده منظوم بر اثری واردر .
شو بیت جمله اشعارندندر :

اویانمز شمع اقبالم کورنمز اول قر طلعت
نی بوقاره کونلرده قویان بخت سیاهمدر

(ثیابی)

ترزیلکله تعیش ایتدیکندن بو مخلصه تخلص ایتمشدر .
عن اصل مرزیفونلی اولوب امی ایسه ده طبیعت شعریه سی وار
ایدی .

مشهور بیتی شودر :

الفلر سرو رنگین کل کبی سینه مده داغم وار
محبت سبزه زارنده یننه بر تازه باغم وار



حرف الجیم

(جامی)

سلطان بایزید ثانی دورنده قاضی عسکرلک ایتش بر ذات معارفیات
 اولوب حاجی حسن زاده دیملکه مشهوردر .
 ۹۱۱ سنه سی در سعادتده رحلت ایله بنا کرده سی اولان مسجد
 حویلسنده دفن اولندی .
 شعری دخی وارددر .

(جامی)

طقوزنجی عصر هجری شعرا سندن اولوب عزات وانزوایه مائل
 بر ذاتدر .

مشهور ملا جامیله ملاقات ایتک اوزره ایرانه کیتمش ایدی .
 آتیده کی بیت زاده طبعیدر :

نیجه بر نفسه اویوب بر سکه سکیانلق ایدم
 یریدر فقر و فنا سسلکنه سسلطانلق ایدم

(جزایرلی غازی حسن پاشا)

اعظم وزرای سلطنت سزیده دن وشجمان بحریه دن اولوب ایکی
 دفعه قبودانلق وبردفعه صدراعظملق منصب جلیلی احراز ایتمشدر .
 عن اصل چرکس اولوب تکفور طاغلی بر تجارک ازادلیسی ایدی .
 روم ایلی محارباتنده شجاعت و بسالتی کورلمش وبر آراق جزایره
 کیدوب تلحسان بکی اولمش ایدی .

اسپانیوللره قارشو ایتدیکی محاربات بحریه ده موفق اولغله عربلر
 بیننده ابوالبروت دیه شهرت قزانمش ایدی .

جزایر والیسی صاحب ترجمه‌نک شهرتنه حسد ایتمکه سوء قصد
اجرا سنده تشبث ایتمک اوزره ایکن اسپانیایه فرار و دور سلطان مصطفی
خانیده در دولته النجا ایلدی .

اولتاریخده صدر اعظم اولان مشهور قوجه راغب پاشا صاحب
ترجمه‌یه التفات ایتمش ایسه‌ده جزایر والیسنک خلاف واقع شکایتی
اوزرینه مالی مصادره اولندی .

آنحوق بو اشتکا بالاآخره افترا اولدینی تبین ایدرک مالی اعاده
اولنهرق خدمت بحریه‌یه آلمش و فیلپون سواریلکی ویرلش ایدی .
روسیه ایله ۸۱ سفرنده چشمه‌ده وقوعبولان دونما جنککنده
امیرال کیسنی اطرافه تصدی ایله هر ایکی سفینه بردن اشتعال ایتمکه
کندیسنی دکره القا ایتمک صورتیله نفسی تخلیص ایلدی .

بوفداکارلنی ومؤخرآلمینی استرداد اوزرینه میر میرانلق
رتبه‌سی و آلتون چلنک ایله غازیلک عنوانه نائل اولمشدر .

۸۴ و ۸۸ سنه‌لرنده قبودان دریا اولوب ترسانه‌جه خیلی اصلاحات
اجرا ایلدی .

سلطان سلیمک اوائل سلطنتلرنده اسماعیل سرعسکری اولوب
روسیه‌لوی طونده مغلوب ایتسنه مبنی ۱۲۰۴ تاریخنده شمنی‌ده
مسند صدارته اعتلا ایلدیه‌ده عمری وفا ایتیوب اوچ بحق آی صکره
۸۰ یاشنی متجاوز اولدینی حالد ارتمال ایلمشدر .

شمنی‌ده انشا کرده‌سی اولان زاویه‌ده مدفوندر .

شجاعت و جسارتی ایله برابر تاریخلر خونیلکنی یازیورلر .

(جزری)

قاسم پاشا وصافی ماده‌لرینه مراجعت اولنه .

(جعفر بك)

سلطان بايزيد ثانیك اواخر ایامنده مسند قبودانی یه صعود ایتش
اولان امرای بحریه دن اولوب یاوز سلطان سلیم زماننده ۹ سنه قدر
بومقامده بولندقدن صکره سلیمان خانك جلوسنده قتل اولندی .

(جعفر پاشا)

خادم جعفر پاشادر .

سلیم ثانیك خدامندن غضنفر آغانك برادری اولوب اصلاً بحار
اسرا سندن ایکن برادر یله برابر سرایده تربیه اولمش و ایران محارباتنده
یرارانی و اوز دمر عثمان پاشا معیتنده ایشکدارانی کورلمش ایدی .

(جعفر پاشا)

امرای بحریه دن اولوب قلیج علی پاشانك رفقا سندن ایدی .
۱۰۱۵ ده قبودان پاشا لقی مقامنه کتورلدیکی حالده بر سنه صکره

عزل اولمشدر .

(جعفر پاشا)

بوستانچی باشیققدن قبودان پاشا لغه صعود ایتش اولان امرادن
اولوب موفقیت سزلکی اوزرینه عزل ونفی وبعده اعدام اولندی .
بو اسمده برقاج ذات ده قبودانلق مقامنده بولمش ایسه ده
مشاهیردن اولدوقلرندن تحریرندن صرف نظر اولندی .

(جعفر چلبی)

شعرادن تاجیك اوغلی اولوب تاجی زاده دیو شهرت بولمشدر .
رومك اك مقتدر شعراسندن و خطاط و منشیانندن اولوب دور
سلیم اولده محمود پاشا مدرسی ایکن مظهر توجه پادشاهی اوله برق
نشانچیلغه و مصاهرت شرفه نائل اولدی .

اماسیه ده تحریک تهمتیه اعدامنه فرمان قضا جریان صادر اولمقله
ایجابی اجرا قلمیشدر .

آثار شعریه سندن :

بن شهید تیغ عشق اولدقده راه یارده
یومه دن دفن ایلکز تندن غباری کیتمسون
وسایم خانک جلوسنه سویلدیکی قصیده فارسیه سندن :
جان آفرین که برکف ما نقد جان نهاد
بهر نثار مقدم شاه جهان نهاد
یتلری شعرینک درجه سنی تعینه کفایت ایدر .

(جفاله زاده سنان پاشا)

مشاهیر وزرادن و عثمانی سردارلرندن اولوب جنویزلی قبودان
سیغاله نك اوغلی دره .

پدریله برابر پیاله پاشا طرفندن اسیر ایدیلهرک سرایده تربیه
اولنمش واسمی اولان ایسکیپیون یرینه سنان تسمیه قلمش ایدی .
سرایده ساجداراق ایتدکدن صکره یکیکچری آغالغیله طشره
چیقمش و برچوق ولایتلرده والیدکده بولنوب بر آراق قبودان دریا
دخی نصب اولنمش ایدی . اگری سفرنده شیخ الاسلام سعد الدین
افندی نك سوق و تعریفیله منافسی اولان قونیه دن جلب و خدماتی مشاهد
اولدیغندن صدارته اصعاد اولنمشدر .

۱۰۰۶ : ۱۰۱۰ تاریخچه قدر تکرار قبودانلقده ابراز کار آکاهی

ایتمش و ۱۰۲۱ شرق سردارلغیله ایرانه کوندولمشدر .

آنحقی بو سفرده بر ایش کوره مدیکندن مغلوباً دیار بکره کلوب
اوراده کدرندن وفات ایلنمشدر .

نعتی استانبوله نقل ایله مهرماه جامی خطیره سنه دفن اولندی.

(جقائی)

شعراى عثمانیه دن بایزید و سلیم قدیم دورنده بولمش اولان ایکی
شاعر در .

(جلالی)

سلطان سلیم قدیم زماننده آناطولیده تورهمش ومهدیلک دعواسنه
قالقیشمش اولان بر محله منسوب طوائف باغیه و سرسریه توارنج
عثمانیه ویریه کلن اسمدر .

مرقوم شیخ جلال توقاد قراسندن تر حالده ظهور و خروج
ایله قره حصاری ضبط و آنقره اوزرینه یوریمش ایدی .

شهسوار زاده واسطه سیله اخذ و قتل وجعیتی طاعیدلدى .

بوندن صکره آناطولیده اعصار مختلفه ده ظهور ایدن ارباب بغی
فساده بو اسم ویریلور ایدی .

(جمالی)

هایوننامه آدلو منظومه نك صاحبی اولوب ابو الفتح زماننده
یتشمش و بایزید خان ثانی زماننده نشو و نما بولمش ایدی .
عن اصل بروسه لیدر .

دفتردار زاده جمال بشقه در .

(جمیل پاشا)

وزراى عظامدن نامق پاشا زاده حلب والیسی جمیل پاشا مکتب
حریبه دن نشأله یاوران شهریارى سلك ممتازنده قطع مراتبله بر آراق
ماینجیلک دخی ایتمشدر .

فرقه قوماندانلقلرنده و روسیه محاربه سابقه سنده ابراز خدمات

ایله حلب و حجازده دخی قوماندانلق مأموریتلرنده بولندقدن صکره ۱۲۹۹ ده رتبه مشیری ایله حلب والیسی اولوب یدی سنه مذکور والیکده بولمشدر .

۳۰۶ ده درسعاده کلاړك تفتیش عسکری قومیسونی اعضالغنده ایکن ۳۰۷ ده چاملیجه ده کی کوشکنده فجأة ارتحال ایلدی .

(جمیل پاشا)

صدر اسبق مصطفی رشید پاشانك بیوك اوغلی اولوب پارس و سائر مراکز حکوماتده اکمال تحصیل ایله مدت مدیده پارس سفارتی ایفا ایلدی .

۱۲۹۲ تاریخنده خارجییه ناظرلغیله درسعاده جلب اولنوب روسیه ایمپراطورینك یالطیه عزیمتده طرف حکومت سنیهدن خوش آمدی مراسمنی اجرا ایچون اول طرفه کیدوب کلور ایکن شمندو- فرده فجأة وفات ایلدی .

(جنابی پاشا)

حرم خاصه شاهانده نشو و نما بوله رق دور قانونیده چاشنکیر باشیقله اخراج اولمش و آناتولی امیرالامراسی دخی اولمش ایدی . ۹۶۶ تاریخنده ارتحال ایلدی .

طبیعت شعریه سی دخی واردر .

(جنانی)

شعراي عثمانیه دن بایزید اول دورنده اشتہار ایتمش برشاعر در . کندیسی اصحاب تیماردن وارباب سیف و قلمدن اولوب ۹۰۰ تاریخنده مالقوج زاده معیتله له سفرینه کیدرک اوراده شهیداً وفات ایلدی .

(جنانی)

رضوان زاده دیو معروف اولوب سلطان ساجیم قدیم ایامنده
ارتقال ایلدی .

(جنانی)

مراد ثالث دوری شعراسندن علم وفضل ایله مشهور بر ذات
اولوب بروسه لیدر .

(جنانی)

سمندرلی اولوب سپاهیلر زمره سندن صاحب وجد و حال بر
ذات ایدی .

(جنجی خواجه)

جنجی حسین افندی دور ابراهیمیده قاضی سکرلک مقامنه قدر
ارتقا ایتمش وزماننده اصحاب نفوذ دن بولنمشدر .

عن اصل زعفرانبوللی برشیخزاده اولوب آز وقت ایچنده فوق
العاده نفوذ و ثروت پیدا ایلهرک وظیفه سی اولمیان ایشلره قاریشمغه
بانلامش و قره مصطفی پاشا کی بر صادق دولتک افاسنه سبب اولمش
ایدی .

سلطان محمد خان رابک جلوسنده مساوی سابقه سی سبب
اعدامی اولدی .

(جنید بك)

آیدین اوغللرندن اولوب از میر بکلاکنه تعیین اولندیفی حالده
اول حوالی بی تحت اداره سنه آلهرق جلیان وقعه سندن استفاده یه
چالشمش ومؤخرآ شهزاده سلیمان طرفندن مغلوب ایدلمش ایدی .

چلی سلطان محمدك جلوسنی متعاقب اعلان عصیان ایتدیسه ده
ممالکی لندن آلتوب کندوسی مظهر عفو سلطانی اولدی .

دوزمه مصطفی وقعه سنده مرقومك رئیس حكومتی اولوب وقعه نك
مروج و مسهلارندن ایدی .

بر آراق دوزمه یی دخی یالکیز براقه رق لیلأ فرار و آیدین حوالیسنده
غوائل موجوده دن طولای بر خیلی مدت شقاوت و مفسدته اصرار
ایلدیسه ده یازید پاشانك برادری حمزه بك معرفتیه قتل ایدیلر ك یازید
پاشایه ایتدیکی اهانتك جزاسنی بولدی .

(جودت پاشا)

متأخرین وزرا و علمای عثمانیه دن اولوب عن اصل لوخلی اولدینی
حاله اوائل ایامنده طریق علمیه قطع مراحل ایش و بر آراق
تبدیل طریق ایدرك مالکیه صنفه کچمش ایدی .

بر چوق خدمات دولته ولایات والیکلر نده مجالس ریاستنده
عدلیه نظارتنده بولتمش و بر چوق آثار وجوده کتور مشدر .

مجلس خاص وکلایه مأمور ایکن ارتحال دار بقا ایلدی .
مجله احکام عدلیه نك ترتینده کی همتی علی الخصوص وقعه نویسلکنده
یازدینی اون ایکی جلد تاریخیه قصص انبیا و تاریخ خلفاسی سهل ممتنع
اولوب کمال و قدرت علمیه و ادبیه نه دالدر .

(جوری)

اونبرنجی عصر هجری اوائلنده یتشمش اولان شعرای عثمانیه دن
ابراهیم جوری افندی ادرنده تولد ایش و پدری ایرانی اولوب
سایم اوله بالانتساب برلکده بلاد رومه هجرت ایلمش ایدی .

عالم وفاضل انشاسی قوتلی بر ذات اولوب برده تاریخ یازمش
 و بو تاریخده بالخاصه ادرنه حقنده مکمل معلومات ویرمشدیر .
 وفاتی ۱۰۶۵ ده در .

(جوهری)


سرخوش بالینک مخاصی اولوب بالی ماده سنه مراجعت اولنه .

(جهانگیر)

قانونی سلطان مرحومک مخادیندن اولوب علم و ادب و نکته شناسیده
 یک ایلرویه وارمشدی .

بیوک برادری شهزاده مصطفانک قونیه ارکلیسنده وفاتی مسئله سندن
 طولانی کدرندت وفات ایلدی .

جهانگیر جامی نامنه اولمق اوزره مؤخرآ پدری طرفندن بنا
 اولندی .



حرف الجیم

(جتالجهلی علی افندی)

سلطان محمد رابع واحد نایده ایکی دفعه ده اون اوچ بچق سنه یه
 قریب مسند ملای مشیخت اسلامیه ده بولمیش علمادن اولوب ۱۰۴۱
 تاریخنده جتالجه ده طوغمش و منقاری زاده نك درسنه مداومته تکمیل
 نسخ ایتدکن صکره کرید سفرنده اردو قاضی بولمیشده و سلائیک و مصر
 قضالرنده بولمیشدر .

۱۰۸۱ ده روم صدارتنه و اوچ سنه صکره خواجه می منقاری
 زاده دن صکره مشیخته اعتلا ایلدی .

علم و فضلی ایله برابر عفت و استقامتی و خاطر و کواکله باقیه رق
 امور شرعیه بی اجر ایه ساعی اولسی و مراسم طریقه صوک درجه ده
 رعایتی مشهوردر .

فتاویٰ علی افندی نامیله الیوم ایادی ناسده دائر اولان فتوا
 مشار الیه کدر .

(چرخه جی علی پاشا)

سلطان محمود ناینگ اواخر ایام لرنده قبودان پاشا الق ایتمیش
 و مؤخرأً بعض ایالاتده و الیلکده بولمیشدر .

عن اصل کوله منلردن و معهود الفینک آزاد کرده لرننددر .
 یوسف ضیا پاشا معیتله در سعاده کلمشدر .
 ملاطیه ده وفات ایلدی .

(چرکس محمد پاشا)

سلطان محمد خان رابع دورینک صدراعظم لرندن عقیف و مستقیم

بر ذات اولوب حرم هایبونده تربیه اولنه رق سلحدار شهر یاری اولمش
وبعد شام والیالکینه نصب اولنوب ۱۰۳۳ ده صدارته کچمشد.
مشهور آباره پاشانک تنکیلی ایچون اوزرینه کوندریله رک قیصریه
قربنده آباره جمعیتی پریشان ایتدکن صکره توقادده وفات ایلدی.

(جلایی علی پاشا)

عثمان خان ثانی دورنده مسند صدارتی احراز ایتمش وزراندن
اولوب جد مادریمی طرفدن سیادت واری ایدی.
تونسده و سائر بر چوق ولایتلرده والیالک و ایکی دفعه قبودان
دریالق ایتمش واسفار بحریهده یوز آخرتمشدر.
خایجک انجماد ایتدیکی ۱۰۳۰ تاریخنده مرض مثانهدن وفات
ایلدی.

(جلایی مصطفی پاشا)

سلطان مصطفی دورنده صدارته کچمش اولان بر ذات اولوب
یکیکچری زمیره سندن یتیشمش وادرنده آخالق مقامنده اهلیتی
کورلیدیکندن انکلیر دونماسنک بوغازدن مرورنده درسه عاده جالبه
بوغاز محافظی نصب اولمش ایدی.
علمدار پانادن اقدام صدارته کچورلیدیهده عدم اهلیتی اکلا.
شیلدیغندن علمدار پاشا جبراً مهری الندن آلمش ایدی.
بعده اسماعیل سرعسکر اکنه نصب اولندیسهده اوراده دخی
حسن ادارهیه موفق اوله نامشدر.

(چورلیلی علی پاشا)

احمد خان ثانی اوائل سلطنتلرنده مسند صدارته نائل اولان
اعظم وعقلای وزراندن اولوب چورلیده طوغمش و سرای هایبونده

تربیه اوانه رق ساجداراق وبرچوق ولایت والیلکرنده وصدادت
وقائم مقامله قبه هامون وزارتنده ابرازکار آگاهی اتمشدر.

صدارتی کمال عدل و حقانیت دائرہ سندہ ایفا ایتدیکہ حالہ ارباب
نفاق غمز و حبا ئیلہ خرمن عمرینہ قرق یا شنندہ ایکن باد فایا ریشدیر لمشدوم
ارباب خیر اتدن اولوب حلبده و در سعادتده خرقة سعادت و پر مرقی
قوده جامع و مدرسه لری وارد ر .


(چيوى زادہ)

اعلم علمادن بر ذات اولوب اسمی محی الدین در .
عصر سـایمان قانونیده وطنی اولان منتشـادن در سعادت کلاویک
ناجی زاده وملا فناریدن درس او قومش و ۹۴۵ ده شیخ الاسلام
اولمشدر .

کبار صوفیونہ تعریضی سبب عزلی اولغلہ حجہ کیتمش وعودتندہ
مدارس نمایہ مدرسہ وقاضی مسکراک دخی ایتشدہ .

(جیوی زادہ)

محمد افندی چيوى زاده محى الدين افنديك اوغلى اولوب ايكي
دفعه مسند مشيختى احراز ايتشدر .
بوده پدرى كې عالم وفاضل ومتورع ايدى .



حرف الحاء

(حاجی بکتناش ولی)

کبار اولیاء اللہدن صاحب کرامات بر پیر روشن ضمیر اولوب
اسمی محمد ومولدی خراسانده کائن نیشابور شهریدر .

کندیسی سادات کاظمیه دن اولوب شیخ نعمان خراسانیدن اخذ
رشادت وعلوم باطنیه ایتمشدر .

مقامات عالیاتی طولاشدقدن وقرق سنه قدر اعتکاف و ریاضانده
بولنه رق تکمیل سلوک ایلدکن صکره دیار رومه کلوب بر چوق خلافا
یتشدرمش و ۷۳۸ تاریخنده ارتحال داربقا ایامشدر .
بکتناشیه لفظی تاریخیدر .

دولت عثمانیه نك یکیچری اوجاغنی حین احداننده پیر مشارالیهک
دعاسی التماس اولنغله اوجاغک دوام وترقیاتنه دعا ایتسی اوجاغ ملغانک
بکتناشیه انتسابنی موجب اولمش ایدی .

(حاجی بیرام ولی)

کبار اولیادن وطریقت عالییه پیرانندن باهر الکرامات بر عزیزدره
آنقره قربنده صول فضل قریه سندن نشأت ایله اوللا طریق
قدریسه داخل اولمش ایسه ده قیصریه ده شیخ حامد اقسراییدن اخذ
علوم باطنیه ایدرک طریق تصوفه دخول ایتمش وشیخ مشار الیهله
برابر شام و حجازه دخی کیتمش ایدی .

بر آراق مریدانی تمکثر ایتمکله بو کیفیت مقام حکومت
دیگرده بیلدیرلمکله بروسه یه جاب بیوراش ایسه ده حضور هایونه
چیقهدینی آنده شهریار دقیقه دان حضر تلی شیخک کجانی تقدیر

ايدرك حقنده حرمت و رعایت اولمسنی امر ایتمش و جامع عتیقده و عظم
و نصیحت ایلمسنی فرمان بیورمش ایدی .

ارتحالی ۸۳۳ تاریخنده در .

طریقت بیرامیه مشارالهدن ابتدا ایدر .

(حاجی علی پاشا)

سلطان احمد ثانی دور سلطنتنده صدارته نائل اولان و زرادن اولوب
صدر اعظم مرزیفونی قره مصطفی پاشا ک همشهریمی اولمغله آنک
واسطه سیله قیوجیلر کتبخداسی و چاوش باشی اولمش و ۱۱۰۲ ده
عربدهجی علی پاشا ک رینه صدر اعظم نصب اولمش ایدی . مؤخرأ باغرامه
کیدوب ترمیمات و تحکیماته . شغول اولوب ادرنه عودتنده صدارتدن
بالاستعفاء اولا چکمجیه قربنده کی چفتاکننده و بعده بروسهده اقامت
و صکره کریده مأمور اوله رق اوراده وفات ایلدی .

(حاجی کرای خان)

قریم خانلرندن قریم کرایک اوغلی اولوب ویانه محاصره سندم
حسن خدمتی کورلدیکی حالده عودتده سدرام اولق ایستیان اهلولری
پیشان ایدرک قریمه عودت ایتمش و بخل و امساکي السنه تاتارده کسب
شهرت ایلمش ایدی .

۱۱۰۰ تاریخنده زدوسده وفات ایلدی .

(حافظ احمد پاشا)

احمد پاشا ماده سنه مراجعت اولنه .

(حافظ پاشا)

چرکس محمد پاشا دخی دیرلر . سلطان محمود ثانی و عبدالجید خان

حضراتك ايام سلطنتلارنده اردو قوماندانلارنده بولمىش اولان مشيراندن
اولوب نزيب وقعه سنده مغلوبته سبب مستقل اولمىش ايدى .

(حافظ عثمان)

خطاط شهر حافظ عثمان افندى بيك تاريخچىدن صكره يشمش
وشيخ واديسنده حسن خطه مالك اولمىش بر ذات اولوب سنبل افندى
درگاهى درويشانندن ايدى .

يازمش اولديغى كلام قديمى اخير آفتو غرافله اخذ واستنداح اولنه رق
تسخه لوى تكثير ايدلمىش ايدى .

(حافظ على پاشا)

محمود خان نانى دورى وزراسندن اولوب طريزون واليككندن
قيودان دريا اولمىش وروغما ايله بحر سياهه چيقمىش ايدى .
كندينى آماسيه ليدر .

(حافظ محمد آغا)

عيتاب اعيانندن حصيرجى زاده دينمكله مشهور بر ذات اولوب
شعر وانشاده مهارت تامه سى وار ايدى .
شويت آنكدر :

دهر سفايده غريب اولديغمه چوق آجيرم
خاطره كلديكى دم عالم بالاى وطن
آدم اسكندر وقت اولسه دخی غريته
جلوه ايلرينه كوكلنده مراياى وطن

(حالت افندى)

سلطان محمود خان نانى حضرتلرينك دور سلطنتى رجا لادن محمد سعيد
حالت افندى امنيت واعتماد شاهانه يه صوك درجه ده مظهر ورجال عصر ك

نائل اوله مدینی نفوذ و حیثیته نائل اولمش بر ذات اولوب اوائل حالده .
 قنار بکری کتابتده و بعض وزرا کتبخداقلارنده بولندقدن صکره
 بکلکجیلک کیمسه دارلغنه و پارس سفارتنه و رکاب هایون ریاستنه نائل
 اولمشدر . حضرت پادشاهک مشارالیهک رأی و تدبیرینه مراجعتله
 اکثر اولوجهله اراده بیورمسی کبی امنیت شاهانه بی سوء استعمال ایله
 تیه دلدلینک اعدامنه و موره عصیاننه سبب مستقل اولمس سلب امنیتی
 موجب اولغله قونیه یه تغریب و اووراده اعدام ایدلدی .
 مولوی طریقه نه مذسوب اولدیغندن سر مقطوعی قله قپوسی
 مولویخانه سنده در .

(حاتی)

عزیمی زاده مصطفی حاتی افندی صدوردن عزیمی افندینک اوغلی .
 اولوب شیخ الاسلام سعدالدین افندیدن اخذ علوم ایله صنف تدریسه
 داخل و مصر ، حلب ، شام قاضیالکرنده بولندقدن صکره یاوز مرحومک
 مظهر التفاتی اولمش ایدی .
 آثار معتبره می واردر .

(حامد افندی)

مشهور شیخ الاسلام جیوی زاده نک دامادی اولوب قونیه لیدر .
 ابوالسعود افندیدن صکره مسند مشیخته کچمش ۳ بحق سنه اول مقامی
 حسن اداره ایلمشدر .

(حامی پاشا)

اطبای عثمانیه دن و محرریندن اولوب مکتب طبیه عسکریه دن جیقوب
 میرلوالق رتبه سنه نائل اولمش و کوچک کوچک رساله لر یازمشدر .

(حسام‌الدین پاشا)

قبودان دریا جانم خواجه‌نك حفيدى اولوب ۱۱۸۲ ده قبودان پاشا اولمشدر .

دونما ايله آق دكزه كيدر كن كليوليدمه وفات ايلدى .

(حسام بك زاده على پاشا)

سلطان محمد رابع زماننده ايكي دفعه مسند قبودانيده بولنش مسيق‌الحدمه بروزيردر .

ونديك دونماسى بوغازى محاصره ايتديكي ائنه خط محاصره‌يى ياروب دونمايى ليلا طشيره اخراج ايلمش ايدى .

(حسام زاده عبدالرحمن افندى)

دور محمد رابعده ۱۰۶۵ تاريخنده مشيختى احراز ايتمش علمادن اولوب ۳۴ كون اول مقامده بولنش ايدى .

(حسي)

شعراى عثمانيه دن معما ده اشتهار ايتمش برذاتدر .

(حسن پاشا)

خادم حسن پاشادر .

اندرون هايوندن يتشمش و ۹۹۸ ده رتبه وزارتله مصر واليسى اولمش و مؤخرأ شيروان واليكيكه اقصاي شرقه كتمش ايدى .

اكرى سفر هايوننده پاي تخته قائم مقام اولوب يكي جامعك وضع اساسى كوني وفاتى وقوع بولمشدر .

(حسن پاشا)

بوكا يميشجي حسن پاشا ديرلر .

زالفى بالظه جيلر زمرد سندن ايكن دور مراد نالنده ايكي دفعه

یکچری آغانی ایتش و مؤخرأ رتبه وزارتله شروان والیلکنه نصب
اولنرق ۱۰۱۰ ده صدارته کچمشدر .

مجارستان سفرنده بطاقتی ویکچریلرله فساده اتحادی مظالمی
سببیه قتل اولمشدر .

اعدامنه ظرفای زمانه شویولده تاریخ دیمشدر :

حسنک عزلی حسن قلی دخی مستحسن

نوله قتل اولسه یمشجی احسن

(حسن پاشا)

اوخربایدی سلطان عثمان ثانی دورنده ۱۰۳۰ ده مسند صدارته
کچوب خوتین سفرنده بطاقتی سببیه کوزدن دوشمش و بالآ خره برقتنه
هائلهیه قربان اولمشدر .

(حسن پاشا)

سلطان احمد ثالث دورینک صدر اعظمیندن شرف مصافحه
نائل اولمش بر وزیردر . برچوق مهم مأموریتلرده وولایت والیاکلرنده
بولندقدن صکره ازمیدده زوجیه سی سلطان عالیشان ایله برابر اختیار
تقاعد ایله اقامت ایلمشدر .

(حسن پاشا)

بوکا جنازه حسن پاشا دیرلر .

سلیم ثالث دورینک مسبوق الخدمه وراستیدن اولوب برچوق
خدمات مهمده بولمش و مسند صدارتی دخی احراز ایلمشدر .

(حسن پاشا)

رؤسجقلی در . بوکا شریف حسن پاشا دخی دیرلر .

دور سلیم نالنده و دین و راخوم محافظی ایکن انهای سفرده
جزایرلی حسن پاشانک و فاتیه مسند صدارته کتورلمشدر .

انجق مأمول ایدیلان فائده مشاهده اولنه مدیغندن و هوای هوسه
کثرت اتباعندن نامی صدارتی اداره ایده میوب عاقبت الامر دشمنندن
استخلاصنی وعد ایتدیکی مواقعی آله مدیغندن شهنی ده جزایری ترتیب
اولنه رق سرمة طوعی در سعادته بالارسال هدایی در کاغنده دفن اولندی .

(حسن پاشا)

۱۰۳۵ ده قبودان دریا اولمش و قره دکزده حسن خدمتی کورلمش
بروزیردر . شرف صهریته دخی نائل اولمشدی .

(حسن پاشا)

مشاهیر غزاة کرامدن قنیزه محافظی نامیله شهرت شمار اولان
تریانکی حسن پاشادر .

سلطان احمد خان دوری رجالدن اولوب قنیزه بی دشمنندن
استخلاص و نتیجه قوماندانی ارشیدوق شاری کلیاً مغلوب ایتمکله
مظهر التفات پادشاهی اولمش ایدی .

(حسن پاشا)

ابن بارباروس خیرالاین غازی مشاهیر بحر یونندن اولوب طورغود
پاشانک دامادی و جزایر غرب والیسی ایدی .

(حسن پاشا [آبازه])

آبازه حسن پاشا نامیله معروفدر . ترکان ایل و یووده می ایکن
طریق شقاوته سلوک و ابشیر پاشا و سائر زوربا باشیلرله بالاشتراک
آناطولی بی افساد ایتمشدر .

آخر الامر حلبده مرتضی پاشا واسطه سیله جزاسی ویرلدی .

(حسین افندی)

شیخ الاسلام آخی زاده در .

دور مراد رابعه دفعه استانبول قاضی اولوب قطع مراتب
ایله ۱۰۴۳ ده شیخ الاسلام اولدیسه ده اوج سنه صکره ارباب نفاقك
غمز وسعايتله عزل اولندی .
آیاستفانوسده ساحل بحرده مدفوندر .

(حسین افندی)

دور ابراهیم ومحمد رابعه منجم باشیلقدہ بولنش وفندہ معلومات
لازمه بی اکتساب ایتمش بر ذات اولوب منزویانه استنبه ده امرار
حیات ایتمکده ایکن قتلہ قرار ویرلدیکنی طویدیغدن قرار ایتمک اوزره
ایکن بوغاز ایچنده اخذ وکرفت اولندی .

(حسین پاشا)

مصطفی خان اول دورنده ایکی دفعه مقام صدارته کچمش بر ذات
اولوب ارناود جنسنه منسوب ایدی .

(حسین پاشا عموجه زاده)

کوپریلی محمد پاشانک برادر زاده سی اولوب کوپریلیر فاملیاسنه
مخصوص مآثری جامع اولمغله ۱۱۰۹ ده صدارته نصب اولنش ایدی .
تام بش سنه بومقامده کمال عدل وحقانیت اوزره اجرای خدمتدن
صکره بالاستعفاء چقتلکنه چکلمش وبر سنه صکره وفات ایلمشدر .

(حسین پاشا [])

دوات علیده ده اوج دفعه قبودان دریا اولمش ومحمد رابع دورنده

[] دلی حسین پاشادر .

کرید محاربانه پک بیوک خدمتی کورلمش اولان ذات اولوب
صدارت دخی توجیه اولندیسه ده مهر واصل اولمقسزین تکرار عزل
ایدلمش ایدی .

قوت بازو و جلادت و شجاعتله دخی معروف ایدی .
کوبرینی محمد پاشانک اصلاحاته قربان اولمشدر .
(حسین پاشا)

مزو مورتو دیولر .
مشاهیر بحریوندن اولوب مصطفی خان ثانی دورنده قبودان دریا
اولمشدر .

ساقزک استخلاصی و آق دکزده و ندیکیلیری مغلوب ایتیمی جهتیله
مظهر عاطفت خسروانی اولمش ایدی .
ساقزده مدفوندر .

ایتالیانجه نیم مرده معناسنه اولان مزو مورتو لقبی صاحب
ترجه نك و ندیک محاربانه برنده دکزه دوشمسی و نیم مرده حالنده
چیقارلمسی سبیلله اعطا اولمش ایدی .
(حسین پاشا)

سایم ثالث دورینک اک متنفذ و مشاهیر بحریونندن اولوب برخیلی
مدت قبودان پاشالق ایتیمش واسما سلطانک تزوجیله دخی شرف مصاهرته
مائول اولمش ایدی . کوچک حسین پاشا نامیله متعارفدر .
وفاتی ۱۲۱۸ تاریخنده در .

ایوبده مدفوندر .

(حشمت)

شعراى عثمانیه دن هزل و هجو و مائل بر ذات اولوب قوجه راغب
پاشایه معاصر ایدی .

راغب پاشا ایله ملاطفه سی السنه نامده داتردر .

ودوسده مراد رئیس تربیه سنده مدفوندر .

(حلیمکرای)

قریم خانلرندن اولوب حاجی سلیم کرای زاده سمادت کرایک
اوغلیدر .

ایکی سنه قدر دور عثمان نالیده خانلق ایتمش واختیارانی وعجزی
سببیه مؤخرأ عزل اولمشدر .

(حلیمی چلبی)

یاوز سلطان سایمک شهزاده لیکارنده خواجه سی اولوب علم و فضل
ایله فرید زمانه ایدی .

هنکام سلطنتلرنده پادشاه مشار الیه صاحب ترجمه بی یانلرندن
آرماز وصحب والفتلرندن مستفید و متلذذ اولورلر ایدی .
شویت صاحب ترجمه نکدر :

ایمه کیرمش ایدی لطف ایله اول ذلف دونا
صانکه دستمده ایدی علاکت چین و خطا

(حمدالله)

مشاهیر خطاطین عثمانیه دن اولوب امامیه لی شیخ مصطفی افندی
زاده اولممله شیخ وابن الشیخ دینیکله دخی معروفدر .

حسن خط و فن سیاحت و تیر اندازلقده فوق العاده مهارتلی
اولوب بایزید خان نائیک حسن خط معلمی ایدی .

اسکداردن سرایه کیتمک لازمکله یوزه رک قارشویه کچر ایش .

۹۲۰ده ارتحال ایدرک اسکدارده قره جه احمد مزارلقنده مدفوندر .

(حمد الله)

مشاهیر اولیادن آق شمس الدین مرحومك اوغلی اولوب بایزید
ثانی دورنده یاشامش و ۹۱۴ تاریخده وفات ایتشدیر .

عالم و فضل و هنرله موصوف اولوب کوشه قناعتی اختیار ایتمش
و آثار ادبیه سنی صائق صورتیله کچنورمش .

یوسف ذلیحای قیافتنامه لیلی و مجنون مولد جسمانی مولد روحانی
نامنده بش عدد منظوم اثری واردیر .

یوسف ذلیحای بك سلیس اولوب ابن کمالك :


شعر موزون و نظم زیبایی

حمدینك یوسف ذلیحای

دیو تقریضی واردیر .

(حمدی پانا)

متأخرین وزرای عثمانیه دن اولوب صدارت مقابلی احراز ایتمش
وشام والیلککنده ۱۳۰۰ تاریخده وفات ایلمشدر .



حرف الخاء

(خورشید پاشا)

سلطان محمود دورینک صدر اعظم لرندن واول دورک پارلاق
رجالندن اولوب اوائل حالده تانار جنسندن برذاتک کوله سی ایکن
راسخ قندی به وکوچک حسین پاشا به انتساب ایتش و مشار الیهک
سوق و تعریفله اسکندریه محافظی اوایش ایدی .

فرانسزلرک مصر دن اخراجی اوزرینه رتبه وزارتله مصر والیهکی
صاحب ترجمه به توجیه قلندی سه ده بالآخره مذکور ولایت محمد علی
پاشا به وریله رک خورشید پاشا شرقه سردار تعیین قلندی .

۱۲۲۷ تاریخنده صاحب ترجمه صدارته کچوب ایکی بمحق سنه قدر
اول موقع عالیده بیلندقدن صکره موره سرعسکری نصب و تبه دلتلی
اوزرینه مأمور ایدلمشدر .

خورشید پاشانک بوسفرده دخی حسن خدمتی کوریلهرک علی پاشا
ماده سنی برطرف ایلدی سه ده پاشانک ازاله سی اوزرینه ظهور ایدن
موره غائله سنی تسویه هنکامنده ایکن ۱۱۳۸ تاریخنده حلول اجل
موعودیلله ارتحال ایتمشدر .

(خیالی)

دور سلیمان قانونینک اک پارلاق شعراسندن اولوب واردار
یکیکجه سندندر .

ابراهیم پاشا واسکندر چلبی به چاتمش واولوجهله بالواسطه صحبت
پادشاهی به دخی نائل اولمشدر .

مراتب دیوانی وارددر .

(خیالی)

سلیم قدیم حضرتلرینک مصاحب و دفتر داری اولان دکرلی بر
شاعر در .

لیلی و مجنون منظومه سی وارد در .

(خیر الدین پاشا)

عثمانلی بحریه سنک آب رویی اولان اکابر واعظم غنائدن اولوب
بارباروس نامیله مشهور آفاقدر .

۸۷۸ تاریخنده مدلولوده طوغمش و بیوک قرنداشی اوروج غازی
ایله برابر کیمجیلککه سلوک و بو صنعتده کسب مهارت ایلدکن صکره
آق دکرزه قورصانقله چیقوب جزایری اسپانیوللردن قورتارمشلرایدی .
بو ایکی قرداش جزایرده اولدقجه اهمیتلی بر حکومت اسلامیه
تشکیل ایدرک دونمالریله آق دکرزی تترتمش و دشمن کیملرینی لیمانلردن
خارجه چیقارتماقده بولنمشلردی بر آراق بابا اوروج وفات ایتمکله
حکومتک ریاستی خیر الدین پاشایه قالمشدر مشار الیه یاوز سلطان
سلیم خانه دخالت ایله جزایری ضمیمه ملک عثمانیه ایتدکده جزایر
والیدی نصب اولندی .

سلطان سلیمان قانونی صاحب ترجمه یی دعوت ایله قپودان دریا
نصب ایلمشدر اشته بوتاریخندن اعتباراً غازی مشارالیه عثمانلی بحریه
سنی برنجی درجه یه ایصال ایدوب اردولرک اوروپاک جکرکاهنده
جولان ایتدکری صرمدده دونمای عثمانی دخی هند دکرلرنده دولتک
اعلاى شانه چالمشدر .

خیر الدین پاشا اول وقتک یکانه دکر قورصانی اولان آمیرال
اندریا دوربانی پروزه اوکنده مغلوب و برچوق کیملرینی غرق ایدرک

بحر سفیدده دونمای عثمانی به رقیب اولان شارل کنک قولی قنادیخی
قرمش و بو جهتله آق دکز آطه لرینی وایتالیا و ونیدک ساحل لرینی
یا قوب بیقمشددر .

خیر الدین پاشانک اک بارلاق مظفریاتندن بریسیده شارل کنک
ید اسارتنده بولان فرانسه قرالی برنجی فرانسوای استخلاص ایچون
نیسه یی طوبه طوتوب قرال مشار الیهی مقامنه اقامه ایلمسی در .
حاصلی اون سنه قدر کمال سطوت و مکنته قیودانلق ایتدکن
صکره مات رئیس البحره تاریخنک دلالت ایتدیکی اوزره ۹۵۲
تاریخنده ارتحال ایدرک بشکطاش اسکله سنده کی تربته مخصوصه سنه دفن
اولنشددر .

(خیر الدین پاشا)

دولت علیه عثمانیهده برنجی دفعه قاضیه سکرک و صدراعظمای
ایتمش اولان علمای کرامدن چاندارلی قره خلیل افندی در .
(مسند صدارتی ایلك احراز ایدن علاء الدین پاشا وایکنجیسی .
سایمان پاشا اولوب بونلر خاندان جلیل الشان عثمانی به منسوب ایدی لر)
مشار الیه شیخ اده بالینک نسلندن اولوب اولاً بیله جک و مؤخرآ
بروسه قاضیلکنده بولنمش و صکره لر قاضیه سکرک مقامنه نصب اولنشددر .
قره خلیل افندی نک امور سیاسیهده کی مهارتی علوم و فنونده اولان
قدرتندن دون اولمدینی جهتله سایمان پاشای غازی دن صکره مشار الیه
خیر الدین پاشا نامیله صدر اعظم تعیین قلندی (۷۷۰) .
۱۸ سنه قدر بو مقامده بولنه رق دولته پک مهم خدمات ابراز
ایتدکن صکره ۷۸۸ تاریخده یکیشهرک قتیجی ایچون اردوی هایون
ایله برابر کیدرکن واردار یکیکجه سنده وفات ایلدی .

(خیر الدین پاشا)

چرکسی الاصل اولدینی حالدہ تونسده بیومش و امارتک رئیس
 مدیرانی مقامی احراز ایلمش اولان وزرادن اولوب عصر اخیرده
 درسعادته جلب بیوریلهرق صدارته کچمشد .
 لسان آشنا امور سیاسیهده صاحب یدطولا فقرارور بر وزیر
 ایدی .

۳۰۷ تاریخنده درسعادته ارتحال ایدی .

(خضر بک)

دور فاتحه یتشمش اعظم علمادن اولوب استانبولک فتحنده
 برنجی دفعه اولهرق قاضی نصب اولنمش ایدی .
 غایت فاضل وزاهد بر ذات اولوب علوم متداوله و غیر متداولهده
 یدطولاسی وار ایش .
 فاتح مرحومک حسن توجه والتفاتنه مظهر اولمی علم و فضلی
 و درجه اهلیتی سبیلہ ایدی .
 فضلالی عربدن کلوبده جمله علمای رومی خط ایش اولان
 یوزاتی صاحب ترجمه اسکات والزام ایش ایدی .

(خطی)

سلطان محمود اول دوری رجالندن موقوفاتی مصطفی اقدینک
 مخلصی در .
 آستریابه ایکی دفعه سفارتی و مکالمه دولیهیه مأموریتی و رئیس
 الکتاب و بکلکجیلکی و نشانجیلانی واردر .
 ایکنجی دفعه ماریه ترمزایه بر طاقم هدایای کرانهایی ایصال
 ایچون و بانه سفارتی بک دبدهلی صورتده ایدی .

(خطیب زاده)

فاتح دوری علمای بنامندن اولوب اسمی محی الدین محمد دره
علم وفضلی وار ایسه ده تند مشرب حسود اقبال ایدی .

(خلیل افندی)

سلیم ثالث مرحومك برادر رضاعیسی اولوب محمد اول عصرنده
مشيخته كچمش ویکرمی آی صکره قره حصاره کوندرلمشدر .

(خلیل زاده سعید افندی)

سلطان محمود اول دورينك شيخ الاسلاملرندن اولوب عینی
تاریخی ترجمه به ترجمه ایتمش ایدی .

(خلیل پاشا)

قیصریه لیدر .

سلطان احمد و عثمان و مصطفی و فاتح بغداد حضراتی زمانلرنده
درت دفعه قبودان وایکی دفعه صدراعظمق منصبلرنده بولتمش وایران
و آباره پاشا سفرلرنده خدماتی کورلمش وزرای سلطنت سنیهدن درویش
نهاد وپاك اعتقاد بر ذات ایدی .

هدای منسبلرندن اولغله آجیق تر به جوارنده مدفوندر .

(خلیل حمید پاشا)

عبد الحمید خان اول دورنده منصب صدارتی احراز ایتمش وزرادن
اولوب کرجی الاصلدر . صدر اعظم سلحدار محمد پاشانك منظوری
اولغله مشارالیهك سوق و دلالتیه آز مدت ظرفنده دیوان قلمنده عادی
برکاتب ایکن خواجگانلق بیوک نذکره جیلک صدر اعظم کتخدانی کبی
مساند علیه به ارتقا ایلمش ایدی .

۱۱۹۷ صدارته کچوب سفاهت و خودینلك و رجال عصری دلگیر

ایتمک مسلکته سالک اولمغه ۱۱۹۹ ده بعد العزل بوزجه آطه ده دیار
عدمه ارسال قلندی .

(خسرو)

ملا خسرو ماده سنه مراجعت اولنه .

(خسرو پاشا)

قانونی وزرا سندن بوسنه ده مدت مدیده والیلك ایتمش و محارستان
غوغالرنده یرازلنی کورلمشدر .

(خسرو پاشا)

۱۰۳۷ ده صدارته کچمش و آباره پاشانی مجبور امان ایتدکن صکره
ایران محارباتنده بولنش و آنجق بغداده و قتیله کیتامسی نقصانی همته
حمل اولنهرق توقادده جزاسی ترتیب اولنش ایدی .
خونی و غدار بر وزیر ایدی .

(خسرو محمد پاشا)

عبدالحمید خان اول حاضر تلرینک کوله لرندن اولوب ۱۲۰۶ ده
سرای هایوندن چیقمش و برمدت کوچک حسین پاشا معیتنده
بولندقدن صکره مصره کیدوب اسکندریه محافظی اولوب بده والیلك
فرمانی استحصال ایلمشدر .

آنجق اول انزاده کوله منلرله او یوشه مدینی کبی محمد علی ایله دخی
آراسی آچیلدیغندن محافظه موقع ایدم مامکله در سعادت کلمشدر .

برجوق ولایتلرده والیلكی ایکیشر دفعه قبودانانی و سرعسکرلکی
و عبدالمجید خان حاضر تلرینک بدایت جلوسنده صدارتی واردر .
طقسان یاشنده ارتحال ایدرک ایوبده تربه مخصوصه سنده موفوندر .

دائرة سی غایت متظلم و عادتاً بر مکتب طرزنده اولوب آدمیتشدرمکی
سورایدی .

بوجهتله آزادلولری میاننده رتب عالییه نائل اولمش پک چوق
ذوات وارددر .

(خواجه پاشا)


درسعادته اسمنه منسوب جامع ومحلتهك صاحبی اولوب اصله
اسمی او یس در . ۹۹۹ ده ارتحال ایلدی .

(خواجه زاده)

ابوالفتح سلطان محمد خانك دورنده کاله یتشمش اعظم علمادن
اولوب صیت شهرتی حسین باقرانك دخی جالب نظر دقتی اولمش ایدی
اوائل حالی فقر و ضرورت ایچنده کچوب کتاب اشتراسنه دخی قدرتی
اولمديغندن او قویهجنی کتابلری استنساخ ایدر ایمش .
بر آراق فاتحك منظوری اولمغله معلم سلطانی تعیین قلنمش و آثارندن
اولان (التهافت) نام کتابی مشارالیهك امریله یازمشددر .

(خیره بای)

یاخود خیری بك امرای چراکسه مصریه دن حلب امیرالامراسی
ایدی . یاوز سلطان سلیمك مصری فتحندن صکره عودت هایونده
مصره والی نصب اولنمش و وفاتنه قدر کمال عفت و صداقتله ایفای خدمت
ایلمشدی .



حرف الدال

(دارنده لی محمد پاشا)

دور عبدالحمید خان اولده مقام صدارته کچن ذواتدن اولوب
دارنده ده جبهه جی زاده لر دبه مشهور اولان خاندانه منسوبدر .

برسنه سکیز آی اوچ کون بومقامده بولنمش ۱۱۹۲ده عزل ایدلمشدر .

(دال طبان مصطفی پاشا)

سلطان مصطفی خان ثانی دورینک صدر اعظم لرندن اولوب ۱۱۱۴
تاریخنده مقام صدارته کچمش ودرت آی سرورنده دیار عدمه کوندرلمشدر .
کندیسی عن اصل مناسرتلی اولوب قره ابراهیم پاشانک ایچ مهترلکندن
جیقمش جاهل ایدی .

(داود پاشا)

سلطان بایزید خان ثانینک ایکنجی صدر اعظمی اولوب ۸۸۸ دن ۹۰۴
تاریخنه قدر بومقامی محافظه ایتمش اشقودره وقرمان جهترلنده کی
محارباتده حسن خدمتی کورلمش ایدی .

اواخر عمرنده متقاعداً مستوفی خاصلرله دیمتوقهده اختیار اقامت
ایلدیکی حالد ارتحال ایدرک جنازه سی استانبوله نقل ایله انشا کرده سی
اولان جاممک محرابی اوکنده کی تربه مخصوصیه دفن اولنمشدر .

تروقی فوق المعاده اولوب متروکانندن قاضیه سکره رسم قسمت اولوق
وزره صلحاً بشیوک آچقه ویرلمش ایدی .

ینه بودورده ۹۰۲۱ تاریخنه قدر قبودان پاشالوق ایدن داود پاشا

حشقودره .

(داود پاشا)

برنجی سلطان مصطفی دورنده قبودان و آلتی کون قدرده صدارتده
بولان و ظلم و غدرله اشتهار ایتش دنی الطبع برشخص ایدی .

(داود پاشا)

سلطان محمود ثانی عصرنده بغداد والیسی ایکن طریق ترمده
سلوک ایله دولته قارشو عسکر چکمک کبی جنتلرده بولنش و علی رضا
پاشانک بغداده والی تعینتدن صکره مشارالیه طرفدن محفوظاً رسعادتده
ارسال قلنمش ایدی .

مؤخرأ شیخ الحرم نبوی اوله رق اوراده ارتحال ایدی .
اشبوزات بغدادده برمدت مدیده امتداد ایدن کوله من زمره سنک
نهایتی ایدی .

(داود قیصری)

علمای رومدن دور اورخان غازیده دولت عثمانیه ده برنجی دفعه
بنا اولنش اولان ازنیق مدرسه سنک مدرسی ایدی .

(دباغ زاده محمد افندی)

سلطان محمد خان رابع دورینک صوکلرنده ۱۱۹۸ ده مقام فتوایه
کچوب سایمان ثانی عهدنده دخی اول مقامده بولنش اولان علمادن
بر ذات اولوب دباغ شیخ محمودک اوغایدر .

ایکی بحق سنه قدر مشیختی اداره ایتش ایدی سلطان سلیمده
برمدرسه سی واردر .

(درویش پاشا)

بواسمده دولت عثمانیه ده مسند صدارته کچمش درت ذات واردر .

برنجیسی ۱۰۱۵ تاریخنده احمد خان اول عهدنده یدی آی قدر
یومقامده بولنش ومؤخرأ ارسال سمت عدم قلنمشدر .

بوستانچی باشلیق وقیودانلقدن یتشمه در .

اسمی درویش ایسه ده احوالی دلریش قلیل الخیر کثیرالظلم والشر

ایدی .

ایکنجیسی ۱۰۶۳ ده آوجی سلطان محمد دورنده طرخونچی باشای
مشهوره خلف اولان آبازه جنسندن اولوب غایت زنکین وذوق وصفاسنه
عجبور جمع اموال ایله مشتهر ایدی .

ایکی سنه صدارتدن صکره منزولاً ارتحال ایلدی .

اوچنجیسی عبدالحمید خان دورنده مدت مدیده دفتردارلق
وصدارت کتخذالغندن مقام صدارته واصل اولمش وبرحق سنه یی
متجاوز مسند صدارتده بولنشدر .

دردنجیسی سلطان محمود ثانی دورنده ۱۲۳۳ : ۱۲۳۵ تاریخلرنده
صدر اعظم نصب اولنشدر .

برچوق ولایتلرده والیایک ایتدکن صکره صولک زمانلرنده شیخ الحرم
تعیین بیوریلهرق ینبوعده ارتحال دار بقا ایلمشدر .

(دری محمد افندی)

کوکب دری لقبی عنوان فضیلتنه دال اولان مشارالیه ۱۱۴۷
تاریخنده مقام مشیخت اسلامیه یه رونق افزا اولدقن صکره برحق
ییل قدر کمال عفت واستقامت ایله اول مقامی اداره ایتمش وشیشوخته
یناء عزل اولوب اسکدارده کی خانه سنده ارتحال ایلمشدر .

مرقدی قره جه احمد سلطان منرارلغنده در .

(دری)

متاخرین شعرای عثمانیه دن مقتدر برشاعر اولوب ایرانه کیتمش
ایدی .

برکوزی علیل اولمغله بیان حقیقت ضمنده شویتقی سویلشمدر :
خاکایک کحلی ایچون بو ایکی چشم سفید
بربریه جنک ایدوب آخر بری اولدی شهید

(دری زاده)

سائف الترجه دری افندینک احفادندن مقام مشیخته کچن مصطفی
وعطاءالله و محمد عارف افندیلردر .

مصطفی افندی ۱۱۶۹ و ۱۱۷۵ و ۱۱۸۷ تاریخلرنده اوچ دفعه
وعطاءالله افندی ۱۱۹۷ ده و محمد عارف افندی ۱۱۹۹ و ۱۲۰۶
تاریخلرنده ایکی دفعه مسند فتوایی احراز ایلشمدر .

(دلاور آغا زاده عمر افندی)

راغب پاشانک صدارتنده رئیس الکتاب اولوب مشارالیهک قلم
رفقاسندن ایدی .

نائبک حدیقه الوزراسنه ذیلی واردر .

(دلاور پاشا)

عثمان خان ثانیک اواخر ایامنده صدارتده بولمیش و وقعه هائلده
ید اهل شقاده رتبه شهادته نائل اولمیش بر ذاندر .
عن اصل خروات ایدی .

(دلی برادر)

شاعر غزالینک لقی در .

(ذلی عبدالله پاشا)

عبدالله پاشا ماده سنه مراجعت اولنه .

(دواتدار محمد پاشا)

۱۱۶۲ تاریخنده مسند صدارته کچمش وزرادن اولوب صدراعظم داماد ابراهیم پاشانک دواتداری ومنظور نظری و داماد محمد پاشانکده دامادی ایدی .

محمد اولک جلوسنده نظردن دوشمش ایسه ده بالا خرمه مأموریتلرده ولایت والیکلرند دخی بولنش ومصره والیک ایله کیردیکی کون ارتحال ایلمشدر .
علم وفضلی وار ایدی .

(دوزمه . مصطفی)

یاخود دوزمه جه مصطفی ییلدیرم بایزید خانک آقره محاربه سی کونی غائب اولان اوغلی اولوق ادعاسیله مراد ثانی مرحومک سلطنتلرنده خروج وامرا ووزرادن برخیلی ذوات دخی جلب ایدرک دولته باشنه بیوک برغانله آچمش اولان بر شخص اولوب اولوباد محاربه سنده میخال زاده نک ایشکدار لغیله جمعیتی طاغیدلشدر .

بوشخصک صحت وعدم صحت ادعاسی - قنده تاریخلر مزده برچوق روایات واردر .

(دوقکین اوغلی محمد پاشا)

سلطان سایم قدیم مرحومک وزیر و دامادی اولوب عهد سلطنتلرنده پک بیوک خدمتی کورلمشدر .

دوقکین برنسلرندن برینک اوغلی ایدی .

(دوقکین زاده احمد بك)

متصوفین شعرادن بر ذات ایدی .

(دوقکین زاده عثمان اقتدی)

دوقکین زاده محمد باشانك اوغلی علمادن بر ذات ایدی .

۱۰۰۹ ده استانبول قاضیسی اولمش وازهارالجمال نامیله استانبول قاضیلرینك تراجم احوالی یازمشد .

(دولتکرای)

قریم خانلرندن دوت ذاتك اسمی در .

برنجیسی یاوزمرحوم دورنده ایکنجیسی ۱۱۱۰ و ۱۱۲۰ تاریخلرنده ایکی دفعه اوچنجیسی ۱۱۲۷ ده دردنجیسی ۱۱۸۳ و ۹۰ ده ایکی دفعه خانلق مقامنه کچمشلر ایدی .

اوچنجیسنه قره دولتکرای خان دخی دیرلر .



حرف الذال

(ذاتی)

بالیکسری برشاعر اولوب عن اصل چزمه جی ایدی .
 بایزید ثانی دورنده اکابر زمانه یه قصائد تقدیمیه کچنور ایدی .
 بر آراق بایزید جامعی حولیسندنه رماللق دخی ایدرك کسب
 معیشت ایدرمش .

۹۵۳ ده وفات ایتشدور .

(ذائقی)

متأخرین و مشایخ زمره سندن ایدی .

(ذکائی)

شعرا و مشایخیندن اولوب اسکدارلی ایدی .
 اسمی مصطفی در .



حرف الرء

(راتب افندی)

سلطان سليم ثالث دورنده ۱۲ سنه رئيس الكتاب اولان عثمان
راتب افندی شعرا وادبان ایدی .

(راتب احمد پاشا)

۱۱۵۶ تاریخنده قبودان پاشا ایتش اولان ذاتدر .
شعرادن اولمله مرتب دیوانچه سی دخی واردر .
مشهور طوپال عثمان پاشا ایتش اوغلی ایدی .

(رشید پاشا)

مصطفی رشید پاشا ماده سنه مراجعت اولته .

(رشید پاشا)

محمد رشید پاشا ماده سنه مراجعت اولته .

(رضا پاشا)

علی رضا پاشا ماده سنه مراجعت اولته .

(رضا پاشا)

محمود ثانی حضرتلری رجائیدن اولوب عبدالمجیدخان حضرتلری
ایام سلطنتلرنده دفعات ایله سرعسكر لکده بولنش وایام اخیرده دخی
مقامات عالییه بی احراز ایتشدر .

(رؤف پاشا)

سلطان محمود خان ثانی عصرینک اک پارلاق وزراسندن اولوب
آلتی دفعه مسند صدارت عظمایی احراز ایتش عقیف مستقیم ایتش
بیلور برذات ایدی .

(روحی بغدادی)

اوتنجی عصر هجری شعراسندن اولوب ترکیب بندی امثالسنزدر .
سیاحته میلی جهتیه برچوق یرلر طولاشمش ودرسعادته دخی
کمشدر .

وفاتی ۱۰۱۴ .

مفتی علی جلینک اوغلی دخی شعرادن روحی چلبی در .

(ریاضی)

اوتنجی عصر شعرا و علماسندن علوم عقلیه و نقلیه و حکمت
وریاضیاتده فوق العاده ماهر بر ذات ایدی .
ابوالسعود اقدینک تلامیذندن ایدی .

(ریاضی)

قلبه قاضیسی ایکن ارتحال ایتمشدر .



حرف الزاء

(زاری)

سلطان بایزید دوری شاعرلرندن مشهور بر ذات اولوب اسکوبلی در .

(زاری)

توقاتی برشاعر اولوب شهزاده سلطان مصطفانک آماسیه ده
ایکن کاتبی ایدی .

(زکریا افندی)

یرام زاده زکریا افندی مصرده اکمال تحصیل ایله درسعادته

كلهرك متعدد محالرده قاضيلكده بولمىش و بومده صرهميله قاضيه سكرلك
مقامنه دخى كچوب ۱۰۰۰ تاريخنده مقام مشيخت اسلاميه يه كچمشد.

ادبيات عربيده و فون اسلاميهده يدطولاسى وار ايدى .

سلطان سليم جوارنده مدرسه و تربيه سى واردر .

(زمانى)

ادر نهلى ايكي شاعر عثمانيدر :

برنجيسى ياوز سلطان سايم خانك اواخر سلطنتنده ارتحال ايتمشد .

ايكنجيسى شهرزاده مصطفىا بك خدمتده ايدى .

(زينب)

عثمانلى شاعرانندن ابو الفتح عصرنده بولمىش اولان بر خاتون

اولوب شاعره مهرى ايله همعصر ايدى .

(زينتى)

اونجى عصر شعرا سندن سيروزلى برذات اولوب (فوت زينتى)

تاريخنك دلالتى وجهله ۹۶۰ ده ارتحال ايتمشد .

(زينل پاشا)

ياوز دورى وزرا وشعرا سندن .

(زينى چلبى)

كاتب زاده لقبيله متلقبدر .

باباسى صدر اعظم محمد پاشانك سر كاتبي ايدى .

اوز تيمور اوغلى عثمان پاشايه دخى انتساب ايله مشار اليه

فتحنامه لر سويلمشد .

حرف السین

(ساعتی)

اوتجی عصر هجری شعرا سندن طلیق اللسان مؤثر الکلام بر ذات
ایدی .

اشعاری هزلیاته منحصر کیدر .

(ساعی)

خطاط وشاعر ومعرفتشناس بر ذات اولوب اولّا حکاکلق وبعده
مطبعه جیلقدده بولنش و بر آراق مصره دخی کیدوب اوراده مطبعه
مصریه به مدیر تعیین قلنمش ایدی .

تعلیق یازیلرک قالبی ایلك دفعه اصاغه وحك ایتش ایدی .

بونامده شعرای عثمانیه دن ایکی ذات دها واردر .

(ساعری)

ادرنه لی قزاز زاده دیمکله مشهر بر شاعر ایدی .

سلطان فاتحدن قانونی دورینه قدر معمر اولمش وعیش وعشرته

وساز وسوزه محبوب اولدینی حالد صکرملری ترک منہیات ایلمش
ایدی .

(سالم)

عثمانی شاعر لرندن بواسمده بر قاج ذات کلشدر .

برنجیسی سلطان محمود اول دورنده هندستانه سفارته کیتمش

ویولده وفات ایلمشدر .

ایکنجیسی شیخ الاسلام میرزا زاده نک اوغلیدر .

(سامی)

استادان شعرای عثمانیه دن آریه امینی دیمکله شهرت شعاردر .

بر آراق و قعه نویس دخی اولمش ایدی .
 ۱۱۴۶ ده وفات ایتمشدر .

(سامی پاشا)

وزرای سلطنت سنیهدن ۱۱۹۸ ده رتبه وزارتله سلستریه والی
 و سلیم ثالث دورنده صدارت قائممقامی اولان ابوبکر سامی پاشادر .
 اغریبوزلی اولوب عثمان پاشا زاده در .

(سامی پاشا)

عبدالرحمن سامی پاشا متأخرین وزرای عثمانیه دن و اعظم ادبای
 زمانه دن بر ذات اولوب مورده نك طریقچه قصبه سنده طوغوب مصرده
 تربیه و تعلیم کورمش و بر آراق ابراهیم و محمد علی پاشا لرك خدمت
 کتابت لرنده بولنمشدر .

بعده مصرده بعض خدماتده بولندقدن صکره درسعادته جلب
 و بر چوق ولایات و الیکلر ننده و مجالس عالیه اعضا لگنده معارف نظارت ننده
 بولنه رق ایام اخیره سنده منزویانه عمر کچور مکده ایکن ۱۲۹۵ تاریخنده
 ارتحال دار بقا ایلنمشدر .

علوم شرقیه و فنون ادبییه بحقی واقف اولوب رموز الحکم
 نامنده معتبر بر اثری واردر .

(سائی)

شعرای عثمانیه دن بر ذات اولوب یکیشهر فنار قصبه سنده تولد
 ایتمشدر .

(سجایی)

یاوز مرحومك اواخر ایامنده وفات ایتمش شعرا دندر .

عینمه آلام بتون دنیایی یارم اولماسه
شهری چوقدن ترك ایدردم دلشکارم اولماسه

ییتی جمله شعریه سندندر .

یکتای سعادت مترجمی همدانلی سحابی بشقه در .

(سحری)

ابن کمال مرحومك ادرنه قاضیلکی هنکامنده محکمه کتابتنده بولنمش
سخنوران زمانه دن برشاعر ایدی .

(سروری)

مصطفی سروری دور قانونی شعرا سندن اولوب کلیبولیده دنیایه
کلمش وتکمیل نسخ ایتدکدن صکره در سعاده کلهرك شهزاده مصطفایه
معلم نصب اولنمش ایدی .

بوکا سروری قدیم دخی دیرلر .

اواخر عمری فقر و ضرورت ایله کچمه شدی .

(سروری)

عثمان سروری آطنه لی اولوب شعرک تاریخچیلک وهزلیات قسمنده
تقرد ایتمش ایدی .

زمانی شعرا سنه وهله کتخداسی اولدینی وهی ایله کافی وکالایی ایله
مشاعره وهجویه لری مشهوردر .

(سروری پاشا)

متأخرین وزرادن اولوب اوائل حالنده طریق علمیه منسوبینندن
ایکن والیدکله ولایات شاهانه ک برچو غنده استخدام اولندقدن صکره
۳۰۵ تاریخنده رتبه وزارتق احراز و ۳۰۸ ده ارتحال ایلدی .

(سری)

شعراى عثمانیه دن ایکی ذات اولوب برنجیسی واردار یکیجه لی
ایکنجیسی طربزونلیدر .

(سری سلیم پاشا)

تیه دئللی زاده لردن ولی پاشانک اوغلی اولوب اوائل حالده متصرفلق
مسلملک کی خدمت لرده بولندقدن صکره وزارتله بلغراد محافظی ایکن
اوراده ارتحال ایلمشدز .

(سری پاشا)

حلبلی عثمان پاشا زاده اولوب یمن والیسی و آناتولی اردوی
هایوننه مأمور اولمش اییدی .
شعره دخی مراقی وار ایمش .

(سری خانم)

شاعره زمانه دن یقینه وفات ایدن دیار بکرلی برقادیندر .

(سنزائی)

طریق کلشنیه مشایخ عظامندن شیخ حسن افندی مورولی اولدینی
حالده ادرنده کماله ایرمش وعلی افندیدن اخذ انابت ایلمشدز .
ادرنده مدفوندر .

(سعادتکرای)

قریم خانلردن منکلی خانک اوغلی اولوب ۹۳۰ تاریخنده مقام
خانیه قعود ایتمشدز .
جوار حضرت حالده مدفوندر .

(سعادتکرای)

۱۱۰۲ تاریخنده خانلق مقامنه کچمش اولان قریم کرایک اوغلیدر .
ردوسده وفات ایتمشدز .

(سعادتکرای)

۱۱۲۹ ده خانلغه کچمش اولان ذات اولوب حاجی سایم کرایک
اوغلیدر .

صید وشکاره مراقلی کرم و سیخایله معروف ایدی .

(سعدالدین افندی)

علما و مورخین مشهوردن خواجه سعدالدین افندی یاوزسلطان
سلیمک ندیم خاصی اولان حسن جان افندینک نجل نجیبی اولوب ۹۴۳
تاریخنده درعلیهده طوغمش و ابوالسعود افندینک درسنه دوامله اخذ
اجازتدن صکره داخل طریق اوله رق صره سیله قطع مراتب ایله مراد
ثالث مرحومه خواجه تعیین بیورلمش و محمد خان ثالث دخی مشارالمهی
منظور نظر التفات ایلمشدی .

اگری سفرهایوننده بولنوب اسباب غلبه و ظفیری تأمین ایلدکاری
جهتله برقاندها وقع و حیثیتی آرتماغله ۱۰۰۶ تاریخنده مقام قتوای دخی
بالاحراز جامع الریاستین عنوانیله مبعجل اولدیلر .
۱۰۰۸ سنهسی تجدید وضوء ائناسنده فجاة ارتحال دار بقا
ایتمشلدردر .

تاریخ عینی ترکیهیه ترجمه ایتمش وایکی بیوک جلددن مرکب اولان
تاج التواریخی یازمشلدردر .

(سعدالدین افندی)

عبدالجید خانک اواخر سلطنتلرنده مسند مشیخت اسلامیهده
بولنش اولان محمد سعدالدین افندی خواجه سعدالدین مرحومک احفاد
دندندر ۱۲۱۳ ده در سعادته تولد و آنا تولید اولدقجه مهم مأموریتلرده
بولندقدن صکره ۱۲۷۵ ده مسند مشیخته نائل اولدی .

بش سنه مقام فتوایی کمال تمکین واستقامت ایله اداره ایتدکدن صکره
۱۲۸۳ ده ارتحال ایلدی .

(سعدالدین افندی زاده)

خواجه زاده محمد چلبی مرحوم سعدالدین افندینک مخدومی
اولوب محمد ثالث واحمد خان و لك عهد هایونلرنده ایکی دفعه شیخ الاسلام
اولمشد. ۱۰۲۴ ده مطعوناً ارتحال ایلدی .

(سعدالدین افندی زاده)

اسعد افندی خواجه مرحومك ایکنجی اوغلی اولوب ۱۰۲۴ ده
برادری یرینه و ۱۰۳۲ ده ایکی دفعه مقام فتوایی احراز ایلدی .
سلطان عثمان مرحوم صاحب ترجمه نك کریمه لری عقیده خانی
داخل دائره زوجیت ایتمکله شرف و حیثیتی ازدیاد بولمشد .

(سعدالله سعدی افندی)

۹۴۰ : ۹۴۵ تاریخنده مقام فتواده بش سنه بولتمش اولان علمدان
مشهور برذات ایدی .

تفسیر بیضاوی به حاشیه سی واردر .

(سعید بك)

حضر آغا زاده در .

سلطان محمود خان ثانی دورنده اندروندن یتشمش مقتدر برشاعر
اولوب دیوانچه سی واردر .

(سعید پاشا)

یکرمی سکز چلبی نامیله معروف اولان خواجکاندن محمد افندینک
اوغلی اولوب پدریله پارسه کیتدیکی جهته اوراده کورمش اولدیفی ترقیات
صنعت و عرفانی عودتنده مملکتتمزه دخی تطبیق ایله اوغراشمش ازجمله

صنعت طباعتك ایجاد و اختراعنه و خطوط عثمانی تطبعنه خدمت ایلمشدر
 ۱۱۶۹ تاریخنده صدر اعظم نصب اولوب بش بحق آی صکره عزل ایله
 مرعشده وفات ایلمشدر .

(سعید پاشا)

مصر والیسی محمدعلینک اوغلی ۱۲۷۱ تاریخنده عباس پاشادن صکره
 مصره والی اولمش ۸۰ ده وفات ایتشدر .

(سعید پاشا)

دور محمود خان ناییده ایکی سنده دن زیاده سرعسکرلک ایتش
 وزرانددر .

(سلیم خان اول)

یاوز سلطان سلیم مرحوم دولت علیه عثمانیه نك طقوزنجی پادشاهی
 اولوب ۸۷۴ تاریخنده تولد ۹۱۸ ده تحت عالی بخت سلطنته جلوس
 بیورمش ۹۲۶ ده تارك عالم فانی اوله رق ۸ سنده ۹ آی سلطنت
 سورمشدر . بومدت قلیله ظرفنده عقلتله خیرت ویره جك مرتبه ده
 توسیع ممالك ایله آسیا جهتنده شاه صفوی حکومتنی و ذوالقدریه دولتی
 و چراکسه بی اورته دن قالدیروب کردستان و قفقازیا اقوامنی دخی داخل
 دائره اطاعت ایتش و خلافت معظمه عثمانیه بی دوش استحقاقلرینه آلوب
 حرمین محترمین اهالیسنه ایکوز بیک آلتون صره کوندروب بهر سنده
 مصر اموالندن وظائف عظیمه باغلامشدر .

مشارالیه جهانگیراندن اولوب اتحاد اسلام کی بر فکر عالی به تبعیت
 ایدرک اوروپا فتوحاتی وقت آخره تعلیق ایتش و عمری وفایتسه ایدی
 آسیای وسطا ده جسیم بر اسلام دولتی وجوده کتوره جکی شبهه دن
 وارسته در .

(سلیم ثانی)

آنف الترجه یاوز م، حومك تورونی وقانونی سلطان سلیمانك اوغلی در
اونبرنجی شهر یاز جلیل الانار اولوب ۹۳۰ ده تولد ۹۷۴ ده جلوس
۹۸۲ ده ارتحال ایتشلردی .

زمانلری بر سکونت دائمده و بناء عالیه سطوت موروثه لری سایه سنده
پارلاق صورتده کچمشار وقبریس جزیره سی آلتمشدر .

❦ سلیم ثالث ❦

یکرمی سکیزنجی پادشاه عثمانی اولوب ولادت ۱۱۷۵ جلوسی
۱۲۰۳ ارتحاللری ۱۲۲۳ سنه سیدر .

یدرلری سلطان مصطفی ثالث حضر تارینک تر به سنده مدفوندر .
شعر و موسیقی به مراقلی اولوب الهامی تخص ایدرلردی .
ترقیات زمانیه بحق واقف اولدقلرندن بری بحری عسکرک
تنسیق مکتبلر کشادی سفاین حربیه انشاسی کبی اساس ترقیه خدمت
و مباشرت بیورمشلردی .

❦ سلیمان خان قانونی ❦

دولت علیه عثمانیه نك اوننجی پادشاهی و یاوز سلطان سلیمك یكانه
مخدومی اولوب ۹۰۰ سنه سی تولد ۹۲۶ سنه سی جلوس ۹۷۴ ده
ارتحال ایدرک قرق سکیز سنه قدر مقام حکمرانیده بولنمشلردر .

قرق سکیز سنه دوام ایتش اولان ایام خلافتلری مجارستان
سفرلری و ایران محاربائی، آق دکز غوغالری بارباروسلرک، صوقولیلرک
مساعی حمیت مندانلری ثمر سیله بختیارانه و غالبانه کذران ایتکله سلطان
سلیمان قانونی حضر تلری پک پارلاق صورتده سلطنت سورمشلردر .

سایمان ثانی

سلطان ابراهیمک ایکنجی اوغلی وسلاطین عثمانیه نك یکر منجیسیدر .
ولادتق ۱۰۵۲ جلوسی ۱۰۹۹ ارتحالی ۱۱۰۳ تاریخنده در .
علوم وفنونه مراقلی مطالعه کتبی هر شیئه ترجیح بیوررلر ایدی .

(سلیمان بك)

بیایدیرم بایزیدخانك اك بیوك اوغلی اولوب سكرزسنه قدر حكومت
ایتمش ایسهده سلاطیندن معدود دكلدر .

(سلیمان پاشا)

سلطان اورخانك اوغلی ودولتك ایکنجی صدر اعظمیدر .
روم ایلییه ابتدا کچوب فتوحاته موفق اولهرق کلیبولیده وفات
ایلدی .

سلیمان پاشا نامنده کلان مشاهیر وزرا شونلردر :
خادم سلیمان پاشا قانونی دورنده یتشمش ۹۴۷ده صدرته کچمشدر .
ملاطیهلی سلیمان پاشا ۱۰۶۵ده صدر اعظم اولمشدر .
بوسنهلی سلیمان پاشا ۱۰۹۷ده صدارته کچدی .
آبازه سلیمان پاشا ۱۱۲۴ده صدراعظم وقبودان اولمشدر .

(سلیمان چلبی)

مولد شریف صاحبی مشهور سلیمان افندیدر .
امیر سلیمان زماننده مظهر التفات اولمش ونظم ایتدیکی قصه
مولود شریف الیوم بینالاسلام متداول ومتدائر اولمشی خلوص قلبنه
دال بولنمشدر .

(سلیمان شاه)

سلیمان بن قیا آلب عثمانلی پادشاهلرینك جد اعلاسی اولان غازی
ارطغرلك پدرلریدر .

قلعه جعفر اوکنده نهر فراتده وفات ایتمهکله مرقدی الآن مزار
ترك دیو زیارتگاهدر .

(سلیم کرای)

قریم خانلرندن اوچ کشینک اسمی در :

برنجیسی ۱۰۸۱:۱۰۸۸ ایکنجیسی ۱۱۵۶ ده اوچنجیسی ۱۱۷۸
و ۱۱۸۴ و ۱۱۹۱ ده اوچ دفعه خان نصب اولمشدر .

(سلیم محمد پاشا)

بندرلی جری وجسور تهدیدینی ایقاعه قادر بر ذات اولوب
یکچیریلرک الغاسی اثناسنده صدارته کتورلمش وحسن خدمتی دخی
کورلمشدی .

(سنان آغا)

مشهور معمار سناندر .

عالملری خیران ایدن سلیمانیه جامعيله درتیوز قدر بیوک کوچک
جامع مسجد کوپری وسائره وجوده کتورلمش بر عثمانلی معماری
اولوب ۹۹۶ تاریخنده ارتحال ایلمشدر .

(سنان پاشا)

سلطان محمد ثالث و مراد ثالث زمانلرنده بش دفعه صدارتده
بولنمش و دیار یمنک فتوحاتنده عظیم خدمتی سبقت ایتمش اولان فاتح
یمن سنان پاشادر .

ارناؤد جنسنه منسوب ایدی .

(سنان پاشا)

یاوز سلطان سلیمک منظوری اولمش اولان شیجیان عصردن

صدر اعظم سنان پاشا ایران و عربستان سفر لرنده حسن خدمتی ابراز
ایتمش و مصرده شهیدا ارتحال ایلمشدر .

(سنان پاشا)

اعاظم ادبای عثمانیه دن اولوب طرز جدید اوزره یازدینی آثار
ادبیه سی خیر بخش ارباب عرفاندر .
ابوالفتح عصرنده رتبه وزارتق احراز ایتمش و پادشاهك حفظ
کتنه مأمور اولمش ایدی .

(سنبل سنان افندی)

کبار مشایخدن و واضع طرقدن سنبلی طریقك مؤسسی اولوب
افضل زاده دن اخذ علوم ظاهریه ایتدکدن صکره طریق تصوفه
دخول و چلی خلیفه یه انتساب ایلدی .
شیخك ارتحالنده وصیتی موجبجه مصردن کلوب کریمه سی صفیه
خاتونی تزوج ایله مصطفی پاشا درکاھنده فرش سجاده ارشاد ایدرک
۱۳۹۶ ده وفات ایلمشدر .

(سیاوش پاشا)

دور مراد خان ثالثده اوچ دفعه ده آلتی سنه ایکی آی صدارتده
بولنش اولان اعظم وزرادن اولوب ایلک صدارتی ۱۰۹۰ ایکنجیسی
۱۰۹۴ اوچنجیسی ۱۰۹۷ سنه لرنده در .
مشارالیه شرف صهریته دخی نائل اولمش ایدی .

(سیاوش پاشا)

جلالی آبازه پاشای مشهورك کوله سی اولوب سوق قدرله سلحدار
شهریاری و قبودان دریا اولدقدن صکره اول ۱۰۶۱ و ثانیاً ۱۰۶۶ ده
ایکی کره صدارته بچمشددر .

عقل و درایتی وار ایسه ده مساوی اخلاق ایله اشتهار ایتمشدر .
دفتردار زاده محمد پاشا کبی بر مثال علم و عرفان اولان ذاتی قتل
ایتدیکی کون کندیسسی دخی وفات ایدرک ایکی جنازه نك بر مصلا
طاشنده برلشمسی غرائب تصادفاندندر .

(سیاوش پاشا)

سلطان محمد رابع دورینك اواخرنده اردودن سلیمان پاشانك
فراری اوزرینه نیشده صدارته کچمشدر .

عن اصل کوپر یلیلرک کوله سی ایکن مؤخرآ آنلره داماد اولمش
ویکیچر یلرک طغیان کونی یوزکون صدارتدن صکره تلف اولوب کیمشدر .

سیدی رئیس

عثمانلو بیریونندن و مشاهیر ریاضیوندن بر ذات درایتیمات اولوب
غلطالی سیدی علی رئیس دینمکله مشهوردر .

پیری رئیسك قتلی اوزرینه سیدی رئیس سویش دونماسنه
قوماندان تعیین اولنهرق عمان سواحلنه مسلط اولان پورتکیز دونماسنی
تکیمل ایچون ۹۶۱ تاریخنده بحر محیطه چیقمش وهرمز بوغازی
آجیقارنده دشمنك قوتلی بر دونماسیله چارپیشه رق کرک محارباتدن
وکرک فورطنه لردن کیلرک قسم عظیمی محو اولوب برقاچ پارچه سفینه
ایله کجرات ساحلنه یناشمش ایدی .

برمدت کجرات شاهی سلطان احمدك یاننده بولندقدن و سفاثن
بافیه سنی مشارالیه امانت براق دقدن صکره هندستان افغانستان ماوراءالنهرین
خراسان آذربایجان دن طولاشوب در سعادت عودت و جرمی عفو ایله تقاعدی
اجرا اولندی . ۹۷۰ ده در سعادتده ارتحال ایلدی .

غایت زنکی و کرم و سخاوته مشهور اولوب و مرآت کائنات

مرآت الممالك کبی اولو کتابلر یازمش و بونلری دفعاتله اور و پالیلر بالترجه
باصم مشلر ایدی .

شعری دخی اولوب کاتبی تخلص ایدردی .

حرف الشین

(شانی)

ابو السعود مرحومک طلابندن مظهر جذبه رحمان بر شاعر
غرائبش انک اسمی در .

(شانی)

اصحاب تیماردن هزلیاته مائل بر شاعر ایدی .

(شانی زاده)

سلطان محمود ثانی دورنده یتشمش علمادن محمد عطاء الله افندیدر .
بوزات اکثر علوم وفیونده بالخاصه علم طب و هیئت وهندسه ده
فوق العاده ماهر ایدی .

عاصم مرحومدن صکره وقعه نویس اوله رق ایکی جلددن عبارت
اولان تاریخی بک مکمل اوله رق یازمشدر .

غایت کوزل یازمش برده جسیم تشریحی واردر .
تیرمه ده وفات ایدرک اوراده دفن اولمشدر .

(شاه سلطان)

سلاطین عفتقرین عثمانیه دن یاوز سلطان سلیمک کریمه لری اولوب
لطیف پاشاک حرمی اولدیفی حالده حسن امتزاج ایده ما، کله ینلرنده
مفارقت حاصل اولمشدی .

(شاهی)

ادبا و شعرای عثمانیه دن نشانجی رئیس الکتاب توقی مصر
دفتدار لقلرنده بولنش اولان اوغجی زاده نك مخلصی در .

(شاهین علی پاشا)

۱۱۹۹ ده صدارته کچوب موخرأ برچوق والیلک کرده واسماعیل
سر عسکر لکنده بولنان ذاتدر .

موخرأ وزارتق رفع اولنه رق کلیبولیده ارتحال ایلدی .

(شاهینکرای)

قریم خانلرینك خاتمه سی اولوب طوپال احمدکرایک اوغلی ایدی .
بو ذات خفیف المشرب اجدادینك فکر حیتپرور یسندن محروم
اولوب حرکات طفلانه و خود سرانه سی قریمك روسیه یه قایدیرلمسینه
سبب اولدیسده کندیسییده ردوسده جزاسنی بولدی .

(شریف افندی)

شیخ الاسلام اسعد زاده در .

۱۱۹۲ و ۱۲۰۳ تاریخلرنده ایکی دفعه مقام قبودانی احرار
ایتمشدر . علم و فضلی و اوچ لسانده شعر ی واردر .
۱۲۰۴ تاریخنده ارتحال ایلدی .

(شکرچی زاده)

مشهور خطاطلردن اولوب احمد ثالث دورنده شیخ حمداللهک
مصحفنی استنساخ ایتک اوزره مدینه منوره یه کوندرلمش و بر موجب
اراده کلام قدیم ایله برده دلایل یازوب کتورمشدر .
۱۱۶۶ ده ارتحال ایلدی .

(شمسی باشا)

دور قانونی و زراسندن و بادشاه مشارالیهک منظور التفاتی اولان
وزرادن اولوب سلیم ثانی و مراد ثالث دور سلطنتلرنده فوق العاده
اکتساب نفوذ ایتیش و مصاحب خالصق مقامنده بولمیش ایدی .
منزل احمدلو نسلندن اولوب خالد بن ولیده ادعای انتساب
ایدرومش شو بیت بو ادعاسنی مؤیددر :

شمسی اولسم نوله جهانده فرید

جسد پاکدر خالد ابن الولید

بو آدم تاریخده پک قنا بر اسم براقش و صقوللی مرحومه دائماً
معترض بکنور ایدی .
اسکدارده آایز مه نام محله لب دریاده کی جامع و مدرسه قربنده
مدفوندر .

(شناسی)

عصر اخیرده یتشمش مشاهیر ادبای عثمانیه دن اولوب طوپخانه
سمتنده طوغمش و اوائل حالد طوپخانه قلمنه دوام ایتدیکی حالد
موخرآ اوروپایه کیدرک فنون جدیدیه بی بعد التحصیل درسه عاده
کلش ایدی .

مومی الیه ادبیات جدیده نک موجدی اولوب کتسابتک طرز
عیتقی اصول جدیدیه تحویله صرف غیرت ایتیش ایدی .
کنج یاشنده ایکن ۱۲۸۸ ده وفات ایتشدر .

(شہاز کرای)

قریم خانلرندن ارسلان کرایک اوغلی اولوب قریمده سرعشکر .

لکده بولندقدن صکره در سعادته بر مدت اقامت ایتمش و ۱۲۰۱ ده
قریم خانی نصب و تعیین اولنمش ایدی .

خانانی محاربه زمانه تصادف ایتدیکندن سرحدده خیلی ایش
کورمش و یاشی دخی ضبط ایتمش ایسه ده امداد آله مدیفندن بالضرور
بندره چککدی .

(شینخی)

مشيخت اسلامیه واصل اولان اعظم علمادن بر ذات اولوب
اسمی عبدالقادر در . مؤید زاده و ابوالسعود افندی به دخی قرابتی
وار ایدی .

جیوی زاده دن صکره مقام قیودانی به کچوب ایکی سینه صکره
۹۹۷ ده عزل اولنمشدر .

(شیری)

صدر اعظم هر سك زاده احمد پاشانك اوغلی اولوب یاوز سلطان
سلیم طرفندن سرایه آله رق حرم هایونده تربیه اولنمش وبعده
طشریه اخراج فانه رق بعض مناصبدن صکره متقاعداً مصرده اورتحال
ایلمشدز .

حرف الصاد

(صابری)

جلیده یشمش قناعتکاران شعرا در ذات اولوب تاقیه جیلکله
کچنور ایدی .

(صاحب افندی)

سلطان محمود اول دورینک مقتدر شیخ الاسلاملرندن اولوب
پیری زاده نامیه متعارفدر .

درگاه عالی یکچریلرندن پیری آغانک اوغلی اولوب ۱۱۵۸ ده
مقام فتوایی احراز ایتمش و برسنه اون بر آی بش کون مقام مشیخته
بولمشدر .

ابن خلدون مقدمه سنی صاحب ترجمه ترجمه ایتمش ایدی بعض
آثاری دخی واردر .

(صاری عبدالله افندی)

قیصریه لی خلیل پاشا برادرینک دامادی اولان سید محمد افندینک
اوغلی اولوب خلیل پاشا دائره سنده پرورش یاب اولمش و مشار الیه ک
شرق سردار لغنده تذکره جیلک ورئیس الکتابلق و موخرأ رکاب
هایون رئیسلی کی مناصب دیوانیه ده بولندقدن و بغداد سفرینه
دخی کیتدکن صکره ترک مشاغل و توبه ایل زهد و تقوا واختیار
کوشه انزوایه راغب و سالک اولمشدر مشنوی شرافتی شرح ایتکله
شارح مشنوی نامیه متعارف اولوب جوهره ثمرات الفؤاد نصیحه
الملوک دره عنوانی آثار عارفانه سی واردر .

(صافی)

فاتح مرحوم دأرمسندہ پرورشیاہ اولہرق بایزید عصرندہ رتبہ
وزارتی احراز ایدن جزری قاسمپاشانک مخلصی در .
مشار الیہ سلانیکدہ متقاعدآ ارتحال ایلمشدر .
طبیعت شعریہ سی واردر شو بیت جملہ اشعارنددر .
خط دلبر کبی آخر چون کلورمش یازیلان
صافیآ آیینہ دلہ غبار اولق نہدن

(صافی اسکداری)

عصرمزنک مقتدر شاعر لردن اسکداری صافی بک ۱۲۷۸ تاریخندہ
کردستان دفتر داری امین زہت افندی مرحومک صلبندن دنیایہ
ککش و تحصیل ابتدائینی مکاتب موجودہدہ اکال ایتدکن صکرہ
اتمام معلومات ایچون فضلالی عصردن علوم عربیہ وادیہی اوکر نمشدر .
بر آراق مأموریت ایلہ طرابلس غربہ کیدرک دوت سنہ اول
بلدہدہ بولنمش آنجق خستہ لنی سبیلہ بالاستعفا درسعادتہ کلہرک
منزویانہ بر عمر سورمکہ باشلامشدر .

شعرده کی قدر قناعت مسلدکنندہ دخی بر متانت خارق العادیہ
مالک اولدیغندن لالابالیانہ بر حیاتی ہر شینہ ترجیح ایدر .
جدال سعدی بامدعی نامیلہ کلستان سعیدہ کی بر حکایہ حکمت
آمیزی غایت سلیس بر صورتدہ سـلک نظمہ چکمش و حضرت
فاروقک اسلامیتی قصہ سنی دخی رنگین بر طرز دہ نظم ایلمشدر .
لسان فارسی یہ مراقی اولدیغندن فارسی یہ دائر بر قاج پارچہ
آثاری دخی واردر .

آئیدہ کی بیتلر جملہ آثار شعریہ سندندر :

قارشومزدن بینه سیر ایله او آفت کچیور
 رفته رفته صانیرم عهد ملاحت کچیور
 میل رفتاریخی کورمک نه بیوک فرصتدر
 ای کوکل غفلتی ترک ایله که فرصت کچیور

انتظار زمان کل چکرم
 کل زمانده جام مل چکرم
 چکسم کل زمانی جام ملی
 یار واغیاره قارشی ذل چکرم
 بنده بیلم کواکل کیمی چکیور
 کیمه بیلم کدن کوکل چکرم

جان ویردیکم ایفای عهد ایتک ایچوندر
 محو اولدیم اثبات وجود ایتک ایچوندر
 کوزلر رخ جانانه نکاه ایتکه مأمور
 سرلر قدم یاره سجود ایتک ایچوندر

کعبه به خطاب

السلام ای بیت معمور زمین

التحیات ای مطاف مؤمنین

سنسک ای بیت خدای لامکان
 دائراً مادر بر دار الامان

بیك صنم تعلیق اولنسه بامگه
 کعبه سگ بتخانه دینمز نامگه

بتپرستان ایلسون وارسون سجود
 مؤمنین اصنامگه ویرمز وجود

ایله ابراز متانت ای پناه
مشرکیندن پرده پوش اولداتما

بر کون ای بیت حوام نیک نام
آنلره الله سنی ایلر حرام

مؤمنینه بر پناه ایلر سنی
محترم بر قبله کاه ایلر سنی

(اسلام عمر) نام انزدن :

چونکه ناشی پیمبر مدنی
باشلادی دینه دعوته علنی
مسلمان اولدیلر برر ایکشیر
مکه ساکنلری اوتوز بو قدر
پرتو آلدیقه بویله دین مبین
حدت ایلردی جمله دشمن دین

الخ .

وینه مذکور انزدن :

کعبه دن ندا

یا رسول الله سـنک وحدتسرای خاصکم
یادکارم جید عالیشانک ابراهیمدن
یا رسول الله بنی دست کرم پیوستکه
کیمسه نک یوق حق اعراض ایتکه تسلیمدن

(صالح افندی)

سلطان مصطفی خان ثالث دورنده مقام مشیخته کچن علمادن
اولوب شیخ الاسلام یکیشهرلی عبدالله افندی به داماد اولمش ایدی .

۱۱۷۱ ده مقام فتوايه كچوب بر بحق سنه صكره بعد العزل
۱۱۷۵ ده ارتحال دار بقا ايدى .

(صالح باشا)

محمود ثانی دورینک صدراعظم لرندن از میرلی بر ذات اولوب بندرلی
علی پاشایه قائم مقام و مشارالیهک عزانده خلفی اولمش ایدی .

(صالح رئیس)

امرای بحریه عثمانیه دن کیمیچیلکده فوق العاده ماهر بر ذات اولوب
بارباروسک شاگردانندن ایدی .

قانونی دورنده پک بیوک یرارانی کورلمشدر .

(صالح زاده)

بوعنوان ایله دولت عایهده ایکی شیخ الاسلام گلشدر : برنجیسی
۱۱۸۹ ده مقام فتوايه كچوب اون یدی ماه امور مشیختی اداره ایتمش
اولان امین افندی ایکنجیسی سلطان مصطفی خان رابعله محمود ثانی
دورلرنده ایکی دفعه شیخ الاسلام اولان احمد اسعد افندیدر .

(صائی)

عطا زاده دینکله مشهور برشاعر اولوب طب و کیمیایه دخی
مراقی وار ایدی .

(صائب)

شعرادن محمد صائب افندی اون ایکنجی عصر اوائلنده یتشمش
وبعض مکاتبده معلمک ایتدکن صكره کثرت عشرته انهما کی سبب
حو حیاتی اولمش ایدی .

(صبیحی)

شعرا و مورخین عثمانیه دن اولوب محمود اول عصرنده وقعه نویسلک
ایتمش و مناصب دیوانیه نک برخیلیسنی احراز ایلمشدر .

سامی و شاکرک مشترکاً یازدقلری تاریخی جمع واکمال ایلمشدر .
(صبحی پاشا)

وزرای سلطنت سنیهدن عبدالرحمن سامی پاشا زاده اولوب
کنجلیکنده پدریله مصرده بولنش و در سعادت کلدکده مجلس معارف
و مجلس والا اعضا لغنده و بعض ولایات و الیکلر نده بولندقدن صکره
اوقاف ناظری ایکن ارتحال ایلمشدر .

(صبری شاکر)

نفعی ایله معاصر یک مقتدر بر شاعر اولوب زمانه کوره
قصائدی امثال سز عد ایدیلور .

(صدقی)

عثمانلی شاعر لرندن امة الله خامدر .

(صدقی زاده احمد رشید افندی)

۱۲۳۸ تاریخنده شیخ الاسلام اولوب اونبر آی بومقامده بولندقدن
صکره ۱۲۵۰ ده وفات ایتمشدر .

(صفا کرای خان)

قریم خانلرندن نورالدین صفا کرایک اوغلی اولوب ۱۱۰۳ تاریخنده
طرف دولندن قریمه نصب اولنش و اون آی مأموریتدن صکره انفصال
ایدرك قرین آباد قصبه سنده ارتحال ایلمشدر .

(صفائی)

شعراي عثمانیه دن مصطفی صفائی افندی در .
باب عالیدن نشأت ایدرك دفتر امانته و صره سیله مراتب دیوانیه یی
قطع ایله شهر ثانی دفتر داری اولمش و ۱۱۹۶ ده وفات ایتمشدر .
تذکره شعرا سی واردر .

(صفوت باشا)

متأخرین وزرای دولتن اولوب دفعات ایله خارجیہ نظارتی
صداارت مستشارانی معارف نظارتی دول اجنبیہ ایله وقوعہ کلان
مجالس وقومسیونلرده وسفارتلرده بولندقدن صکرہ ۱۲۹۵ تاریخندہ
خارجیہ نظارتی کماکان عہدہ سندنہ قالمق اوزرہ مسند صداارتہ ارتقا
ایلدی .

۱۳۰۱ تاریخندہ ارتحال ایلمشدر .

(صانی زاده)

اوچ دفعہ مسند فتوایی احرار ایتمش اولان متورعین علمای
کرامدن بر ذات اولوب استانبول پایہ لولرندن حسین افندی زاده در .
ایلك مشیختی ۱۲۱۵ ایکنجیسی ۱۲۲۲ اوچنجیسی ۱۲۲۵
تاریخلرنده در .

ایکنجی دفعہ سندنہ یالکیز برکون قالمش ایدی .

(صنع الله افندی)

سلطان محمد ثالث و احمد اول دورلرنده درت دفعہ مقام معالی
مشیخت اسلامیہ یی احرار ایتمش اولان جعفر زاده صنع الله افندیدر .
ابوالسعود افندیدن ملازم اولدقدن صکرہ دورمدارس ایله ۱۰۰۰ده
استانبول قاضیسی ۱۰۰۱ده روم ایلی قاضی عسکری و ۱۰۰۸ده خواجه
سعدالدین افندیدن صکرہ مشیخته کجدی .

۱۰۱۱ده ثانیاً ۱۰۱۳ده ثالثاً ۱۰۱۵ اوآخرنده دردنجی دفعہ

امور فتوایی ذرعہدہ ایتمشدر .

(صنعی زاده)

قضاتدن قرہ صنع الله افندی ک اوغلی اولوب سلطان محمد رابع

دورنده ۱۰۷۲ ده شیخ الاسلام اولمش و ۱۰۷۳ ده عزل ایله ۸۳ ده
ارتحال ایتشدیر .

(صوفی)

بواسمه شعرادن بر خیلی ذوات اولوب اك مشهوری بایزید ثانی
دورنده بولنمش و شهزاده محمودك دیوان کاتبی اولمش ایدی .

(صوفی بایزید)

بایزید ماده سنه مراجعت اولنه .

(صوفی محمد پاشا)

محمد پاشا و مولوی محمد پاشا دیمکله معروف و اواخر سلطنت سلطان
ابراهیم خانیده صدرتده بولنمش اولان ذاتدر .

مشارالیه دفتردار باقی پاشانك کتخداسی اولوب پاشاسنك وفاتندن
صکره بعض خدمات دولتمده استخدام و براز صکره یکیکچری آغالغیله
بنام اولمش ایدی .

قره مصطفی پاشا عصرنده مدت مدیده دفتردارلق ایدوب بعده
عزل اولندیقنده یکی قپوده کی بغچه سنده نیجه زمان عزلت و انزوایی
اختیار و یکی قپوده مولویمخانه ده دوام ایتکله صوفی محمد پاشا و مولوی
محمد پاشا نامیله مشهر اولدی .

صاحب ترجمه نك پیرلکنه و صوفیلکنه اکابر دولتك اعتقاد نامی
بولنغله سند صدرته کتورلدیسه ده امید اولنان درجه ده خدمتی مشاهده
اولنماقوله معلقرده دار آخرته کیتدی .

سنی سکسانی متجاوز ایدی .

صوفیلک یوزندن نیجه مکاره و مظالمی ارتکاب ایدر ایدی .

(صوبیولجی زاده)

اسمی عمر افندیدر .

مشاهیر خطاطیندن اولوب یوز قدر انعام یازمشدر .

۱۰۹۷ده ارتحال ایلدی .



حرف الطاء

(طاشکوبری زاده)

اعاظم علماء عثمانیه و مشاهیر مؤلفین کرامدن عصام الدین ابوالخیر حمد بن مصطفی افندی ۹۰۱ تاریخنده بروسه ده تولد ایله درس عادتده تحصیل ایتیش و داخل طریق اوله رق ادرنه و درس عادت مدارسندده دور ایلیمش ایدی .

استانبول قاضیسی اولاقدن صکره کوزلرینه عمی طاری اوله رق اختیار تقاعد ایتیمکله تالیف و تصنیف ایله امرار حیات ایدرک ۹۶۸ده ۶۹ یاشنده داربقایه رحلت ایلیمشدر .

تصانیف و تالیفات معتبره سی اولوب شقایق النعمانیه مفتاح السعاده و یا موضوعات العلوم ایله تاریخ کبیر و درس کتابلرینه متعدد شرح و حاشیه لری واردر .

(طالب افندی)

ازمنه متأخره شعرا سندن برذات اولوب محمود ثانی حضرت تلرینک منظور التفاتی اولمشلر ایدی .

(طالعی)

سلطان سلیمان شهزاده سی سلطان محمدک دفتر داری اولوب مؤخرآ

يکيچرى افنديسى اولمش وياوز سلطان سليمك معيتنده دخی بولنش
ایدی .

منزولاً ارتحال ایلدى .

(طاهر پاشا)

چنگال اوغلی ديمکله مشهور شجعمان وزرادن بر ذات اولوب بر
مدت قبودان پاشالق ايتمش وشهرت سياست ايله اشتهار ايلمش ایدی .
بوسنه واليلىکنده حسن خدمتی کورلمش و اصلاحات اجرا
ايلمشدى .

(طرخونجی احمد پاشا)

احمد پاشا ماده سنه مراجعت اولنه .

(طورسون فقیه)

دولت عثمانیه نك دور اولنده بولنش مشاهیر علمادن بر ذات
اولوب شیخ اده بالینك داماد وشا کردی و عثمان غازینك باجناحی ایدی .
ایلك خطبه استقلالی مشارالیه اوقومشدى .

(طوسیوی رشید افندی)

دور سلطان محمود ثانیده بولنش مشاهیر علما وقضاتدن اولوب
طوسییه اشرافدن و علمای محلیه دن محمد افندینك اوغلی ایدی .
برچوق قضاالرده نیابتده بولندقدن صکره در سعادته کلوب اسکدارده
احسانیه محله سننده کی خانه سننده برقاج سنهل اقامتدن صکره لاجل الحج
اوغلی نزهت افندی ايله برلکده حجازه عزیمت و ۱۲۵۸ تاریخنده
مصر نادره العصرده مطعوناً ارتحال داربقا ایلدى .

طبیعت شعریه سی دخی وار ایدی .

صاحب ترجمه محبر فقیرك پدری نزهت افندینك پدرلریدر .

(طیار پاشا)

نصوح پاشا کتخداسی مصطفی پاشا زاده در .
 بدایت حائده صربان محارباتنده یرارلق کوسترمش اولدیغندن طیار
 لقبی آلمش وبر آرالق دیاربکر محافظی دخی اولمش ایدی .
 بغدادک فتحی سنه سی بیرام پاشانک ارتحالیه صدارته کچوب محاصره
 بغدادده ابراز شجاعت وجسارت ایدرک شهرک فتحی قوه قریبه
 کلشکن برقورشون دانه سیله عازم مرتبه شهادت اولدی (۱۰۴۸) .

(طیار پاشا)

بطل پاشانک اوغلی اولوب ۱۲۰۵ ده اسارتله روسیه کیتمش
 وبعد اخلاص ۱۲۱۵ ده رتبه وزارتله طربزون والیسی اولمش ایدی .
 برخصوصدن طولانی حقنده فرمان قضا جریان شهریار صبور
 ایتدیکندن قریمه قاچمش و ۱۲۲۲ ده صدارت قائممقامغنی اختلاس
 ایش ایسه ده مرکوز طینتی اولمش خیانت محملرنجه دخی واصل
 رجه بداهت اولغله حاجی اوغلی بازارنده جزای سزاسی ترتیب
 ولنمشدر .



حرف العین

(عارف)

سلطان سلیمان قانونینک شہنامہ جیسی فتح اللہ عجیبی اولوب ابراہیم کلشنیک کریمہ زادہ سی ایدی .

(عارف افندی)

بکخان سلطان کتبخداسی دینمکله متعارف رئیس الکتاب عارف افندیدر . ۱۲۲۸ دە ارتحال ایلدی .

(عارف افندی)

مشرّب زادہ حقیدیدر .

۱۲۷۰ تاریخندہ شیخ الاسلام اولوب مکتب نوابی تأسیس ایلدی بش سنہ مقام فتوادہ بولمیشدر .

(عارف حکمت بک)

بلغراد محافظی وزرادن رائف اسماعیل پاشا زادہ صدوردن عصمت بکک نجل نجیبی اولوب مناصب علمیہ یی صرہ سیلہ قطع ایتد . کدن صکرہ ۱۲۶۲ تاریخندہ مکنی زادہ مصطفی عاصم افندی خلفلری اولہرق شیخ الاسلام اولمش ویدی بحق سنہ قدر کمال استقامت وکار کزاری ایله مقام فتوایی اداره ایدرک یتمش سنہ سی حسب الایجاب مسند فتوادر انفصال ویتمش بشدہ ارتحال داربقا ایلدی .

نوح قیو-مندہ طریقہ ناظر اجدادی قبرستانندہ مدفوندر .
عالم ، شاعر ، ادیب ، اهل پرور بر ذات ایدی .

(عارفی پاشا)

عصرمنز وزراسندن ۹۵ دە باش وکالت منصبی احراز ایتمش اولان ذاتدر .

(عاشق افندی)

سایم ثالث دورنده ۱۲۱۳ تاریخدن ۱۵ تاریخنه قدر مقام فتواده
بولنمش اولان علمای عثمانیه دن بر ذات اولوب رئیس الکتاب مصطفی
افندی نیک اوغلی ایدی .

بغچه قیوسنده خانه سی عرصه سنده کتبخانه و حجره و دار القراء
بنا ایدوب کندیسیده مذکور کتبخانه ساحه سنده مدفوندر .
ارتحالی (۱۲۱۹) .

(عاشق پاشا)

عثمان غازی حضر تلی رینک معیتده بولنمش اولان مظنه کرامدن
مخلص پاشانک اوغلی اولوب ارباب عرفان و متصوفیندن ایدی .
عارفانه بر منظومه سی وارددر .

(عاشق چلبی)

تذکره شعرا مؤلفی قدما ی شعرا ی عثمانیه دن و علمای کرامدن
یر محمد بن سید علی اصالت و نجابت ایله موصوف بر خاندانه منسوب
ولوب ۹۲۶ ده در سعادتده طوغمش و علوم و فنونی در سعادتده تحصیل
ایله بعض قضایر نیابتده بولندقدن صکره تذکره الشعرا و ذیل شقایق
تقامات عالییه تقدیم ایله قید حیات شرطیله اسکوب قضاسنه نائل
ولمش ایدی .

آثار ادبیه سی وارددر .

طاش کوپری زاده یه معاصر ایدی .

(مکی زاده) عاصم مصطفی افندی

عبد الحمید اول و سایم ثالث حضر تلی دور لرنده ایکی دفعه مسند
شیختی احراز ایدن مکی محمد افندی نیک مخدومی اولوب ۱۱۷۷ تاریخنده

تولد ایدرك ۱۲۳۳ و ۳۹ و ۴۸ تاریخ‌نرنده اوج دفعه‌ده اون یدی ییل
مقام معالی فتواده بولنش اولان علمای عثمانیه‌دن خلوق فقرارور
بر ذات ایدی .

ثروت و غناسی حددن افزون اولوب قیوسی اصحاب ضرورته
کشاده ایدی ۱۲۶۲ تاریخ‌نده یتیمش بش یاشنده بالارتحال فاتحده پدری
یاشنده مدفوندر .

(عاصم افندی)

مترجم قاموس عینتابی احمد عاصم افندی علمای محلیه‌دن تحصیل
علوم ایتدکدن صکره درس‌عاده کله‌رك طریقه داخل و سـالانیك
مولویته نائل اولمش ایدی .

بر آرائق وقعه نویس دوات اولوب مشهور تاریخ عاصمی یازمشره .
قاموس و برهانی ترجمه و سائر آثار معتبره دخی وجوده کتورمشره .
نوح قیوسی قبرستاننده صفة مخصوصه‌ده مدفوندر .
شعره دخی مراقی اولوب شو بیت آثار شعریه‌سندندر :

نیجه بر خدمت مخلوق ایله مسئول اولهلم
سائل حق اولهلم نائل مسئول اولهلم
زده صورت ویرهلم کننیمزه قابل ایسه
وارهلم اهل صفا بزمنه مقبول اولهلم
قلمه‌دن خاک مذلتده همان ای عاصم
عازم سوی سما سای ستانبول اولهلم

(عاطف)

محمود خان اول دورنده دفعات ثلثه‌ده شق اول دفتردارلقنده
بولنش اولان شعرا و ادبای عثمانیه‌دن در .

شیخ وفا قربنده بر دار الکتبی وار در .

(عاکف پاشا)

اعظم شعرا و ادبای عثمانیه دن تبصره صاحب مشهور عاکف پاشادر .

بر مدت جبار زاده سلیمان بک کتابتند بولنوب مؤخرأ باب عالی به داخل و اورادن صره سیله قطع مراتب ایدرك رئیس الکتاب اولمش ایدی .

۱۲۵۱ تاریخنده رئیس الکتاب مسندینك لغویله بارتبه وزارت خارجیه نظارتنه تعیین قلمشدر .

ایشته دولتمزده برنجی خارجیه ناظری مشار الیه عاکف پاشادر .
خارجیه نظارتندن صکره بر آراق پرتو پاشا یرینه داخلیه نظارتنه یکممش ایسهده بالآخره عزل اولنوب ۶۳ تاریخنده حجازدن عودتده اسکندریهده ارتحال ایلمشدر .

انشاسی سالیس طرز افاده سی اصول جدیده اوزره اولوب شمیدیکی کتابت عثمانیه نك مؤسسلرندن معدود در .

(عالی پاشا)

متأخرین وزرای سلطنت سنیه دن و مشاهیر سیاسیوندن محمد امین عالی پاشا مصر چارشولی رضا افندی نامنده برینك اوغلی اولوب ۱۲۳۵ تاریخنده درساده طوغمش و علوم ابتدائی بعد التحصیل باب عالی به داخل اوله برق عقل و درایت و فطانتی جهتیله اولیای امورك مظهر توجهی اولدیغندن سفارت کتابتیه و یانه ولوندریه عزیمت و خارجیه مسئله شارلنی ولوندره و پارس سفارتیه تعیین

اولنهرق یدی دفعه خارجیه نظارتی وبش دفعه صدارتی احراز
وبعض ولایات شاهانده والیدکده بولنمشدر .

اواخر عمرنده صدارت وخارجیه نظارتی دخی عهده لرنده ایدی .
۱۲۸۸ تاریخنده وفات ایتمشدر .

(عباس پاشا)

مصر والیرینک اوچنجیسی اولوب ابراهیم پاشادن صکره جدی
محمد علی پاشانک حال حیاتنده ۱۲۶۵ تاریخنده مصره والی تعیین
بیورلمش و ۷۰ تاریخنده ارتحال ایلنمشدر .

(عبد الحق ملا)

سلطان محمود وعبد الحمید خان حضراتی زمان سلطنتلرنده اوچ
دفعه سر طبای سلطانی اولمش اولان اعلم علمادندر .
حکیم باشی خیر الله افندینک تورونی اولوب مجلس معارف
اعضالغنده مکتب طبیه نظارتنده ریاست علماده دخی بولنمشدر .

عبد الحمید خان اول

دولت علیه عثمانیه نک یکرمی یدنجی پادشاهی اولوب سلطان
احمد ثالث اوغلندر .

۱۱۳۷ تاریخنده دنیایه کلوب ۱۱۸۷ ده برادرلری مصطفی خان
نائیدن صکره زینت بخش سریر سلطنت اولمش و ۱۲۰۳ تاریخنده
ارتحال دار نعیم بیورمشدر بدایت سلطنتلری روسیه ایله محاربه زمانی
اولغله غوائل داخلیه دخی بوکا انظام ایدرک قینارجه معاهده سی
امضالنمش و روسیه لونک دسایمی بالاخره قریم ترکنی موجب اولمشدر .
لوند اشقیاسیله سوریه لی طاهر عمرک حدلری بیلدیرلکدن صکره
۱۲۰۰ تاریخنده روسیه به تکرار اعلان حرب اولنمشدر .

غوائل متعابه شهریار غورک موجب تأثری اولغله ۱۲۰۳
تاریخنده ۶۶ یاشنده داربقایه رخت بیوردیلر .
بانچه قپوسنده کائن حمیدیه تربیه و مدرسه و کتبخانه و عمارت
وسبیل و مکتب اثر بنالیدر .

(عبد الرحیم افندی)

سلطان ابراهیم خانک اواخر ایامنده ۱۰۵۷ ده مسند مشیخته
ارتقا ایتش علمادن بر ذات اولوب عن اصل آتله لیدر .
کنجلیکنده درسه عاده کلوب دور مدارسدن صکره استانبول
قاضیسی و آناتولی و روم ایلی قاضی عسکری اولمش و مؤخرأ تاریخ
مذکورده مقام فتوایه اعتلا ایلمشدر .
طوغری سوزلو خاطر و کوکله باقماز صلابت دینه سی بر کمال بر
ذات ایدی . بلغرادده مدفوندر .

(عبد الرحیم افندی)

مشیخت اسلامیه ده بولمش بر ذات اولوب منتش زاده دینمکله
مشهوردر . ۱۱۲۷ ده شیخ الاسلام اولمش ایدی .

(عبد الغنی النابلسی)

کبار مشایخ قادریه و نقشبندیه دن عارف بالله بر ذات اولوب ۱۰۵۰
ده دمشقده طوغمش و یکریمی یاشنده تدریس و تألیفه ابتدار ایدرک
یوزی متجاوز کتب و رسائل یازمش و بر آراق مجاهده و عبادات ایله
خانه قبانوب بالاخره ینه نشر علومه باشلامش ایدی .
۱۱۴۳ تاریخنده وفات ایتمشدر .

(عبد الله افندی)

۱۱۶۸ تاریخنده مقام فتوایه ارتقا و ۱۱۷۴ ده یوز یاشنده ارتحال
داربقا ایتش اولان عبدالله و صاف افندیدر .

احمد خان ثالث دورنده ۱۱۳۰ : ۱۱۴۳ تاریخنده ۱۳ سنه
 مشیخت اسلامیه ده بولنش وبعد العزل جانب حجازه دخی کیتمشدر .
 بو ذاته یکی شهرلی عبدالله افندی دیرلر .
 دری زاده عبدالله افندی دخی ۱۲۲۵ و ۲۷ تاریخلرنده ایکی
 دفعه مشیخته کچمشدر .

عبدالمجید خان

ابن محمود خان ثانی بن عبد الحمید خان اول دولتمزك اوتوز
 برنجی پادشاه جلیل الشانی اولوب ۱۲۳۷ تاریخنده کهواره زیب
 شهود و ۱۲۵۵ ده پدر جنتمقرلری سلطان محمود خانك وفاتنده
 تحت علی بخت عثمانییه قعود بیورمشلر در .
 شهریار مشار الیه سلطان محمود خانه خیر الخائف ودولات ابد
 مدمزه مدار شان وشرف اولان اعظم حکمداران جهاننددر .
 اون یدی یاشنده تحت چیقدفقری حالده متصف اولدقلری شدت
 ذکا ودرايت خارق العاده سایه سنده یکرمی ایکی بیل دولتی حکیمانه
 اداره وپدرینك قوردینی اساس ترقیاتی حقیله اکمال ایتدیلر . رعایا
 وبرايا حقنده عدل ومرتحت کوسترهرك دولتک مادی ومعنوی اقتدارینی
 یرینه کتورمکه موفق اولمشلرددر .

جلوسنك ایلکنجی سنه می صدر اعظم مصطفی رشید پاشا جمله
 مواجهه سنده کلخانه ده بر خط همایون قرائت ایلیوب بونده مسلم
 وغیر مسلم تبعه شاهاننك نظر قانونده مساوی اولدینی وهر کسک
 مال وجاننك امین بولندینی اعلان قلنمشن ایدی .
 مؤخرأ دولتک هر جهتنك تنظیم اداره سنه، ویرکو وعسکری

نظاملرينك اصلاح وتنسيقنه، معارفك ترقيسنه حصر دقت اولنه رق ممالك محروسه شاهانهك اعماريني موجب اوله حق شيلرك اجراسنه همت اولمشدر.

خارجا دخي بر مسئله مهمه حالي اکتساب ايتمش اولان مصر ايشلري دول متفقهك مادي ومعنوي معاونتريله محمد علي پاشانك دائره عبوديته ارجاعي ومصرک دولته تابع بر خديويت هيئننده اداره سي صورتيله تسويه پذير اوله رق تابع ايله متبوع مفتحي آراسنده كي مباينت بر طرف ايدلشدر.

مسئله مصريه بو وجهله بتدکدن صکره اکمال ترقیات داخليله وتزويد قواي حرييه جذا دوام اولنوب دولتمز بر دولت قويه ومنظمه هيئننه کر مکله اصدقای دولتک يوزي کولمکه باشلادی.

دولتک هر جهتن باشلادیني اصلاحات وترقيات روسيه لونک نظر دقتي جلب ايتمکله يکيدن برغائله چيقارمق اوزره قدس مسئله سني اورته يه قويمش واورتودوقس کليسا سنه ويريلان امتيازک توسيعني طلب ايتمش وترويج مقصد ايجون پرنس منچيقوفي مرخص صفتيله درسعاده کوندرمش ایدی.

روسيه لونک مطالب غير محقه سي باب عالي طرفندن رد اولنغله پرنس منچيقوف عودت ايدر ايتمز روسيه اردولري پروت نهريني مرور ايدرك مملکتی اشغال ايتمکه باشلادی.

بونک اوزرينه ۱۲۶۹ تاريخنده روسيه يه اعلان حرب اولنه رق سردار عمر پاشا قلفات واولتائجنه محاربه لريني قزاندي وعسکر من افلاق ياقه سنه کچدی.

شهيد موسی پاشا اون بيک عسکرله سلسله ترده دشمنک سکسان

بيك كشيستى رجعتى مجبور ايدرك هر یرده عساكر عثمانیه نك موفقیتی
 كوزه چارمغه باشلادی آنجق سینوبده بولنان خفیف دوغماز روسیه-
 لونك بغته باصدرمسيله يانمش ایدی بونك اوزرینه اوتهدنبرو روسیه-
 لونك اوروپاده تجر و تحکمی علمینده بولنان انكلتیره و فرانسه و ساردنیا
 دولتری ایشه مداخله ايدرك دولت علیه ایله تدافعی و تعرضی بر
 اتفاق عقد ايدرك دونمالری فوج استانبول بوغازینه وارد اولدی.
 اوستریا دولتی مملکتی روسیه استیلاسنه قارشو مدافعه و محافظه یی
 درعهده ایتمکله دارالحربك قریم شبهه جزیره سی اولق مقتضی
 کورنمکله طونه اردوسی ایله دول متفقونك ۲۰۰ بیك عسکری قریم
 شبهه جزیره سی اشغال ایتدیلر. شبهه جزیره نك الك متین قلعه لری
 ضبط ایدلدى عسکر مزك شجاعت و ستایشی عالمك دلنده مذکور اولمغه
 باشلادی.

غوغا آناطولیده دخی شدت پیدا ایتمش اولمغه روسلر بیکلرجه
 تلفات مقابلنده ضبط ایدیبیلدیلر نهایت اوروپا لیلرک توسطی اوزرینه
 سیواستپولك روسیه وقارصك دولت عالییه اعاده سی و بسارابیه نك
 روسیه دن اخذیله مملکتینه الحاقی و دولتک بوغازلر حقنده کی حاکمیتی
 و بحر سیماهدیه هیچ بر دولتک حرب کمیسنك بولنامسی و دولتک
 تمامیت ملیکه سنك تصدیقی کبی شرطلرله مشهور پارس معاهده نامه سی
 عقد و امضا اولندی «۱۲۷۳».

براز صکره روسیه لونك تشویقیله قره طاغ و یونانستانده ظهوره
 کلان اغتشاش قوه عثمانیه طرفندن برطرف اولندی. شام طرفنده
 درزی و مارونیلر ییتنده کی پاتردی اوروپا مداخله سی موجب اوله جق
 درجه ده اهمیت پیدا ایتدکده مشهور فؤاد پاشانك اعزامیله یا تشدیرلمشدر.

براز صکره سلطان ذیشان قرق یاشلرنده اولدینی حالدہ سلطنتک
یکرمی سنه سی ارتحال دار نعیم ایلمشلدرد .

(عبدی پاشا)

سلطان احمد ثالث دورنده ایکی دفعه قبودان دریا اولان امرای
بحریه دن بر ذاتدر .

ایلك قبودانلی ۱۱۴۳ وایکنجیسی ۱۱۴۴ در .

(عثمان پاشا)

شجعان وزیرای سلطنت سنیه دن اوز دمور اوغلی عثمان پاشای
غازیدر .

یمن وحبش بکار بکی اوز دمور پاشانک اوغلی اولوب دها پک
کنج ایکن یمن و حبش جهتلرنده مهم مأموریتلرده بولندقدن صکره
درسعادته کلهرک صقوللی محمد پاشا هر نه سیدن ایسه منفوری اولمش
وبالآخره ۹۸۶ده رتبه وزارتله شروانه والی تعیین قلنمش ایدی .

ایران محاربه لرنده وطاغستان وقره باغ جهتلرنده برچوق موققیاته
نائل اولمغله نفوذ واقبال بر درجه دها عالی اولوب التفات شاهانه یه
مظهر اولمش ایدی .

بعده قفقاس طاغلرینی آشوب سکسان کون قدر مهم بر سوق
الجیش یوریشیله قریمه کیدرک اورادن درسعادته کلدکده فوق العاده
التفات مظهر ورتبه صدارتله صهریت سنیه یه واصل اولمشدی .

بر آی صکره ینه شرق سفری ایچون سرحد شرقی یه کیدرک
تبریزی ضبط ایتدکدن صکره مرض زخیردن ارتحال ایلدی .

(عثمان پاشا)

طوپال عثمان پاشا سلطان محمود اول دورنده ۱۱۴۴ده صدارته

بچن وزرادن اولوب نادر شاه ايله وقوعه كلان محاربه ده شهيداً وفات
ايتمشر .

غيور برذات ابدى .

عثمان خان اول

دولت عليه عثمانيه نك مؤسسى و خاندان جليل العنوان عثمانيه نك
برنجيسى اولان پادشاه جليل الشاندر .

ولادتلى ۶۵۶ بالاستقلال جلوسلى ۶۹۹ و ارتحاللى ۷۲۶
تاريخ هجرىسى اولوب مدت سلطنتلى ۲۷ سنه در .

زمان سلطنتلىرنده ازنيق، مرمره، كستل، لفته، اچقه حصار،
كيوه، بلبلجي حصار. يكيجه، طراقلو، مدرنى، صماندره، قره مرسل،
يار حصار، اين اوكى و امثالى قلاع و بلاد اولوب هيئت عثمانيه مزى بر
عشيرت حالندن اوچيوز بيك نفوسلى بر دولت حالنه ارقا ايلمشر .
بروسه ده مناستر نام محله مدفوندر .

عثمان ثانى

دولتمزك اون بشنچي پادشاهى اولوب احمدخان اولك مخدومى در .
۱۰۱۳ تاريخنده تولد ۱۰۲۷ ده جلوس ۱۰۳۱ تاريخنده اون آلتى
ياشنده ارتحال ايتديلر .

زمان سلطنتلىرنده بغداد و لهستان اوزرينه اكتساب غليان
اولنش و شدت شتادن خليج طوكمشر .

خايچك انجمادينه ظرفاى زمانه شو يتى ديمشر در :

— يت —

بول اولدى اسكداره بيك اوتوزده آق دكز طوكدى

عثمان خان ثالث

یکرمی بشنچی پادشاه اولوب ۱۱۱۰ تاریخده تولد و ۶۸ده جلوس
۷۱ده ارتحال بیوردیلر .

نور عثمانیه اسمنده کی جامی سلطان محمود اول وضع اساس
ایتدیکی حالد صاحب ترجمه کندی اسملرینه نسبتله کشاد بیوردیلر .
زمان سلطنتلرنده استانبولده ایکی دفعه بیوک حریق وقوعه کلوب
برنده شهرک ثلثانی دیکرنده ربعی یا ایشدی .

(عطا)

اوتنجی عصر هجریده نشو و نما بولان شاعران اولوب مولودی
سلیمان چلینک معاصری و معارضی ایدی .

(عطاء الله افندی)

سلطان سابع ثانی عصرینک ال بنام علماسندن و شهریار مشارالیه
خواجهمسی ایدی .

عصرنده فوق العاده نفوذ صاحبی اولدیغندن اقبالی سوء استعماله
باشلادیغندن اکابر دولتک علی الخصوص ابوالسعود مرحومک موجب
شکایاتی اولمش ایدی .

۹۷۹ده ارتحال ابوالسعود افندیکنک انشراح قلبنی موجب

اولمش ایش .

(عطاء الله افندی)

شریف زاده دینمکله مشهور علمادان اولوب سابع ثالث و مصطفی
خان رابع زمانلرنده ایکی دفعه مقام قنوایه صعود ایش ایشده بعض
مساوی حراکاتیه تاریخده سوء شهرت براقشدر .

(عطایی)

شاعر شهر نوعی افندینک اوغلی شعرادن بر ذات اولوب
شقایق النعمانیه « خدائق الحقایق فی تکملة الشقایق » نامیه بر ذیلی
وارد .

(عطری)

سلطان محمد ثالث دورینک شعرای مشهوره سندن اولوب ندیم
پادشاهی ایدی .

(عطوفی)

اسمی مولی خیرالدین حضردر . سلطان بایزید ثانی عصرنده
تقرید ایدن علمادندر .

علوم عقلیه و ادبیه ده صاحب یدطولا ایدی .

(علاءالدین پاشا)

غازی عثمان خانک برنجی اوغلی و دولتمزک ایلك وزیر و صدراعظمی
اولان ذاتدر .

مشارالیه دولتمزده نظامات و قوانین وضع ایتمک اچمه و البسه و عساکر
موظفه ترتیب ایامک کبی خدمات مهمه ابراز ایلمشدر .
ارتحالی ۷۳۷ تاریخنده در .

(علاءالدین العربی)

حلب علماسندن اولوب درسه عادتده ملا کورانی و حضر بکدن
اخذ و اکمال علوم ایدرک ادرنه و بروسه ده مدرس اولدقدن صکره
علاءالدین خلوتیدن علوم باطنیه اکتساب ایلمشدر .

۹۰۰ تاریخنده مسند قنویه کچوب برسنه صکره ارتحال ایلدی .
۹۹ اولادی اولدینی روایت اولنور .

(علی افندی)

زنبللی علاءالدین علی جمالی افندیدر .
 سلطان بایزید سلیم وسایمان قانونی دورلرنده بلا انفصال یکرمی
 آلتی سنه قدر مسندقواده بولنش اولان اعظم علما و اکابر صلیحای
 عثمانیه دن بر ذات جلیل الصفات اولوب عن اصل قره مانلی در .
 شریعت محمدیه یی محافضه ده زهد و تقواده صوک درجه ده متانت
 ابراز ایدر ویاوز مرحوم کی بر مهیب پادشاهه سوز اکلاته رق غضب
 وشدتی تعدیل وازاله ایلر ایمش .
 زیرکده خانه سنک پنجره سندن برزنبل صارقیدوب اصحاب مصالحک
 فتوالرینی بو زنبله وضع ایتدیره رک بعده یوقاری چکهرک حل مسائل
 ایله تکرار آشاغی صارقیده رق بلا مشکلات اعطا ایتسی زنبللی لقبنه
 بادی اولمشدر .

(علی پاشا)

دولت علیه عثمانیه ده علی پاشا اسمنده بر چوق ذوات کلش اولمغله
 بولرک اسامیسی ایله تاریخ نصب وعزل وارتحالری ومدت صدارتلی
 جدول آتیده اراؤه اولمشدر :

اسامی	دفعه	تاریخ نصی	تاریخ وقوعای	ایام	شهر	سنه
علی پاشا چاندارلی	۲	۷۸۸	۷۹۱	۰	۰	۳
خادم علی پاشا	۲	۹۰۷	۹۰۹	۰	۰	۲
ثانیاً علی پاشا	۰	۹۱۲	۹۱۷	۰	۰	۵
سمیز علی پاشا	۱	۹۶۸	۹۷۲	۰	۰	۴
یاوز علی پاشا	۱	۱۰۱۲	۱۰۱۳	۰	۷	۰
کانش قره علی پاشا	۱	۱۰۳۲	۱۰۳۳	۰	۷	۰
عربجه علی پاشا	۱	۱۱۰۲	۱۱۰۳	۱۱	۷	۰
حاجی علی پاشا	۱	۱۱۰۳	۱۱۰۴	۰	۰	۱
سورمه لی علی پاشا	۲	۱۱۰۵	۱۱۰۶	۱۹	۷	۰
ثانیاً	۰	ابقاء	۱۱۰۶	۱۸	۲	۰
داماد علی پاشا	۱	۱۱۲۵	۱۱۲۸	۰	۵	۰

اسامی	دفعه	تاریخ نصی	تاریخ وقوعاتی	ایام	شهر	سنه
بیقلی علی پاشا	۱	۱۱۶۸	۱۱۶۹	۳	۲	۰
چلبی علی پاشا	۱	۱۰۲۹	۱۰۳۰	۰	۲	۱
مولدوانی علی پاشا	۱	۱۱۸۳	۱۱۸۳	۱۵	۴	۰
سلجدار علی پاشا	۱	۱۲۳۸	۱۲۳۹	۰	۱۰	۰
بندرنی علی پاشا	۱	۱۲۳۶	۱۲۳۶	۹	۰	۰


(عیسی چلبی)

ییلدیرم بایزید خانک اوغلیدر .

تیمور وقعه سی اوزرینه ایام فترتده بروسه و حوالیسینک حکومتنی
اله کچورمش ایسه ده چلبی سلطان محمدک بالاسه تقالال حکمران ملک
عثمانی اولدیغنده سطوتی زائل و کندیسى رحمت رحمانه واصل اولمش
ایدی .

(عینی)

متأخرین شعرای عثمانیه دن سرورینک معاصری اولان برزاتدر .
سروری ایله مشاعره سی وار ایدی .
۱۲۵۴ تاریخنده وفات ایتمشدر .



حرف الغین

(غازی کرای)

قریم خانلرینک سرافرازاندن اولوب دولت کرایک اوغلی ایدی.
 اوز دهور زاده‌نک معیتند شوق سفرلرنده شجاعت و بسالتی
 مشاهده اولمش و ایرانده یدی سنه قدر اسارتده قلمش ایدی ۹۹۶.
 اولّا خان نصب اولنوب سکزسنه اون آی وایکنجی دفعه خانلغنده
 دخی اونبر سنه اوچ آی که جمعا یکرمی سنه مسند نشین خانی اولمشدر.
 عالم و ادیب و شاعر بر ذات اولوب آتیده کی بیت آثار
 شعریه سندنر.

راتبه میل ایدرز قامت دلجو یرینه

طوغه بل باغلامشز کا کل خوشبو یرینه

۱۱۱۶ دن ۱۱۱۸ تاریخنه قدر خالق منصبده بولمش اولان
 ذاتک اسمی دخی غازی کرایدر.

(غالب محمد پاشا)

سلیم ثالث دورنده یتشمش و سلطان محمود ثالثک واسطه سلطنتده
 صدارتی احراز اتمش اولان وزرادن اولوب مناصب دیوانیه و ولایت
 شاهانه‌نک اکثرنده بولمش در.


زمانه کوره سیاسیوندن و مصالح دولیه واقفانندن بر ذات ایدی.
 بالیکسمرده وفات ایتشدر.

بغیر

(غالب دده)

مشایخ مولویه‌دن و ادبا و ظرفای زمانه‌دن اولوب یکی قبو مولویخان
 نه‌سند بر مدت مشیختی واردر.
 مرتب دیوانی واردر.

حرف الفاء



سلطین عظام عثمانیہ دن سلطان محمد خان ثانی حضرت تہرینہ
استانبول فتحہ موفق اولدیغندن طولای ویریلان عنوان جلیل
الشاندر .

(فاضل)

شقی طاهر عمرک حفیدی اولوب حرم هایوننده تربیه اولنه رق
سلیم ثالث عصرنده ردوس مولویتله طشره چیمش و بعض مناصبی دورایله
در سعادتده یدی سنه خسته لیکدن صکره ۱۲۲۵ ده ارتحال ایلمشدر .
متین شاعر لردن اولوب خوباننامه زناننامه نامیله ایکی منظومه سی
واردر .

(فاضل احمد پاشا)

کوپرلی زاده ماده سنه مراجعت بیوریله .

(فتحکرای)

قریم خانزاده لرندن اولوب اکری سفر هایوننده بولنش و فوق
العاده شجاعت و بسالتی کورلدیکندن برادری غازیکرای خانک یرینه
خان نصب و تعیین قلنش ایدی . آنجق ابراهیم پاشانک بو آراق
صدارته کلیسی اوزرینسه غازیکرایک ابقاسی اقتضا ایتمکله صاحب
ترجه در سعادتده عودت اوزره ایکن اتلاف ایدلمشدر . ۱۱۴۹ تاریخنده
مقام خانیه قعود و بر سنه صکره معزولاً ویزهده ارتحال ایدن
دولت کرای زاده نک اسمی دخی فتحکرای خانددر . بو ذاتک نادر
شاهه قارشو ایران محارباتنده یرارلنی کورلمش ایدی .

(فخر الدین)

درزی رؤسایان معن اوغلی دیمکله مشهر بر شخص اولوب
دور مراد رابعه شقاوت طریقه سالک اولمغه دواتی بر خیلی مدت
مشغول ایش و ۱۰۴۱ ده اخذ و اعدام اولمشدر .

(فخر الدین رومی)

یلدیرم بایزید خان دورنده یتشمش علما و زهاد کرامدن اولوب
مدرنی قصبه سنده عبادات و طاعات ایله مشغول ایدی .
بو ذات اجرت ایله امامت ایدنلره اقتدایانک علمینده ایش
دعوات ماثوره حقنمه کوزل بر رساله سی واردر .

(فخر الدین العجره)

دولت علیه ده ایکنجی دفعه مشیختی احراز ایدن اعلم و ازهد
علمادن ایدی . عن اصل دیار ایراندن اولوب سید شریف جرجا-
نیدن او قومش و بعده رومه کلوب منلا فناریدن اقتباس فنون ایلمشدر .
ایلك شیخ الاسلام اولان فنارینک ارتحالنده یومی اوتوز اچمه
ایله مقام فتوایه بالتعین اوتوز بر سنه کمال تمکین و وقار ایله بو مقامی
حسن اداره ایشمشی .

صلابت دینیه سی و شریعت محمدیه یی محافظه ده کی علوه همتی ایله
مشهوردر .

(فخری)

شعرادن بر ذات اولوب سلطان سلیمان قانونی حضرتلرینک سود
قرنداشی ایدی .

(فرخ افندی)

اون ایکنجی عصرک اوائلنده یتشمش علما و شعرادن بر ذات
اولوب قریملی ایدی .

مثنویك یدنجی جلدینی نظماً ترجمہ ایتمش ایدی .
وفاتی ۱۲۵۶ تاریخمدہ در .

(فضولی)

عاشق بالله برشاعر اولوب اسمی محمد بن سلیمان ایدی .
کندیسی عراقی اولوب پدری حلهده مفتی ایدی .
نظم ونثری پک پارلاق وعاشقانه غزللری رونقلیدر .
حدیقه السعداسی دیوانی متانت طبعنه دلالت ایدر .

(فیض الله افندی)

دور سلطان سامان ثانیده ۱۰۹۹ده ایکی آی ومصطفی خان ثانیده
سکز سنه بش آی مقام فتواده بولنمش اولان علمادن برذاتدر .
عن اصل ارضروملی اولدینی حالدہ سلطان مصطفی ثالثه خواجہلک
ایتمش واوجهتله مشارالیهک امنیت ومحببتی قزاقمش اولدیغندن عصرنده
آشوری درجهده کسب نفوذ واقبال ایلمش ایدی .
کندیسندن صکره اوغلی فتح الله افندی بی مسند مشیخته نامزد
ایلمش ومنسوبات پرورلکیله اشتهار ایدی .
(۱۱۰۳) دن (۱۱۰۵) ه قدر سلطان احمد ثانی دورنده شیخ الاسلام
اولان ابوسعید زاده فیض الله افندی بشقه در .

(فیض الله افندی زاده شیخ مصطفی افندی)

سالف البیان فیض الله افندینک مخدومی اولوب سلطان محمود اول
دورنده ۱۱۴۸ دن ۱۱۵۸ . قدر مشیخته بولنمشدر .
اسکدارده غنایهده صفة مخصوصه سنده مدفوندر .
ایوبده نشانجیاردہ مکمل برخانقاه ایله سراجخانه باشنده چشمه سی
واردر .

(فیض الله افندی)

داماد زاده شیخ الاسلام ابوالخیر افندینک اوغلی اولوب سلطان عثمان ثالث و سلطان مصطفی ثالث عصر لرنده اوچ دفعه مشیختی احراز ایتمشدر .

ایلك مشیختی ۱۱۶۸ ایکنجیسی ۱۱۷۰ اوچنجیسی ۱۱۷۱ ده در .
فن طب و موسیقی به آشنا ایدی .

حرف القاف

(قاضی زاده احمد شمس الدین افندی)

سلطان مراد ثالث عصر نده ۹۸۵ دن ۹۸۸ ه قدر ایکی سنه آتی
آی مقام فتواده بولنمش اولان ذاتدر .
ابن همای اتمام ایچون کتاب و کالهدن آخر کتابه دکین هدایه
شرعی و اول کتابدن آخر فن نایهیه و ارنجهیه دکین شرح مفتاحه
حاشیه سی و ده سائر حاشیه لری و موافقه تعلیقاتی و سائر آثار
و استانبولده بر مسجدی واردر .

(قاضی زاده محمد طاهر افندی)

سلطان محمود ثانی دورینک واسطنده بولنمش و مشیخت اسلامیه
کچمش علمادن شدید الهمة صلابتله متصف بر ذاتدر .
قضاتدن توقادلی عمر افندینک اوغلی ایدی .
یکیکچری او جاغنک الفاسی آواننده مشیختده صاحب بطش بر ذاتک
بولنمش اقتضا ایتکله بالنسبه حلیم و چای طبیعتلی بولنان مکی زاده نک
یرینه نصب اولنمش و او جاغ ماغناک قالدیرلمسند همتی کورلمشدر .

۱۲۴۱ دن ۱۲۴۳ تاریخه قدر ایکی سنه آلتی آی بش کون مقام
فتواده بولمشدور .

طرق علییه دائر توریه اسمیله موسوم بر رساله سی و آلتی همر مرده
بر تکه سی واردور .

(قاطرچی اوغلی)

اوائل حالنده شقی حیدر اوغلنك سر قیلانی و مفاسدندۀ اقواسی
اولوب کمر ادرمید اتر اکندن پك کوزلی جسور برکنج ایدی .
افندیسی حیدر اوغلنك جزاسی ویرلدکن صکره آنک یرینی طوتوب
دور محمد خان رابعده آناطولیده بر آلائی مفسدلرله قطع طریق و غصب
امول ایله مشغول اولمقده و جمعیت فسادینی کوندن کوته چوغالمقده ایکن
اوزرینه عسکر کوندردی ایسه ده مرقوم جری و سواریلکده ماهر
اولدیغندن اله کچورلسی صعوبتلی اوله جفی مرکز سلطنتدن تفرس اولمغله
عفوی قرار کیز اولدی و ارکان دولتن استمالنامه لر کوندریله رک قباحتی
عنو و بکشهری سنجاغیله تلطیف اولمشدور .

بوندن صکره قاطرچی اوغلی خدمه پادشاهی سلککنده ترقی ایدرک
آبازه حسن پاشا اوزرینه سردار نصب و پاشالق عنوانی اعطا اولمش
و کو بریلر دورنده خیلجه ایش کورمشدور .

(قبا قولاق ابراهیم پاشا)

ابراهیم پاشا ماده سنه مراجعت بیوریله .

(قره ابراهیم پاشا)

سلطان محمد رابع دورنده ۱۰۹۵ دن ۱۰۹۷ یه قدر ایکی سنه
صدارتده بولمش اولان وزرادن اولوب فراری مصطفی پاشا دائر مسندن
یتشمه در .

(قره چای زاده)

علما و ادبای عثمانیه دن سلطان محمد خان رابع دورنده مشیخته
کچمش اولان عبدالعزیز افیدیر.

صدور عظامدن قره چای زاده حسام الدین افدینک اوغلیدر .
علی الاصول دور مدارسدن صکره مکه یکشهر قضالرینه نائل
و ۱۰۴۳ ده استانبول قاضینی اولمش ایدی.

استانبول قاضیغنده قبریسه نفی اولمش ومؤخرأ ابتدای سلطنت
محمد خاند روم ایلی قاضیعسکر لکنه نائل اولدی .

بوانشاده تألیف ایتدیکی « روضة الابرار » نام تاریخک منظور پادشاه
دقیقه دان اولمسی اوزرینه شیخ الاسلام بهائی افندی به رغماً فروه بیضا
اکسا ایله پایه مشیخت اعطا اولمشدر .

۱۰۶۱ تاریخنده بهائی افدینک انفصالنده مقام فتوایه نصب و آتی
آی قدر اول مقام عالیده بولندقدن صکره عزل ایله اولاً ساقزه وبعده
بروسه یه کوندریله رک یدی سنه صکره ۱۰۶۸ تاریخنده اوراده ارتحال
ایلدی.

(قره حصاری ابراهیم افندی)

سلطان عبدالحمید خان اول عصرنده ۱۰۹۶ تاریخنده طقسان
باشنده اولدینی حالده مقام مشیخته کچمش و ۱۰۹۷ ده انفصال ایتمش
اولان علمادندر .

قضاتدن عثمان افدینک مخدومی ایدی .

(قره مصطفی پاشا)

دور سلطان مراد رابعک او اخیایامنده بغداد محاصره سنده شهید

اولان صدر اعظم طیار محمد پاشانک یرینه ۱۰۴۸ ده صدارته کچمش
وسلطنت ابراهیم خانیده بالابقا ۱۰۵۳ ده دارعدمه ایصال قلنمشد.
بوذات ارناود جنسنه منسوب اولوب اوجاقدن یتشمش وبغداد
محاصره می انناسنده صدارت قائممقاملغنه نائل اولمش وطیار پاشانک
نهاوتیله صدر اعظم اولمشدی .

اوائل سلطنت ابراهیم خاندن کمال استقلال ایله اجرای حکم ونفوذ
ایتمش وسکدنک تصحیحجیلہ تحریر نفوسه همت ایلمشد.
مشارایه شجاعت وشهامت وعقل وکیاست ایله موصوف وجود
وسخا و تربیت عرفا ایله معروف ایدی .

لکن اجرا آتده افراطندن ناشی خلقی کنندیسنندن تنفیره باعث
اوله جق بعض حالات ظهور ایتمش ایدی .

(قره وزیر)

سلطان عبدالحمید خان اول عصرینک اک ممتاز وزراسندن ومسند
صدارتی احراز ایدنلردن سلحدار محمد پاشانک لقبی در .

(قلابلی قوز احمد پاشا)

دور سلطان احمد ثالثده ۱۱۱۶ تاریخنده صدارتده بولنمش واولچ
آی صکره انفصال ایتمشد .

عن اصل قیصریه لی اولوب جاهل وایش بیلمز بر آدم ایدی .
ظرفای عصردن برذات حقنده شو قطعه می سویلمشد :

ناکهان برکون قلابلی قوز کلوب اولدی وزیر
هر کورن دیدی وزارت عرضنی ایلر شکست
بن دیدم اوسلاندی زیرا چرخ تأدیب ایلوب
تربیت قیلمق کرکدر آتی بونجه سرگذشت

دیدي بر دانای کار آگاه صاحب تجربه
 تربیت نا اهل نا چون کردگان بر کنبدست

(قوجه مصطفی پاشا)

سلطان بایزید ثانی عصرینک اواخرنده صدارتده بولنش وجامع
 و تنکبی بنا ایش اولان وزیر مشهوردر .

۹۱۷:۹۱۸ تاریخنده یدی آی صدارتده بولنشدر .

(قویوچی مراد پاشا)

مراد پاشا ماده سنه مراجعت اولنه .

حرف الکاف

(کاتب چلبی)

مؤلفین ومصنفین عثمانیه نك سرافرازی اولوب مصطفی طلیقه
 ناميله مشهوردر .

عن اصل زعمادن اوله رق بر چوق محارباتده بولنش وزماننده
 هنوز ممالك محروسه ده متداول اولیان بر چوق آثار نفیسه یی لایتنه دن
 ترجمه یه ترجمه ایشدر .

کشف الظنون فذلکجهانما کبی آناری ایوم مقبول ومعتبردر .

(کاتبی رومی)

مشاهیر بحر یونندن غلطالی سیدی رئیسک مخاصی اولوب سیدی
 رئیس ماده سنه مراجعت اولنه .

(کامل افندی)

سلطان عبدالحمید خان اولک اواخر وسلیم ثالثک اوائل سلطنتلرنده

مسند مشیخت اسلامیة ده بولنش اولان علمادن اولوب صدوردن
عثمان افندیك اوغلی در .

۱۲۰۲ دن ۱۲۰۳ تاریخه قدر بر سنه آلتی آی مقام فتواده
بولمشدر .

اسکدارده قوش باغی نام محله جاده اوزرنده کی صفه ده مدفوندر .

(کامل پاشا)

۱۲۷۹ تاریخنده مقام صدارته کچوب بش آی مقامی محافظه
ایتمش اولان مصرلی یوسف کامل پاشادر .

عن اصل عربکیرلی اولوب مصرده تفیض ایتمش وکمرکچی عثمان
پاشانک اقریاسندن بولنش ایدی .

مصر والیسی محمد علی پاشانک کریمه سی زینب خانمک زوجی ایدی .

ادبیاتده مهارتی تلماق ترجمه سی نام اثرندن معلومدر .

اسکدارده انشا کرده سی اولان نسا خسته خانه سنده زوجہ سی
خاتم ایله برابر مدفوندر .

(کانی)

متأخرین شعرا و ادبای عثمانیه دن وارباب اقتداردن بر ذات اولوب
سلطان محمود ثانی دورنده یاشامشدر .

آثاری هزلیات ایله مالامالدر .

سروری مرحوم تاریخ وفاتی پک کوزل سویلمشدی .

(کانی پاشا)

عصر اخیرده یتشمش و مالیه و رسومات و ملکیه تقاعد صندوق

نظارت لرنده بولنش اولان وزرادن اولوب عفت و استقامت ایله
موصوف ایدی .

(کتبخدا حسن پاشا)

جناره حسن پاشا دینمکله مشهور اولوب سلیم ثالث دورنده
صدارته بولنمش ایدی .

(کوبریلی محمد پاشا)

دولت علیه عثمانیه ده مقام صدارتی احراز ایتمش وزرانک ائک
مقتدر و صاحب حیثیتلرندن اولوب دولت و ملتته اونودلر خدمت ابقا
ایلمش و غایت اغتشاشلی بر زمانده حضر کبی یتیشهرک اجرات
حسنه سیمله اعاده انتظامه موفق اولمشدی .

بو ذات عن اصل ارنارد اولدینی حالده آناطولیده کی کوبری
قصبه سنده مدت مدیده اقامتی کوپرلی عنوانی آلمغه سبب اولمشدر .
اوائل حالده بعض مأموریتلرده و طرابلس شام والیلکنه نصب
اولنه رق خرج راه تدارکی ایچون درسه عادتده اقامت ایتمکده ایکن
آوجی سلطان محمد خانک واسطه سلطنتلرندم دولتک دوچار اولدینی
حال اغتشاشکارانه ارباب صداقتک یورکنی یاققرده و اکابر و اعیان
سلطنت اصلاح احواله بر چاره آرمقده ایکن خیرخواهان دولندن
معمار قوجه قاسم آغانک سوق و دلاتیه صاحب ترجمه صدارته
کتورلمشدر . ۱۰۶۰ .

مشار الیه هر نقدر یتمش یاشنده بر پیر ایدیسده عاقل و درایتلی
وامر اداره ده خاطر و کوکله باقز بر ذات اولدیغندن در حال اوجاق
زوربالرینی تأدیپ و هربار ایقاع فساد مستعد اولان یکیکچری اشقیاسنی
تربیه ایدرک داخلی قاریشقلنی اورته دن قالدردینی کبی وندیکلو الله
چکمش اولان یرلری دخی استردادده موفق اولمشدر .

افلاق و بغداد بکلرینک ایستان ایشلرینه مداخله لرینه مبنی قوجه

وزير اوزر لرینه واروب تأديب ايتد کدن صکره اردل قرالی راقوچي يي
دخی بعد العزل يرینه ديکري ني نصب ايدرك آناطولیده کی آبازه حسن
جمیتي طاغندی حاصلی اختیار لغیله برابر غیرتی الدن بر اقیوب کیجه
کوندز دولتك اصلاحنه چالشمقدمه وارباب مکافاة و مجازاته اجرای
عدالت ایلله ذمه جه مسامحه کوسترما مکده ایکن صدارتک آلتیجی
ییلنده ارتحال دار بقا ایدرك وصیتی موجبجه اوغلی رکاب هایون
قائم مقامی فاضل احمد پاشا صدر اعظم نصب اولمشدر .

(کوبرلی زاده فاضل احمد پاشا)

آنف الترجمه محمد پاشا نك اوغلی و خلفی اولوب یکر می بش
باشنده ایکن محمد پاشا نك وصیتی موجبجه صدارته کچورلدی .

احمد پاشا کنج ایسه ده مکمل تحصیل کورمش وامور سیاسیه ده
پدری کبی بر معامدن درس آلمش غیرتلی و حمیتلی بر ذات اولدیغندن
صدارته نصب وتعیینی محمد پاشا مرحومک تسکین ایتدیکی آتش
فتنه نك یکیدن علولمنسنی منع ایتمش و کوبریلینک وفاتی فرصت اتخاذیله
استفاده یه انتظار ایلیان عصاتک امیدلریخی بتون بتون کسمشدر .

احمد پاشا نك اون آلتی سنه دوام ایدن مدت صدارتی حقیقه
یک پارلاق کچدی :

آوستریا اوزرینه بالذات سوق ایتدیکی اردولر تا سلیزیه قدر
آلمانای داخلی ایالاتی و مجارستانی چیکنیه رک فرانسر و آوستریا لیلردن
مرکب اردولری بوزمش و شغونارد جوارنده مشهور جنرال مونته
قوقولی یه غلبه ایدیلهمامش ایسه ده غایت شانلی و منافع دولته موافق
اولان واسوار معاهده سی عقد ایدیلهرک حربه ختام ویرلشدر .
فرانسرلرک اعانه سیله یکر می اوج ییلدنبری دوام ایدن کرید

محارباتی بالذات فاضل احمد پاشانك قندییه هجومیه قلعہ ضبط ایدیلهرك
جزیره كاملاً تسخیر ایدلمش وله قرالی مشهور صوبیه سکی نی بر محار-
ربه ده مغلوب ایدرك بودولیا ایالتی ممالك محروسه یه الحاق ایلمش
الحاصل دولتک عصر قانونیده کی شوکت وسطوتی استردادہ موفق
اوله رق دشمنلرده شق شفہ یه قدرت بر اقامشدرد .

صدارتنك اون بشنجی سنه سی ۱۰۸۱ ده پك كنچ ایكن ارتحال
ایله یرینه کوپرلی مذسوبانندن مرزیفونی قره مصطفی پاشا صدر اعظم
نصب اولنمشدر .

مشار الیهک طبیعت شعریه سی دخی اولوب عشرته کثرت ابتلا-
سندن بشقه معای یوق ایدی .

حرف المیم

(مالخاتون)

مؤسس بنیان دولت عثمانیه اولان سلطان عثمان خان غازینك
زوجۀ مكرمه لری و مشایخ کرامدن اده بالی حضرت تلیرنك کریمه لیدر .
غازیؑ مشار الیه اوائل حائده اده بالی حضرت تلیرنه معتقد اولوب
دائماً شیخك زاویه سنه دوام ایتمکله اول دختر سعداختره دلدادہ اولمش
و پدرلرندن طلب بیورمش ایدی .

شیخ اده بالی کریمه سنك تزویجی غازی عثمانك کوردیکی رؤیای
صادقه اوزرینه قرارلشدرمقله همان عقد نکاحلرینی بالاجرا مالخاتونی
اعطا ایلدی .

ایشته شجره مقدسه عثمانیه نك برر شاخ متینی اولان علاء الدین

پاشا ايله اورخان غازى حضرتلى خاتون مشارالیهانك ثمره فؤادیدو-
مالحاتون زوج مکرمندن بر آى اول دار بقایه رحلت ایتشدو .

(مالی)

عثمانلى شعراسندن مقتدرجه برشاعر اولوب ۹۴۲ ده وفات ایتشدو-
آثار شعریه سی معیندار دز .

(مانی)

اونجی عصر هجریده یاشامش شعرادن اولوب مدرس ایدی .

(ماهر نعمان بك)

اغریبوزلى ماهر بك دیمكه مشهو اولوب عصر اخیره نشو و نما
بولمش و تقویم وقایع نظارتی، آمدجیلک منصبی، اوقاف نظارتی کبی
مناصب دولتی بعد الاحراز ۱۲۵۹ ده معزولاً وفات ایلیمشدر .
دیوانی مرتب و مقبولدر .

(ماهی)

۱۲۱۰ تاریخنده رحلت ایتمش و اون برنجی عصرک اواخرنده
یشامش اولان برشاعر در .

(مثالی)

ادرنه لی بر صنعتکار ایکن شعر و ادبیاته هوس ایتمش و میلانی
حسن نتیجه یه ایصال ایلیمش ایدی .
شویت جمله شعریه سیندندر :

بیت

قویوب کوپکده کوکلم راه غربت اختیار ایتدم
کوکلم قالمسون یکم بول قالمسون دیرلر مثلدن بو

(مجرى)

۱۰۷۷ ده دنيایه کلوب ۱۱۵۱ ده ارتحال ایتمش بروسه لی بر
شاعر در .

(محسن پاشا)

محمود نانی دورنده علمدار پاشادان صکره صدارته کچورلمش بر
ذات اولوب عدم اقتدارینه بناء قرق کون قدر صدارتدن صکره
عزل اولمشدر .

(محسن زاده عبدالله پاشا)

سلطان محمودخان اول دورنده صدارته بولنمش مشاهیر وزرادن
اولوب حاجلی تجارندن محسن چلبیک اوغلی در .

کنجلیکنده بیوک برادری ضربخانه امینی محمد افندی طرفندن
ضربخانه کتابتنه تعیین اولنوب استعداد و ذکاوتی حسیه آز وقت
ظرفنده قطع مراتب ایدرک شق اول دفتر داری و چورلیلی علی
پاشایه داماد اولدقده کتبخدای صدر عالی نصب اولنش و بعده متعدد
مأموریتلرده بولندقدن صکره موره سرعسکرلیکی و یکیچری آغاخی
کچی مهم خدمتلرده ابراز کار آکاهی ایتمش و ۱۱۵۰ ده ساجدار
سید محمد پاشادان صکره صدارته کچمشدر .

بر مدت تقاعداً کوشه استراحتیه چکلمش ایسهده بالاخره ینه
والیلکدرده دها سائر مأموریتلرده قولالنیلوب ۱۱۶۲ . بوسهده
ارتحال ایتمشدر .

(محسن زاده محمد پاشا)

آنف الترجه عبدالله پاشازاده اولوب پدریله بر چوق ایالتلرده
بولندقدن صکره سلطان مصطفی ثالث دورنده ایکی دفعه صدارته

نصب اولمش و ۸۲ سفرینه متعرض بولندیفی ایچون ایلك صدارتندن
بالطبع معزول اولمش ایدی .

محاربه نك كسب اهمیت ایتدیكى صرملرده صاحب ترجمه ینه
صدر اعظم و سرعسكر نصب اولنه رق سرحدہ كوندرلمش اولدقچه
دشمنه مقاومت ایله مظفرياتمزی وعقد مصالحی تأمین ایلمش ایکن
خسته لانی سببیلہ شمتی ده ارتحال ایدرك نعشی درسعادته كوندرلمشدر .
عاقل مدبر امور دیده بر ذات ایدی .

(محسن قیصری)

اورخان غازی دورینك علماسندن دكرلی بر ذات اولوب قیصریه ده
طوغمش و اوراده تحصیل ایتدكن صكره شامه كیدرك اكال علوم
ایلمش ایدی .

فقه و فرائضه دائر ایکی اثری وارد .

(محك زاده مصطفی افندی)

دور محمد خان رابعده یتشمش علمادن وسط اقتدارلی بر ذات
اولوب ۱۰۶۶ ده ظهوره کلان چنار وقعه سی اوزرینه مشیخته
كچوریلرك اون اوچ ساعت قدر مقامی محافظه ایتمش ومؤخرأ حلب
قاضیلانی ایله حلبه كوندریلرك اوراده وفات ایلمشدر .

(محمد افندی)

اسیری دیمكله مشهور علمادن اولوب آوجی سلطان محمد خان
دورنده مقام فتوايه كچمش (۱۰۶۹) و اوچ سنه بومقامی حسن اداره
ایتدكن صكره كوپرلی محمد پاشا حقنده تعریضاتده بولنسی سببیلہ
عزل و بروسه یه اجلا ایله اوراده ارتحال ایلمشدر .

عن اصل بروسه لی اولوب دارالسعاده آغاسی سنبل آغا ایله برابر

مصره کیدرکن قورصانلره اسیر اولمسی اسیری مخلصیه تخلصی موجب اولمشدر .

(محمد افندی)

اوچنجی سلطان احمد ایله برادری سلطان مصطفی دورلرنده ایکی دفعه شیخ الاسلام اولان امام سلطانی محمد افندی بروسلی اولوب آوجی سلطان محمد خانک امامی ایدی .

اولا ۱۱۰۶ ده آلتمش یدی کون وئانیآ ۱۱۱۵ ده آتی آی مقام فتواده بولمش ایدی .

انتخاب نایسندن طولای اکتساب ایلدیکی غرور سبب عزلی اولمشدر .

(محمد افندی)

شیخ الاسلام چتالجهلی علی افدینک حفیدی ویکشهرلی شریف افدینک اوغلی در ۱۱۸۷ ده مشیخته کچوب آتی آی اجرای حکم فتوا ایتمش و ۱۱۹۳ غایت مسن ایکن وفات ایلمشدر .

(محمد پاشای رومی)

فاتح دوری وزراسندن وصدارتی احراز ایدنلردن اولوب محمود پاشای عدینک معارضی ایدی .

قره مان سفرنده پاشای مشار الیهی غمز وسغایت ایتدیکی ایچون صاحب ترجمه محمود پاشایه خلف اوله رق اوج سنه صدارتده بولمشدر .
حدیقه الوزرانک قولنجه محمد پاشا مقام صدارته کچمامشدر .
اسکدارده انشا کرده سی اولان جامعک حولیسنده مدفوندر .

(محمد پاشای قرمانی)

نشانچی پاشا دخی دیرلر .

فاتح دوری و زراسندن عالم و ادیب عاقل و مدبر بر ذات اولوب
پادشاه مشارالیهک اواخر ایامنده مسند صدارته کچمش و ککبوزده
فاتحک ارتحالنده برلکده بولنهرق کیفیت وفاتی کتم ایتمش و در سعادتمند
ظهور ایدن شور شده تلف اولمشدر.

(محمد پاشای طویل)

تاریخ عثمانیده صقوللی وزیر نامیه متعارف اولان اکابر وزرای
عثمانیه دن بر ذات اولوب صحایف تواریخده اجراءات جهانپسندانه سیله
حسن ضیت براقشدر.

عن اصل صوقوللی اولدینی حالد حرم هایونده تربیه اولنهرک
قبوچی باشلیق ایله طشره چیقمش و مؤخرآ ۹۵۳ قبودان دریاً
اولمش ایدی.

مجارستان محارباننده حسن خدمتی کورلدیکندن رتبه وزارتله
تلطیف اولمش و سلطان سلیم ناینگ کریمه می اسمخان سلطانی
تزوجله نائل صهریت شهر یاری اولمشدی.

سلطان سلیمان قانونینگ اواخر سلطنتده ایکی سنه صدارتمده
بولنوب پادشاه مشارالیهله سکتوارده بولنوب کیفیت رحاتی کتم
ایتمک کبی خدمات مهمه ابراز ایلمشدر.

سایم ثانی حضر تلیزینگ هنگام سلطنتلرنده سکر یچی سنه کمال
استقلال ایله رونق بخش منصب وکالت اولدینی کبی مراد خان ثالث
اوائل دورنده دخی آلتی سنه که اون بش ییل بلا فاصله صدارتمده
ایفای خدمت ایلمشدر.

۹۸۷ ده بر مجذوبک تیغ غدیرله حائز رتبه شهادت ایله ایوب
سلطانده رتبه مخصوصه سنده و دیعه رحمت رحمان قلندی.

مشار الیه غایت عقیف و مستقیم و کار آشنا بر وزیر ذیشان اولوب
ایام صدارتنده دولتك حالى اوج اقباله واصل اولمشدی .

(محمد پاشا)

سلطان محمد ثالثك شهزاده لكکنده خدامندن و امكدارانندن اولوب
وابهزادهك تزویجیه قدری اعلا اولمش و اوائل سلطنتلرنده مهره
نائل اولمش ایدی .

آنجق شیر پنجه ایله مریض اولدیغندن زمام ادارهیه دست رس
اولندن ارتحال و وقوع اولمشدر .

سلطان احمد اول دورنده صدر اعظم اولان و مجارستان و شرق
سرعسكر ليكرنده خدمات حسنه سی مشاهده قیلان شجعان و نامداران
وزرادن مغنیسالی لالا محمد پاشا بشقه در .

بو ذات ۱۰۱۵ تاریخنده مفلوجاً ارتحال ایلدی .

(محمد پاشا)

قره كمرک سمتمده براوكوز نعلابندينك اوغلی اولدیغی ایچون اوکوز
محمد پاشا و مصرده والیدکی هنكامنده ارباب شقاوت حقهده سیاست
شیدده بولندیغندن قول قران محمد پاشا اسملیله متمارف بر وزیر
صاحب التدبیردر .

احمد خان اول دورنده ۱۰۲۳ ده اولا عثمان ثانی عصرنده
۱۰۴ ده ثانیاً صدارته ارتقا ایله اوج سنه درت آی صدر اعظم
اولمشدر .

شرق سرعسكر ليكرنده روانی فتحه موفق اوله مامسی سوء تدبیرینه
حمل ایله عزل و حلیده وفات ایتمشدر . شرف صهریته دخی نائل
اولمشدی .

شاعر مشهور انطاکیه‌لی منیفی مظهر نوازش ایتمش و مومی الیه
پاشا حقه‌ده آتیده‌کی قطعه‌بی انشاد ایلمشدر .

شامده بیلمدیلمر قیمتی

رحلت ایتدم حلب‌الشهبایه

خرلرک جفته ازعاجندن

التجا ایتدم اوکوزپاشایه

(محمد پاشا)

سلطان احمد اول دورنده یتشمش و سلطان مصطفی خان اول
عصرنده ۱۰۳۱ ده صدارته کچمش وزرادن اولوب کرجی الاصل
اولغله کرجی محمد پاشا دیو اشتهار ایلمش اوج دفعه قائمقاملی بوسنه
وباغراد ده والیلکی و سائر پسندیده خدماتی وار ایدی تربه‌سی
ایوبده در .

(محمد پاشا)

سلطان زاده محمد پاشادر .

صدراسبق جفاله زاده ورستم پاشالرک احفادی ووالده‌سی سلطان
اولغله سلطان زاده دینمکله کسب شهرت ایتمش ایدی .

سرای هایونده تربیه اولوب غایت کنج ایکن قبوجی باشیلیق ایله
طشره چیقغله جوان قبوجی باشی نامنی اخذ ایتمش و سلطان عثمان
خان ایله خوتین سفینه کیدوب حسن خدمتی کورلمش ایدی .

مصرده اوج سنه والی‌لک ایدوب بحر سیاهده آزاق جهتی سردار لغنده
یاوری طالع ایله خدمتی بکندرمش ایسه‌ده اولوقتلر صدارته اولان
وزیر جلالت سمیر قره مصطفی پاشا صاحب ترجمه‌نک اقبالنی چکمه‌یرک
شام ولایتنه کوندرمش ایدی .

شامه وصولنده قره مصطفی پاشانك فوقی وقوعبوله رق ۱۰۵۴ ده
 صدارته و برسنه صكره قبودان دریا نصب اولنه رق كریده كوندردلی .
 آنحق چلبی مشرب نازك طبیعت اولوب مشاق بحریه آلیشیق
 اولدیغندن خسته لوب كریده وصولنده ارتحال ایتمش ونعشی در سعادته
 جلب ايله هدایي دركاهنده دفن اولمشدر .

صدارتنه جنجی خواجهك مجلوبی اولدیغندن كریده مهمات
 ارسالندن غیری خدمتی كوریله مامشدر .

(محمد پاشا)

آوجی سلطان محمدك وزراسندن كرجی الاصل بر ذات اولوب
 طشره والیسكرنده برخیلی زمان بولندقدن صكره ۱۰۶۱ ده صدارته
 نصب وسكز آی مرورنده عزل ايله طرخونجی پاشا مقام مشارالیه
 ارتقا ایلدی .

ایکی آی قدریدی قلهده محبوس قالدیغنی حالد بهائی افندیك
 رجاسیله عفو وطشریه والیك ايله كوندردلی .

بر آراق ایوبده کی خانه سنده اقامته مأذون اولدیسه ده حفظ اللسان
 قاعده مستحسنه سینه اتباع ایده میوب طمشواره ارسال و اوراده
 وفات ایلدی .

(محمد پاشا)

بونی اکرلی لقیله مشهردر .

بغداد محارباتنده آلدیغنی جریحه لر سببیه بونی اکرلی قالمسی باعث
 لقیدر .

عن اصل جانیکی اولوب تیمور قازیق خلیل پاشا دائره سندن
 یتشمش وابشیر وقعه سنده یرارلنی كورلمش ایدی .

غایت عقیف و حمیتلی اولوب ارباب شقاوت حقنده شدت سیاست
ایله معروف ایدی .

رجالدن کل یوسف افندیکن یکنی اولسی یکن محمد پاشا لقبه
بادی اولمشدر .

(محمد پاشا)

سلطان محمود خان اولک عهد سلطنتارنده یکن محمد پاشا یرینه
صدارته کتورلمش و سردارلق دخی علاوه مأموریت قلنمش اولان
عوض محمد پاشادر .

عن اصل پاغونیهلی اولوب بمض وزیریه خدمت و حکیم اوغلی
علی پاشانک عزلنده قائم مقام نصب اولنش ایدی .

صدارتی حرب زماننه تصادف اتمکله یرارانی وعقد مصالحهده
ایشکذارانی کورلمشدر .

اینبختی محافظی ایکن اوراده ارتحال ایلدی ۱۱۵۴ .

(محمد پاشا)

تریانکی محمد پاشادر .

استانبوللی اولوب زمره بکناشیاندن برینک اوغلی ایدی .

روسیه محاربه سنده حسن خدمتی کوریلوب طونه جهتنک تحدید
حدودینه مأمور اولوب خدمتی کورلمکله صره سیله یکچیری افندیسی
وترسانه امینی وکتخدای صدر عالی نصب و تعیین قلنمشدر .

۱۱۵۹ده صدارته کتورلدیسهده حدت مزاجی و امتزاجسزلخی
جهتیه ۸۵ کون صکره عزل وولایات والیکلریله طشریه کوندرلمش
واواخر عمرنده مرفوع الوزاره اولدینی حالده رتموده وفات ایلدی .

(محمد پاشا)

سليحدار لقييله مشهور اولانلرك بىر اولوب سلطان مصطفى خان
تالت دورنده پارلامش وعائشه سلطانك زوجيتيله قدرى عالى اولمش
وولايات واليلىكلارنده حسن خدمتى كورلمشدر .

روسيه محاربهسى ائناسنده رتبه صدارت وسردار اكرمى يه اصعاد
اولنديسهده زماننده وقوعبولان باباطاغى هزيمتى عزلى موجب اولمغله
نظردن دوشمش ووزارتى رفع اولمش ايدى .

سلطان عبدالحميد خان اول حضرتلرينك بدايت سلطنتلرنده
ينه مرتبه اقباله صعود ايدرك سالانيك بوسنه کوتاهيه ارضروم
وسائر ولاياته كوندريلوب ۱۲۰۲ ده سكسان ياشنده اولدينى حالد
قنديده وفات ايتمشدر .

(محمد پاشا)

قلفات محمد پاشا ماده سنه مراجعت اولنه .

(محمد پاشا)

سليحدار سيد محمد پاشا اولوب قره وزير دينمكله مشهوردر .
قره وزير ماده سنه مراجعت اولنه .

محمد پاشا اسمنده وزراى دولتدن بر جوق ذوات دها بولنوب
لك مشهورلرى يوقايرده ذكر وتحرير قلمشمشدر .

محمد خان اول

محمد خان اسمنده جالس سرير عثمانى اولان سلاطين عظام عثمانيه
حضراتك برنجيسى اولوب چلبى سلطان محمد ناميله مشهوردر .

بيلىدريم بايزيد خانك اوغلى اولوب مشار اليك آنقره محاربه سنى
غائب ايتمى اوزرينه ظهور ايدن فترت ائناسنده آماسيه يه چكيلهرك

همچو حکمداری ایله اردل قرالی قوه عسکریه لرینی جمع ایله موکب
 هایونه قارشو گلش اولدقلرندن اکرییه اون سکر سساعت مسافه سی
 اولان خاج اووه نام موقعده بر عظیم محاربه وقوع بولمشدر . اول
 امرده الایلر مزنارومار اولوب دشمن سواریلری اوتاغ هایون اطرافه
 قدر گلش لرایسه ده سوار ی قوماندانی جغاله زاده سنن پاشانک و قلغای
 فتح کرای سلطانک بر مانوره لری سایه سنده دشمن هزیمت کامله یه
 گرفتار ایدلدی و یک چوق اموال غنایم اله کچدی . بعده صدر اعظم
 داماد ابراهیم پاشا بالذات سفره کوندزیلوب (۱۰۰۸) تاریخنده
 آوسرتیایک الک محکم قلاعنندن اولان قنیر می فتح ایله تریاکی حسن
 پاشایی محافظه سنه مأمور قیلدی . ایکی سنه صکره قرق الی ییک عسکر له
 قنیر می استرداد کان آرشیدوق فردینان اردوسی تریاکی حسن پاشا
 طرفندن کاملاً منہزم و پریشان وبالجمله طوب و خیلی جبه خانه سی اغتنام
 ایدلدی .

دور سلطنتلری اواخرنده ایران حکمداری شاه عباس جانب
 سلطنت سنییه ترک ایتدیکی آذربایجان و شروان الکالرینک استردادینه
 فرصت کوزتمکده ایکن نمچه سفر لرینک امتدادی و اولجانبه اعزام
 اولنان عسا کر کلیه سبیله قوه عسکریه دن خالی قالان آناطولیده
 جلالی اشقیاسنک ظهوری فرصت ارائه ایتمکه (۱۰۱۲) ده اعلان
 حرب ایدوب تبریزی ضبط ایله روانه طوغری ایلروله مکده دوام
 ایتدیه ده تاریخ مذکورده مشارایه سلطان محمد خان ثالث حضرتلری
 اوتوزیدی یاشارنده ایکن مرتحل دار آخرت اولدیلر .

محمد خان رابع

ابن ابراهیم خان سلاطین عثمانیه ایچنده یدی یاشنده نائل سلطنت
 اولمغه تمیز ایتمشدر .

سلطنتلری پک غائله‌لی برزمانه مصادف اولدیغندن سکز سنه قدر
 تمادی ایدن ایام بر بحران دائمی ایچنده کچمش ایسه‌ده کوپرلیلردن
 متعاقباً صدارته کچن اوج ذاتک هممات متوالیه حیتشناسانه لریله غوائل
 موجوده بالیکلیه ازاله اولنه‌رق عهد سلطنتلری رونقدار بر حال اکتساب
 ایتمش حکومات متجاوریه برر کوشمال تأدیب ویریلوب ویانه محاصره
 اولنش سنغورثار جوارنده محاربه‌ده غالبانه بر معاهده امضالمنش ربع
 عصر قدر دوام ایدن کرید ماده‌سی ختام بولمش حاصلی کوکلره
 مسئولی اولان غموم واکدار بر طرف ایدلشد.

کوپرلیلرک یکریمی سکز سنه سورن ایام اقبالی قره مصطفی پاشا
 ایله ختامه ایردکده معضامات امورینه نااهللر الله کچمکله یینه محاربات
 باش کوستروب غوائل داخلیه دخی انضمام ایتکه باشلامغله سلطان
 محمد خان قرق سنه سلطنتدن صکره ترک کاربار مشاغل ایدرک یرینه
 برادری سلطان سایان ثانی خلف اولمشدر (۱۰۹۹).

(محمد رشدی پاشا)

شروانی زاده دیمکله شهر عصر اخیر وئراسندن اولوب ۱۲۹۰
 تاریخنده صدارته کچمش ایدی.

اولا طریق علمیه منسوب اکابر علمادن ایکن تبدیل طریق
 ایلمش ایدی.

(محمد علی پاشا)

باشیبوزوق سر چشمه لکندن مصر والیکته صعود ایدن مشهور
 قواله‌لی محمد علی پاشادر.

کوریمچه‌ده طوغمش و قواله‌ده بیومش اولدیغندن توتونجیلک ایله
 مشغول ایکن مصرک ناپولیوندن تخلیه‌سی مناسبتیه بعض تشکیلات

عسکریه به لزوم کورلیدیکی ایشتمدکده طوغریجه بر مقدار عسکرله
مصره کیتمش وشجاعت وبسالتی جهتیله اولحوالیسده خیلی ایش
کوروب بین الایان کسب اشتهار ایلمش ایدی .

محمد علی پاشا والیالک فرمانی استحصالدن صکره ذکاوة خدادادی
مقتضاسیله مصرک اسباب عمرانی تحری به باشلامش ایسهده تصوراتنک
موقع اجرایه وضعنه مانع وحقیقه مصرده بر دره بکی اوجانی حانی
آلمش اولان کوله منلری بر طرف ویرینه اصول جدیده اوزره تعلیملر
ومنتظم عساکر نظامیه احداث ایلدی .

کوله منلرک الغاسندن صکره تصمیماتی برر برر موقع فعله وضع
ایله تاسیسکرده سی اولان عساکره اوروپادن ضابطلر جلب و بونلر
واسطه سیله تعایم و مانورلره ایشدیردی .

بونکله برابر زراعت وتجارت و صنایع جهتلرینی الدن بر اقیوب
یوللر انشا وجدوللر کشاد ایتدره رک مصرک قابلیت ثروتندن استفاد
ایلمشدر .

وها بیلرک حریمینه استیلاسی اوزرینه محمد علی پاشا مأمور بیورلمغله
کرک کنندیسی و کرک اوغلی ابراهیم وطوسون پاشالری عساکر کلیه
ایله حجازه کوندروب بیت الله معظمی بونلرک لوث وجودلرندن
بالکلیه تطهیر ایلدکن صکره موره وقوعاتی دخی ظهور ایتمکله بو
مسئلهده دخی ابراز حسن خدمت ایلمشدر .

اواخر ایامنده ایکی سنه قدر بر نوع عتیه دوچار اوله رق بعد
۱۲۶۶ ده ارتحال دار بقا ایلدی .

(محمد علی پاشا)

داماد شهریارى محمد علی پاشا عادلہ سلطان مرحومہ نك زوجی

اولوب بالدفعات قبودان و سر عسکر لکده بولنش و قریم سفری
ابتدا سنده صدارته دخی کچمش ایدی . عن اصل طربزونلی ایدی .

حاجی محمود خان اول

سلاطین عثمانیه حضراتنک یکرمی دردنجیسی اولوب سلطان
مصطفی خان ثانینک فرزند ارچندی در ۱۱۰۸ ده تولد و ۴۳ ده احمد
خان ثالثک مقامنه قعود ایتشدرد .

اوائل سلطنتلری بر طاقم غوائل داخلیه مصادف اولمغله بونک
اصلاحنه تشبث ایله آسایش اعاده اولنش ایسه ده بر از صکره نادر علی
بر طاقم مطالباته قیام ایتدیکندن شرق سفری آچیلوب عساکر من
اول امرده موفق اوله مامش و روسیه نک دخی بو آراق آزاق و قوپان
جهتلرنده حرکات عسکریه یه قالدشمسی غوائل حربیه یی تزید ایتش
اولمغله نادر علی ایله مصالحه ایدیله رک روسیه محاربه سنه باشلانمش
و آوستریالو دخی روسیه یه خفی و جلی مظاهرتله صوکرده دن اوده
حربه اشتراک و بوسنه و صربیه جهتلرندن تجاوززه اهتمام ایله ایشلر
کرکی کبی اهمیت کسب ایتش ایکن بوسنه جهتمده حکیم اوغلی علی پاشا
دلاورانه مدافعه ایله آوستریالیری کلی تلفات ایله رجعته مجبور ایتش
و روسلری دخی عساکر عثمانیه و تاتار عساکری توقیف ایلمشدی .

۱۱۵۰ تاریخنه قدر ایکی بیوک دولته دولت علیه شجیعانه کوکس
کروب نهایت یکن محمد پاشا نک بر قاج مظفریت قزانمسی اوزرینه
جزئی فداکارلقه عقد صلحه موفق اولتمشدر .

بر مدت صاح و آسایشه کچوب در سعادتده بعض آثار و مؤسسات
عمرانیه و خیریه وجوده کتورلمش و نادر شاهک ارتحالیه غربی

ایرانك مستدعیاتی نظر التفاته آلمانمش وحضرت پادشاه ایران اغتشاه
شاندن استفادیه بی شان ملوکانه سنه یا قیصر مامشدر .

۱۱۶۸ تاریخشده بر جمعه کونی تیمور قبودن آت ایله سرایه
دخولنده منزولاً ارتحال بیورمشلردر مدت سلطنتلری یکریمی بش
سنه در .

محمد خان ثانی

عبد الحمید خان اول مرحومك مخدومی ظل یزدان شهریار زمان
طال بقاه ، حضرتلرینك جد عالیلری اولوب ۱۱۹۹ ده طوغمش
و ۱۲۵۵ تاریخشده ارتحال دار نعیم ایتمش اولان اعظم حکمداران
اسلامیه دن بر پادشاه عظمتیناه ایدی .

سلطان . صطفی خان رابعدن صکره ۱۲۲۳ تاریخشده تخت عثمانیه
۲۴ یاشنده ایکن جلوس بیوردیلر .

هنگام سلطنتلری حقیقه اهمیتلی و نازك بر زمانه تصادف ایتدیکی
جهتله اوائل حکمرانیلری بر طاقم غوائل داخلیه و محاربات متهدیه
ایله یکمشددر .

کندیلری ترقیات جدیدیه مائل ودولتک اعلائی شاننه سعی
اولوب ذاتاً زماننده پک بیوک بر فکر تجددیه مالک اولان سلیم ثالث
حضرتلرینك دائره تربیتشده یتشمش اولدیغندن زمام اداره دولتی
ید اقتدارینه آلدقلرنده اساس ترقیاتی وضع وتأسیس چاره لرینه اهتمام
ایله اولاً مالک محروسه نك کوشه وبوجاغنده کوکشمش اولان دره
بکلرینی برر برر احما وهمان لاینقطع دوام ایدن روسیه محاربات
ومداخلاتی حسن صورتله تسویه اعنا ایتمکله برابر وهابه عربانی
تأدیب وتربیه والویه ممتازه ایشلرینی و صربستان مسئله سنی وقتک

مساعدہ سی درجہ سندیہ و تپہ دلی غائلہ سنک نتیجہ سندہ میدانہ
چیمش اولان مورہ اغتشیانی اولوقت منتظم عسکرہ ممالک اولان
مصر والیسی محمد علی پاشا زادہ ابراہیم پاشایہ حوالہ ایدوب مشارالیه
غائلہ بی آرز بر زماندہ با صدر مش ایدی .

آرزوی شاهانہ لری فائدہ لرندن زیادہ محارباتدہ مضرت لری کوریلان
یکچیری اوجاغنک الفاسی ایله یرینه اوروپا دولتی ندہ اولدینی کبی
معلم و منتظم عساکر نظامیہ احداثی اولدیغندن بو ایش دخی غائلہ
وقتہ باقیہ رق کمال سہولتہ ۱۲۴۱ تاریخندہ الفا ایله عساکر منصورہ
محمدیہ نامیلہ شمدیکی قوہ عسکریہ مزک اساسی وضع بیوردیلر .

دولتک هر بر ضعفندن استفادہ یه آرزو کش اولان روسیہ لو
عساکر منتظمہ نک هنوز آشکل و تأسس ایتیمی فرصت عد ایله
محاربه یه قالدیشمش و دولت ادرنہ معاہدہ نامہ سنی عقد و امضایہ مجبور
اولش ایدی .

پادشاه ترقی پرور هم غوائل موجودہ یی حسن اداره و ہمدہ
ملکنندہ اساس ترقی و تہجدت اولان مؤسسات علمیہ و فنیہ نک وضع
واحدانہ اہتمام ایدرک مکتب حربیہ و طبیبی تأسس بیور مشلردر .

مصرلو محمد علی پاشا عسکرینک انتظام و کثرتنہ اعتماد ایدرک
دولتہ مخالفتلہ سوزیہ یه عسکر سوق ایتک کبی شرعاً و عقلاً جائز
اولیان و آداب عبودیت و بندگی یه یاقیشمیہ جق بر حالہ اجتسار ایتمش
اولدیغندن سلطان محمود حضرتلری بوبلہ بر غائلہ ہائلہ ایله صوک
درجہ دہ اوغراشوب روسیہ لو ایله خنکار اسکله سی معاہدہ سنی عقدہ
مجبور اولمشدر .

مصرلو راحت طور میوب استفادہ ذاتیہ یه چالیشمغلہ ابراہیم پاشا

قومانداسنده آناتولی به جسم براردو اذخال ایتدیکی صرمده خاقان
 ذیشان حضرتلری ارتحال دار نعیم بیوردیلر « ۱۲۵۵ » .
 شهریار مشارالیه حضرتلری حقیقه مدبر و غیور، تجدد و ترقی
 جسد آرزو ایدر پادشاه قوی العزم اولوب دولتك مجدد نایسی
 عنوانه لایق در .

(محوی)

تبریزلیدر خط تعلیقه مهارتی اولوب کتاب یازمغله کچنور ایدی
 ۱۲۶۳ تاریخنده در سعادته وفات ایتشد .
 محوی اسمنده برقاج شاعر دهاکلشدر .
 خیره بوللی شاعر محوینک مرتب دیوانچه سی واردر .

(محی الدین افندی)

شیخ الاسلام جیوی زاده نک اسمی اولوب جیوی زاده ماده
 سنه مراجعت اولته .

(محی الدین افندی)

شیخ الاسلام مشهور قناری محمد افندی احفادن اولوب
 عصر سایمان قانونیده مشیخته کچمش و ۱۹۴۸ دن ۹۵۲ یه قدر اوچ
 سنه دن زیاده بو مقامی اداره ایتمش علما وزهاددن برذات ایدی .
 ۱۵ سنه قدر روم ایلی و آناتولی قاضیه سکرلکنی برلکده اداره
 ایتمش ایدی . ایوب الانصاری جوارنده مدفوندر .

(مختار افندی)

شیخ الاسلام مرحوم ترشیچی زاده در .
 ۱۲۸۹ ده مشیخته کچوب ۹۱ ده ارتحال ایتشد .
 قره جه احمد مزاراغنده یول اوزرنده مدفوندر .

مشار اليك سافى يوسف پاشا حفيدى احمد مختار بك اون بش
آى مقام فتواده بولمشدر .

(مخلص پاشا)

دورتاسمزمده يتشمش و عثمان غازى حضرت تولى به محارباتده بولمش
واجب الاحترام بر ذات ايدى .
قره مان ديارنده وفات ايتمشدر .

(مخلص پاشا)

سيروز اعيانى اسماعيل بك زاده يوسف مخلص پاشادر .
دور محمود تانيده بعض ولايات واليكلرنده بولندقدن صكره
۱۲۵۹ ده سيروزده وفات ايتمشدر .

(مراد پاشا)

دور سلطان محمد خان رابعده ايكي دفعه مسند صدارته كچمش
و ۱۰۶۴ ده قيودان دريا اولوب ونديك دونماسنه قارشو بر مظفريت
بحريه قازانمش اولان وزراى عثمانيه دندر .
ايلك صدارتي ۱۵۰۹ ده وايكنجيسى ۱۰۶۵ سنه لرنده در .

مراد خان اول

سلاطين عظام عثمانيه نك اوچنجيسى اولان و خداوندكار نام
جليله مشهر بولنان پادشاه جليل العنوان اولوب پدرلى اورخان
غازى و مخدوم و خلفلى ييلديرم بايزيد حضراتيدر .

يديدوز يكرمى آلتى تاريخنده مهدجهانه قدمزن ويديوز آلتش
برده اورخان خان حضرت تولى نك رحلتده سرير سلطنته قعود ايله
خداوندكار نام عاليه معنون اولمشدر .

زمام اداره حكومتى دست معالى پيوست شهنشاهلرينه آلور

آلماز روم ایلی فتوحانی اكمال ايامك اوزره اولجانبه عزیمته حاضر لنقدمه
ایکن دولتک هر غائله سندن استفادہی اخص آمال ایدینن قره مان
اوغلنک ممالک محروسه شاهانه ده برغائله چیقارمق اوزره اخی واعیان
طائفه سنی تحریک ایتیمی آمال شاهانه لرینی برمدت توقیفه سبب اولمغله
همان روم ایلی فتوحاتی شمذیلک تأخیر ایله آخیر طائفه سنک الندن
آنقرده یی اخذ ایتدکن صکره روم ایلی فتوحاتنه دوام ایتک اوزره
روم ایلی یه کچدی و آز مدت ظرفیده ادرنه وقلبه یی و جوارینی الده
ایدرك بالقانلره قدر توسیع ممالک ایلدی .

برطرفدن دخی سالانیک وحوالیسنه سوق سمند سطوت ایله
ماكدونیانك نصفنی ضمیمه ملك عثمانی ایتمشدر .

روم ایلیده سلطنت عثمانیه نك بو درجه توسعی ملل متجاوره
خرستیانیه نك باعث خوف وانديشه سی اولدیغندن همان برهیئت صلیبیه
تشکیلله ممالک عثمانیه یه صالدرمشلر ایسه ده عثمانلونك حاجی ایلبکی
قومانداسنده بولغان بر پیدشدار فرقه سی بونلرك جمعیتی بر شبخون
مانوره سیله پریشان ایدیوردیکنندن آز وقتیده بو مظفریت عثمانیه
سائقه سیله عثمانلو اردولری بالقانی آشوب طونه یالیرینه قدرایلرولمش
وشمنی، نیکبولی، سلستره ایله ارنبودلقده مناستر و حوالیسی سلك
فتوحاته کچمشدر .

بارقه سطوت عثمانیه نك ییلدیرملردن ده ساریع صورتده روم
ایلیده عکس انداز اولمسی دول نصارادن صرب، بوسنه، باغار، مجار،
بغدان وسائره موجب انتباهلری اولدیغندن ایکنجی براتفاق دهاترتیبله
ممالک شاهانه یه ایکوز بیک کشیلک بر اردو سوق ایتلریله جنساب

خداوندگار بو متفقین عسکری قوصوده قارشولامش و مستعیناً بالله
حربه کیریشوب گروه اعدای تارومار ایلمشدر .

آنجق بومظفریت عظامانك حاصل ایتدیکی سرورچوق سورمیوب
میدان حربده حضرت خداوندگارك شهادتیه مبدل آلام واکدار
اولدی (۷۶۱) .

قوصوه ماحمه کبراسنده صرب قرالی لازار ایله برقاچ حکمدار
وبیکلرجه عساکر اعدا یرلر سریلمش و میدان و غا دشمن لاشه-یله
طولمشدر .

مراد خان ثانی

چای سلطان محمد خانك اوغلی و فاتح سلطان محمد مرحومك
پدری اولوب سلاطین عثمانیه نك آلتنجیسی در .

۸۰۶ تاریخنده طوغمش و ۸۲۴ده جلوس ایتمشدر .

ابتدای جلوسده دوزمهجه مصطفی اسمنده بر شقیقنك ظهور
ایتمی دولتی خیلی اشغال ایتش ایسده اولوباد چای قربنده وقوعه
کلان محاربهده عسکری منهزم وکندیسی تلف ایدلی .

دوزمه مصطفانك ظهوری روم قیصرینك اثر تشویق و تسهیل
اولدیغدن پای تختی محاصره اولنق صورتیه ترتیب جزاسنه مباشرت
اولندیسه ده آناطولیده اسفندیار غائله سنك ظهوری ترك محاصره بی
منتج اولمش ایدی .

اسفندیار بلك تربیه سی ویریلوب سینوبدن ماعدا مالکی اخذ
اولنمشدر .

افلاق بکنك قیامی اوزرینه و دین محافطی فیروز بك کشور

افلاقی تاراج ایتمش اولدیغندن ویووده سی ادرنه ده رکاب پادشاهی به یوز سوروب مظهر عفو اولمشدر .

دولتک باشنه بر بلا کیلشمش اولان جنید بکک فساد ی حددن آشمغله حمزه بک واسطه سیله کندیس ی تدمیر وممالکی ضبط وتسخیر قلندی و آناطولیده بولنان بلادات، توقات، منتشا و کرمان مملکتلری ضمیمه ممالک عثمانیه قلندی .

قره مان اوغلی محمد بکک بر قیامی دها وقوعبولمغله انطالیه محاصره سنده برکله اصابتی ایله تلف اولدقندن صکره اوغلی ابراهیم بکک اشترحانی قبول اولندی .

۸۳۳ ده بالذات پادشاه سلانکی وارنبودلقدن بعض نقاطی ضبط ایتدکدن صکره قره مان اوغلانک یکی بر قیامی تسکین ایتمش ومجارستان وافلاق وبغدان عساکرندن مرکب بر فرقه یی اورنوس زاده علی بک قهر وتدمیره موفق اولمشدر .

مجارستان ایشنک اهمیتته مبنی حضرت پادشاه بالذات اول صویه کیدرک سمندره یی ضبط ایله ادرنه ده استراحتکرین ایکن افلاقلویه قارشو فرید بک وشاهین پاشا فرقه لرینک متعاقباً انهمزامی و قره مان اوغلانک بتکرار قیامی خبرلری آلمغله هان قره مان اوغانی تأدیب ایله عودت ایلدیکی اشناده اوغلی سلطان علاءالدینک وفاقی اکدار و آلامنی تزید ایتدیکنندن زمام اداره حکومتی فاتحک ید مؤیدینه تسایم ایدرک بر مدت استراحت ایتنک اوزره مغنیسیایه چکلشمش ایکن مجاره بوسنه افلاق، بغداد حکمدارلری جسیم براردوی ممالک عثمانیه یه صالیرملری اوزرینه حضرت پادشاهک اردوی هایلانک باشنه کلرینه لزوم کورلایکندن هان بر سرعت طارق الساده ایله آناطولی حصارندن روم

ایلی به کچرک مأمول اولیان بر زمان قایلده دشمن مقابله سنده ارائه صفوف دهشت ایلدی .

دشمن کندیلرینی آلآن مغنیسه ده ظن و قیاس ایدرکن وارنه سورلری آلتنده بولملری اعدانک یورکنده کی خوف و خلدجانی تجدید ایتش ایهده چارناچار محاربه یه باشلانیلهرق وقایع حربیه نك برنجیلرندن اولان وارنه محاربه مشهورده سی وقوعه کیشدر .

بوغوغاره اولادشمن سواریلری اوتاغ هایونه قدر صوقولمش ایهده قره حضر اسمنده بر یکیکچری دلاورینک قرال لادیسلانک باشنی کسوبده دشمنه قارشو شهر ایتمی اعدانک فاحش صورتده هزیمتی نتیجه ویزمشدر .

وارنه محاربه سنده مقتول اولان اعدانک حد و حسابی یوقدر . میدان معرکه دشمن لاشه سیله طولوب مسلمانلره قارشو ایدی لان یمینک حکمی یوقدر دیو تقض عهده سبب اولان قاردینال چزارینی دخی مقتواین میاننده بولمشدر .

وارنه غالبیتدن صکره حضرت پادشاه مورد و صکره قاستریو طینک یرینه کچن اوغلی اسکندر بک اوزریتیه یوریه رک آچه حصاری محاصره ایتدی و وارنده بوزیلان ژان هونیاد تکرار عسکر طویلایوب قوصویه ککش ایهده بودفعه ده دخی هزیمته گرفتار اولدی .

قوصوه محاربه سندن صکره ینه ارناوداغه واریلوب اسکندر بکله محاربه لر ایدمش ایهده قطعی برایش کوریه ماهش و بو آراق حضرت پادشاه ارتحال بیورمشدر (۸۵۵) .

مراد خان ثالث

دولتمزک اون ایکنجی پادشاهی اولوب ایلیم ثانیانک اوغلی و محمد خان ثالثک پدرلیدر .

۹۵۳ ده طوغمش ۹۸۲ ده پدرلرینک ارتحالنده تخت سلطنته
 قعود ایتشلردر .

زمان سلطنتلری پارلاق کجوب اهلستان حایهیه آلمش فاسده
 پورتکیزایلره قارشو وادی السیل محاربه سی قزانلیمش شاه اسماعیل
 فانی ایله آجیلان شرق محارباندده سردار لالا مصطفی سنان و عثمان
 پاشالارک همیله کرجستان شروان داغستان دربند روان تبریز ممالک
 و بلادی تسخیر قلنمش و آوستریایه قارشو آجیلان محارباندده موفقیتلر
 یوز کوسترمشدر .

۱۰۰۳ ده ۵۰ یاشلرنده اولدقلری حالده ارتحال دارنیم ایتدیلر .

(مراد رئیس)

عثمانلی قبودانلردن و مشاهیر بحریوندن اولوب بر مدت مصر
 دونماسنده بولنمش وسیدی رئیس و پیری قبودان ایله بحر عمان وبصره
 دکلرنده پورتکیزایلر ایله محاربه لر ایتمش ایدی .
 ردوسده مدفوندر . اسکدارده جامع ومحلہ سی دخی واردر .

(مرتضی افندی)

جامع الریاستین فیض الله افندینک اوغلی اولوب محمود اول و عثمان
 ثالث دورلرنده ۱۱۶۳ دن ۶۸۰ قدر مشیخته بولنمشدر .

(مرتضی پاشا)

محمد خان رابع دورینک وزراسندن اولوب قورناز و ایش بیلور
 بر ذات ایدی .

جلالی ایشلرنده خصوصیه آبازه پاشالر ماده سنده برارانی کورلمشدی .

(مسیح پاشا)

فاتح دورنده اون اوچ سنه قبودان دریا و یازید خان زمانده

۹۰۵ ده نائل منصب وزارت عظمی اولمش صوفی مشرب بر ذات اولوب ردوس فتحه عدم موفقیتی سوء تدبیرینه حمل اولنه رق وزارتی رفع اولمش ایدی .

(مسیح پاشا)

بوکا خادم مسیح پاشا دیرلر .

سلطان مراد ثالث دوری و زراسندن وارباب اقتداردن اولوب حرم هایون آغا اغندن یتشمشدر مصر والیدکننده حسن خدمتی و اداره سی کورلمش و اوز دمور زاده عثمان پاشادن صکره صدارته یکممشدر .

۹۹۷ ده مستقیماً ارتحال ایدرک قره کمرکده انشا کرده سی اولان جامع خطیره سنده مدفوندر .

(مشربی)

سلیم خان ثانی حضر تلرینک شهزاده لککری اواننده مغنیساده منظور التفاتلری اولمش دکرلی برشاعر در .

(مصطفی افندی)

ابو المیامن مصطفی افندی سلطان محمد خان ثالث و احمد خان اول دورلرنده ۱۰۱۱ و ۱۰۱۵ تاریخلرنده ایکی دفعه مسند مشیخته بولمش اولان علمادن بر ذات اولوب عن اصل بروسه لی اولدینی حالد در سعادتده ابو السعود افندی دن اوقومش ایدی .

(مصطفی افندی)

سلطان محمد خان رابع دورینک شیخ الاسلاملرندن اولوب ۱۰۶۷ ده مقام فتوایه نصب و مشهور کوپرلی محمد پاشایه مامشاة ایتدیکی چون عزل اولمش ایدی .

(مصطفی پاشا)

جلالی ابشیر مصطفی پاشا در .

ابازه پاشانك اقربا سندن ايكن سراي هايونه داخل اولوب ميرد .
خوراق منصبی اکتساب ايتمش وبعده بودين وشامه والی اولمش
ایدی .

درزيلرك تربيه سنده شدت کوستردیکيچون منصبی حلیه تحویل
قلنمش وجلالی آبازه حسن پاشایه معاونتده بولنديغندن نظر دولندن
دوشمش ايسهده حسب الزمان اغماضی لازم کلوب درسمعاده جلب
وصدارته اصعاد اولندی . آنجق درت آیده جمع کثیر ایله اسکداره
کله بیلوب ایکی آی قدر صدارتده بولنمش و صهریته دخی نائل اولمشدره .
یکيچريلرك وعونه سنك چيقاردقلری بر فساد اوزرینه جزای .
ترتیب اولندی .

(مصطفی پاشا)

سلطان مصطفی خان اول دورينك صدر اعظم لرندن لشفکلی
مصطفی پاشا در .
۱۰۳۱ ده صدارته گلش ايسهده نا اهل اولديغندن براز صکره
عزل اولمشدی .

(مصطفی پاشا)

چوبان مصطفی پاشا نامیله مشهور وارناود جنسینه منسوب بر
ذات اولوب سلطان سلیمان ثانی دورلرنده وزرات ثانیهده مدت میدیده
بولنمش وزرادن در .
سلطان سلیمان خانك همشیره لرینك زوجی اولوب ردوس ومجا
وستان محارباتنده حسین خدمتی کورلش ومصر والی لکنده مصری

عادتاً یکیدن فتح ایتک درجه سنده اقتدار کوس-ترمش ایدی ۹۳۵
تاریخنده ارتحال ایدرک ککبوزده اثر بناسی اولان جامع خطیره سنده
مدفوندر .

(مصطفی چلبی)

بیلدرم خانک شهزادکانندن اولوب آنقره محاربه سنده غائب اولمش
ایدی .

مصطفی خان اول

سلاطین عظام عثمانیه نك اون بشنجیمی اولوب ۱۰۰۱ تاریخنده
تولد و ۱۰۲۶ ده تحت سلطنته قعود ایتمش و ۱۰۴۹ ده وفات ایتمشدر .

مصطفی خان ثانی

آوجی سلطان محمدخانک اوغلی اولوب یکریمی ایکنجی پادشاهدر .
۱۰۷۴ ده تولد و ۱۱۰۶ ده سریر عثمانیه جلوس ایتمشدر .
جلوسنک ایلک کونلرنده ساقزک استرداری خبری کشایش طالعیرینه
قال خیر عد ایدایکله قلوب اصداقا سرور و حبور ایله مالا مال اولدی .
کندیلمری ابتدای سلطنتلرنده عمومه قاشو شدید المال برخط
هایون تسلطیری ایله هر کسی ایفای وظیفهیه دعوت ایتدیکی کبی
اجداد عظاملری کبی اوچ دفعه حربده بولنه رق احراز مثنوبات غنزا
ایتشلردر .

برنجی سفرلرنده نمچه جنرالی و ترانی مغلوب ایدرک لاغوس
محاربه سنی قزانمش ایکنجی سفرده پرنس دوساقس قومانداسنده کی
جسیم بر اردوئی پریشان ایلمش اوچنجی سفرده کوپرینک بغته
انهمزای اوزرینه زنده عسا کر عثمانیه آنار هزیمت یوز کوسترمشدر .
زنتا بوزغونلغی دولتک لایه قطع درت دولته حرب ایتمی

خصوصتک فائده سز لکنی نزد اولیای امورده تحقیق ایتدردیکندن
عموجه زاده حسین پاشاک صدارتنده مشهور قارلوفجه معاهده سنک
عقدینه لزوم کورلمشدر .

قارلوفجه معاهده سندن براز صکره سلطان مصطفی خان ترک
مشغله جهان ایلدی .

مصطفی خان ثالث

سلاطین عثمانیه نك یکریمی آلتنجیسی اولوب ۱۱۲۹ ده احمد
ثالث حضر تلیرنک صلبندن دنیایه کلمش و ۱۷۷۱ ده سلطان عثمان
ثالث وقاتی اوزرینه جالس سریر عثمانی اولمشدر .

ابتدای سلطنتلرنده راغب پاشایی مقام صدارتده ابقا ایدرک
تزیید واردات وتصحیح سکه ومنع سوء استعمالاته فوق الحد همت
وغیرت بیورمشلردر .

حضرت پادشاه اوتدنبرو روسیه لونک دولت علیه علمینده کی نیات
فائده سنه وکوندن کونه تزیید ایتمکده بولمان تجاوزاتنه برسد چکمک
اوزره اعلان حربی آرزو ایدرلر ایدیه ده صدر وقت اولان قوجه
راغب پاشا مضایقه دولتی ویکیکچریلرک انتظام سز لقلرینی درپیش
مطالعه ایله محاربه دن مجتنب بولنه رق محاربه بی ازدیاد سطوت و تنظیم
قوته تعلیق ایدرلر ایدی .

مشار الیهک وفاتنده قترینه نك لهستان حقنده کی تشبثات استیلا
جویانه سی سر رشته اتخاذ اولنه رق ۱۱۸۲ سفری اعلان وکشاد
اولندی .

راغب پاشا نك وخالقی محسن زاده نك خلاف رأیبری اوله رق
آجیلان بو سفرده روسیه نك منتظم اردولرینه قارشو ایشه کوچه

یرامیان یکیچری اورته لرنده طرف طرف آثار هزیمت کورنمکه
باشلادی .

خوتین قلعه سی روسیه لونک النہ کچدی، مملکتین مارشال رومہ
تزوفاک بازده استیلاسی اوله رق مسقو اردولری طونه یی مرور ایله
بلقانلرہ طوغری ایلرولمکه باشلادی جبل الطارق دن طولاشان
روس فیلوسی دونمازلی چشمه لیمانده غافل اولایوب احراق ایلدی .
ایشلر فنالش معغه باشلادقده حرب طرفدار ی اولمدینی ایچون
معزول اولان محسن زاده محمد پاشا صدارته کتوریلرک مدافعه
دشمن خدمت مهمه سی دخی آکا حواله قلندی .

محسن زاده نک تدابیر حسنہ سی نمره سیله وقایع حربیه یولنده
کیتمکده ایکن سلطان مصطفی خان مرتحل دار آخرت اولدیلر .
شهریار مشار الیه غایت غیور ومقدم وسفاهتدن صوک درجه ده
مجتنب زهد وصلاح ایله معروف ایدی آیازمه ولاله لی جامعاری جمله
حیراتندندر .

مصطفی خان رابع

عبد الحمید خان اولک اوغلی ودولتمزک یکر می طقوزنجی پادشاهی
اولوب ۱۱۹۳ ده طوغمش ۱۲۲۲ ده جالس سریر عثمانی اوله رق ۳۱
یاشنده مرتحل دار آخرت اولمشدر .

(مصطفی رشید پاشا)

سلطان محمود خان ثانی وعبد الحمید خان دوری وزراسندن
اولوب آلتی دفعه مسند صدارتده و اوچ دفعه خارجیه نظارتنده بولنمش
بولوندره وپارس کبی مراکز حکومتده سفیرک ایتمشدر .
قنون ادبیه وسیاسیه ده زماننده نادر الاقران وسخاوت وتزاکتی
ایله ممتاز ایدی .

تنظیمات خیریه جمله اجرا آتندن اولوب مصر یونان و مملکتین مسائلنی حسن صورتله تسویه موفق اولمش و روسیه ایله آجیلان ۷۱ محاربه سنده انکلتزه ، فرانسه ، ساردنیا دولترینک اتفاق جالب ایلمش ایدی .

وفاتی ۱۲۷۴ تاریخده در .

(مصطفی نائی پاشا)

عن اصل ارناود اولدینی حالد مدت مدیده کرید و ایلمکنده بولنسی کریدلی مصطفی پاشا نامیله اشتهارینه سبب اولمشدر .

۱۲۶۷ و ۷۲ تاریخلرنده ایکی دفعه مسند صدر تعظمایه نائل اولمش و مجالس اعضا و ریاستنده بولنمش وزرادن اولوب اوائل حالدده مصر و الیسی محمد علی پاشانک خدمتده بولنمش و مشار الیه حجازده و هابی محاربانه دخی کیشمش ایدی .

بر آراق کریده مأمور اوله رق بالآ خره و ایلمکی صاحب ترجمه یه تودیع قلنه رق ۳۰ سنه مذکور جزیره نی پک کوزل اداره ایتمشدی . ۱۲۸۹ ده یتمش آلتی یاشنده اولدینی حالد ارتحال ایلمشدر .

(معلول زاده)

صدوردن معلول امیر افندی زاده اولوب عصر مراد نالده منصب قنایه صعود ایتمش و کنجلمکنده ابوالسعود افندیدن او قویوب صره سیله قطع مراتب ایدرک مشارالیه داماد دخی اولمش ایدی .

(مکی محمد افندی)

سلطان حمید اول وسایم ثالث دورلرنده ایکی دفعه مشیخته کچمش علمای عثمانیه دن برذات اولوب مکه ملاسی خلیل افندینک صلبندن ۱۲۲۶ ده مکه ده دنیا یه کلش و صره سیله مراتب طررقی قطع ایتدکن

صکره ۱۲۰۲ ده مشیخته کچمش و ۱۲۰۵ ده ثانیاً مقام فتوایی احراز
ایلمشدر. اواخر عمر نده غایت اختیار اولدینی حلاله روم ایلی
حصارنده منزویانه یاشامقده ایکن ۱۲۱۲ تاریخنده ارتحال دار بقا
ایلمشدر.

(مقاری زاده یحیی افندی)

محمد خان رابعك شیخ الاسلاملرندن دکرلی بر ذات اولوب
موالیدن مقاری زاده عمر افندیك اوغلیدر.

۱۰۶۹ ده استانبول قاضیسی ۷۲ ده روم ایلی قاضی مسکری ۷۳ ده
شیخ الاسلام اولهرق تمام اون سنه بو مقامده قالمش و ۱۰۸۸ ده
مفلوجاً وفات ایدرك اسکدارده آجیق تره دنیلان تره مشهورده
دفن ایدلمشدر.

(منکلی کرای خان)

بو اسمده قریب خانلرندن ایکی ذات کلمشدر:
برنجیسی برنجی دفعه در دولته دخالت ایله قریمك ممالك شاهلار
تیه التیحاقتنه سبب اولان حاجی کرایك اوغلیدر.

بو ذات قزان خانی سید احمد وسائر اعداسی طرفندن کوردیکی
تضیق اوزرینه ابو الفتح سلطان محمد خانه دحات ومنکوب طحان
وکفهك جنویزلیلرندن اخذ وضبطنه معاوتی وعد ایتمله مسئولی
اسعاف اولهرق طوغ وعلم اعطا قلمشده بایزید خان دورنده دخی
کیلی وافکرقان ضبطنده حسن خدمتی کوریلهرك مظهرالتفات ودنیه پر
سواحلنده مالکانه اولهرق کندیسنه اراضی وسیعه احسان اولمشدر.
مشار الیه ۴۷ سنه حکومتدن صکره ۹۱۹ ده ۷۱ تاریخنده دار
بقایه ارتحال ایتمشدر.

بو اسمده ۱۱۳۷ و ۱۱۵۰ تاریخلرنده ایکی دفعه مسند خانییه
نائل اولمش اولان حاجی سلیمکرایک اوغلی بر منکلی خان دها
کلشدر .

طوپخانه دهکی کلشن درگاهنک بانیسیدر .

(مهرماه سلطان)

قانونی سلطان سایمان حضر تلرینک دختر پاکیزه سی و صدراعظم
رستم پاشانک حلیله محترمه سیدر .

در سعادتده ادرنه قبوسنده واسکدارده اسکله باشنده مع مشتملات
برر جامعی اولدینی کبی عین زیبیده یی دخی مکّه مکرمه نك ایچنه
اساله ایلمشدر .

(میخال بک)

دور تأسس عثمانیه معاصرینندن اولوب سلطان عثمان زماننده
خرمن قیاده حاکم ایدی .

بوزات غازی عثمانی معروض اولدینی برسوء قصددن قورتارمش
وبالا آخره درگاه عثمانییه دخالت ایدرک کافه حروب ومغازیده مشارالیه
برابر بولمشددر .

تأسسمزه بک بیوک معاوتی وقتوحات عثمانیه ییده اونودلر خدمتی
کورلمشددر .

۷۰۶ تاریخنده داخل دین مین اولدیسده شهرته بناء اسمی
تبدیل اولنماشددر .

مشار الیهک اولاد واحفادی دخی عثمانلو اردولرنده آقنجیلیق
مأموریتلرنده بولنه رق بک کوزل خدمت ایتمشدر .

(میرم جلی)

علوم ریاضیه و ادبیات و تاریخده صاحب ید طولا علمادن اولوب
سلطان بایزید ثانینک معامی ایدی سلیم اول دورنده قاضیمسکر دخی
اولمشدر .

القی بکک زینجی و علی قوشچینک فتحیه سنی امر پادشاهی ایله
شرح ایتمشدر .

ارتخالی ۹۳۱ سنه سیدر .

حرف النون

(نابی)

اونبرنجی قرن هجریده یتشمش اعظم شعرای عثمانیه دن اورفلی
یوسف نابی اقدی در .

دور سلطان محمد رابعده در سعادت کلوب مصاحب مصطفی پاشایه
انتساب ایتمش و مشار الیه دیوان گاجی اولمشدی .

بر آراق حجازه عزیمت ایدرک عودتنده مصاحب پاشایه کتبخدا
اولمش و بر مدت حلبده اقامت ایلممشدی .

بالطه جی محمد پاشانک حلب والیلکننده صاحب ترجمیه فوق
العاده التفات و صدارته نصیله در سعادت کلدیکنده برلکده کتوروب
باش محاسبه جی نصب ایلممش ایدی .

۱۱۵۴ تاریخنده در سعادتده وفات ایدرک قره جه احمد مزارلقنده
مسکینلر تکیه سی جوارنده مدفوندر . اشعاری متین و سلیس و اکثریسی
ضروب امثال صره سنده السنه ناسده متداثر در .

مراتب دیوانی، خیریه سی، خیر آبادی. تخنقه الحرمینی و آثار سائرہ سی
وارد ر.

(ناجی)

عصر مزده يتشمش شعرادن معلم ناجی افندی وارنه ده مکتب
رشدیده معلمك ایتش و در سعادته کلدیکنده بعض اشعار و آثار
ادبیه نشر ایدرک ادبیات عالمنده اشتهار ایلمش و اخیراً دخی مکتب
سلطانی و مکتب ادب ادبیات عثمانیه معلمکندنه بولنمش ایدی اوچیوز
اون تاریخنده ارتحال ایلمشدر .

برچوق منظوم و منثور آثاری وارد ر.

(نامق پاشا)

مشیران سلطنت سنیهدن اولوب ایلک نظام تاسیسنده عسکره
داخل و اوروپاده فرانسه لسانی و فنون سائرہ یی بعد التحصیل
در سعادته کلوب سلك عسکریده قطع مراتب ایدرک مشیرلک رتبه سنه
نائل اولدی .

بغداد و ایلکندنه ایکی دفعه و سر عسکرلکده اوچ و بحریه نظا-
رتنده ایکی دفعه بولندینی کی ایام اخیرده قومسیونارده و ریاستلرده
بولنه رق اوچیوز اون سنه سی ۹۵ باشنده وفات ایتمشدر .

(نامی)

نشانچی محمد پاشانك شعرده قوللانیدینی مخلصیدر .

(نجاتی)

عثمانی شعراسنك قدما سندن اولوب عن اصل ادره لیدر .
فاتحك منظوری اوله رق شهزادگان خواجہ سی اواش و سامان

عبد الله ايله مدت مديده سنجاغده بولنه رق مشار اليك ارتخالنه
مراثيه دخي سويلنميشدى .

(نخفى)

مشاهير شعرا دن سايمان نخفى افندى استانبوللى اولوب شق نانى
دفتدارلغنده بولنش ويران و حجارستانه دخي كيميشدى .
۱۱۵۰ ده ارتحال ايتمشدر .

اشعارى غايت لطيف اولوب مشوى شريفى نظماً ترجمه ايتمش
ومولد شريف قصه سنى و حايه الانوارى پك دلنشين صورتده يازلمشدر .
(نديم احمد افندى)

صدر اعظم داماد ابراهيم پاشا نيك نديمى و كيتابچيسى اولوب
عصرنده فوق العاده اشتها ايتمش و شعر و انشاسى اليوم ادبيات
عثمانيه ده بر مهم موقع احراز ايلمش دكرلى بر شاعر در .
منجم باشى تاريخى تركجه ترجمه ايتمشدر .

۱۱۴۳ تاريخنده ابراهيم پاشا نيك شهادتى فتىج اولان وقعه كوني
طامدن دوشهرك وفات ايتمشدر .
اسكدارده قوشباغى قبرستانده مدفوندر .

(نوكس)

عن اصل بوسنه لى اولوب عثمانلى منشيلرندن زماننده شهرت
قزاقمش برذاكر خمسة تركى اسيا يازدينى بر اثر غايت طمطراقلى
الفاظى حاويدر .

۱۲۰۴ ده ارتحال ايتمشدر .

(نزهت افندى)

رجال دولت علي بن و ستاين شعرا دن محمد امين نزهت افندى

استانبولی اولوب ۱۳۳۷ تاریخده درسعادتده خواجه پاشا سمتده
قضاتدن رشید افندیك صلبندن دنیایه کلهرك تحصیل ابتدائی مکاتب
موجودده اکلدن صکره طریق کتابته سلوک ایدرك صدر اسبق
صارم و داماد محمد علی و کریدلی مصطفی پاشا لره دیوان کتابتی خد-
متده بولنش و بر مدت صکره خداوندکار ولایتی ، و طربزون ، یانیه
کردستان ولایتلری دفتر دارلقلرنده ابراز اهلیت ایدرك حجازه دخی
کیتمشدر .

براز وقت معزولاً اسکدارده کی خانه سنده اقامتدن صکره دفعه
تانیه اوله رق یانیه دفتر دار و رسومات نظارتنه نصب اولنوب ایکی سنه
قدر مذکور ولایتده بولندقدن صکره درسعادت کلوب دیوان محاسبات
مالیه اعضا لئی انضمامیله باش کتابته تعیین اولنش و ۱۲۸۴ ده ارتحال
ایلمشدر . صاحب ترجمه محرر فقیرك پدری ایدی .

شعری و منشور بعض آثاری وار ایسه ده غیر مطبوعدر .

(نثری)

سلطان بایزید ثانی دورنده وقعه نویس اولان مورخ مشهور
نثری افندی در عصر مذکورده مدرسلک وظیفه سیله بر خیلی زمان
اشتهار ایتدکن صکره امر پادشاه زمان ایله وقعه نویس اولنش
و مکمل بر تاریخ یازمشدر .

جهانما اسمنده برده ترك و تاتار تاریخی واردر .

(نضوح پاشا)

وزرای عثمانیه دن کوملجنه لی بر ذات اولوب سرای هایونده نشو
ونما بوله رق چاوشلقله طشره چیمش ۱۰۰۸ حلب والیسی و مؤخر

فیاربکر والیسی اولمش وعائشه سلطانك تزوجيله شرف صهریته دخی
نائل اولمش ایدی .

۱۰۲۰ تاریخنده مشهور قیوجی مراد پاشا دن صکره صدارته
کچدیسه ده اوج آی صکره مقتولاً وفات ایتشد .
غایت زنبکین و صوک درجه ده طمعکار و غرضکار بر ذات ایش .

(نعیم)

تاریخ مشهور صاحبی نعیم افندیدر .
بوذات عن اصل حلبی اولوب اوائل حالنده تبرداران اوجاغنه
وبعده زمرة کتابه دخالت ایدرك قلایلی قوز احمد پاشایه انتسابی
سببيله آناتولی محاسبه جلیکینه نصب اولمش وبر آراق بر مأموریتله
موره ده دخی کیتمش ایدی .
یازدینی تاریخ غایت سلیس و طرز افاده سی وبر وقعه یی تصویر -
ده کی اقتدار قلمیسی جالب خیرتدر .
۱۱۲۸ ده وفات ایتشد .

(نفعی)

شهرای رومك حقیقه سرفرازی دیمکه شایسته اولان نفعی
عن اصل حسن قلعه لی عمر بك ناميله معروف ایدی .
سلطان احمد خان اول دورنده در سعاده کلهرك بعض وزرایه
انتساب ایش وخاقان مشار الیه عثمان ثانی و مراد رابع حضراتنه
قصائد و مدحیه لر تقدیميله مظهر التفات اولمش ایدی .
مراد رابع حضر تاری زماننده نفعینك قدر و منزلتی بالاتر اولوب
شرف مصاحبه دخی نائل اولمش ایکن بایرام پاشا حقنده سویلدیکی
بر هجویه سی باعث موتی اولمشدر .

قصائدی غایت لطیف و آبدار در .

سهم قضا اولو بر هجو مجموعه سینه صاعقه اصابت ایتیمی اوزرینه
هجو توبه ایتیش و ظرفای عصر شو وقعیه بو بیتتی سویلمش ایدی :

کو کدن نظیره ایتدی سهم قضا سینه

نفعی دیلیلله اوغرا دی حقلک بلا سینه

آتیده کی ایات عثمان خان حقنده کی قصائدندر :

آفرین ای روزگارک شهسوار صفدری

عرشه آص شمدنکیری تیغ ثریا جوهری

پاره الماسدر سنک فسانی نیلر اول

چرخه چکمه بردخی شمشیر والا کوهری

تیغنه نوله یمین ایارسه روح مرتضی

بر غزا ایتدک که خوشنود ایلدک پیغمبری

نفعینک وفاتنه حساد زمانه شو بیتله تشریح صدور ایتشلردی :

آن شاعر هیجا کو که نام اوست نفعی -

قتاش بچار مذهب واجب چو قتل افی



حرف الواو

(واصف)

سلطان محمود خان ثانی دورنده یتشمش مشهور اندرونی واصف
 افندیدر زماننده شعر وادیسنده طولاشمش وبرخیلی اشعار سویلمش
 ایسهده جمله اشعاری تنقید ایدلمك لازم کلسه ایچنده ایوسی پك آز
 بولنور . مرتب ومطبوع دیوانی واردر .
 ۱۲۴۰ تاریخنده ارتحال ایتمشدر .

(وانی)

مشاهیر علمادن ۱۰۰۰ تاریخنده مدینه منوره ملاسی ایکن
 ارتحال ایدن ذاتدر .

لغتهده فقهده وادیات عربیهده یدطولا صاحبی ایدی .
 صحاح جوهری بی ترجمه ایتمش درر وغرره حاشیه یازمشدر .

(وانی)

سلطان محمد خان رابعك عصرنده یتشمش متعصبین علمادن
 اولوب واعظلق وشهزادكان خواجه لکيله اشتهار ایتمش ایدی .

(وفا)

اعظم مشایخیندن ومظه کرامدن شیخ مصلح الدین مصطفی افندی
 حضرتلری اولوب اسمنه منسوب میدانده کی زاویه سننده مدفون
 وقبری زیارتگاهدر .

عن اصل قونیه لی اولوب فاتح سلطان محمد زماننده درسمعاده
 کلهرك وعظ وارشاد ایله مشغول اولمش ایدی .
 وفاتی ۸۹۶ ده در .

(ولی الدین افندی)

۱۱۷۳ و ۱۱۸۰ تاریخ-ارنده ایکی دفعه مقام معالی مشیخت
اسلامیه ده بولنش عقیف و مستقیم و خط تعلیقده ماهر بر ذات اولوب
۱۱۸۲ تاریخده ۹۰ یاشنده ارتحال ایلمشدر .


ولی افندی دینکله مشهور مسیره صاحب ترجمه نك اوراده انشا
ایتدرومش اولدینی چشمه سبیلله تسمیه قلمشدر .

(ویسی)

مشاهیر علمادن مدت مدیده اسکوب قاضیاخنده بولنش و ۱۰۳۷
ده اوراده ارتحال ایتمش اولان اویس افندیر .

طرز قدیمده اولان انشاسی پک لطیف وزماننه کوره نظیره
قبول ایتیه جک درجه ده در .

سیر ویسی نامیله معنون اولان آناری درجه فضلانی اثباته کافیدر .



حرف الهاء

(هدای)

اعظم مشایخیندن طریق حلوتینک پیر واجب التوقیری اولان
 عزیز محمود افندی قدس الله سره الودود حضرتاریدر .
 مشار الیه اوائل حالده علمادن وقضاتدن اولدینی حالده پیر
 افتاده (قدس سره) دن اخذ انابت الیه تکمیل سلوک ایدرک عصر
 سلیمان خان قانونیده درسعاده کلش وارشاد الیه مشغول اولمشدر .
 پادشاه وقت سلطان عثمان ثانی واحمد خان اول حضرتاقی عزیز
 مشار الیه زیارتله شرف محبتلرندن متلذذ اولورلر ایدی .
 سلطان عثمان مرحومک کوردیکی بر رؤیای قوه ولایتله تعبیر
 ایتدکلی مشهوردر .

اشعاری متصوفانه و عارفانه اولوب آتیده کی بیت جمله اشعارنددر .

بیت

ذات بیچونک مکاتلردن منزهدر سنک
 بس سنی یاقنده بولسون آغلا یوب فریاد ایدن

(هدایت پاشا)

عصر اخیرده یتشمش مشیراندن اولوب بعض ولایتلر علی-
 الخصوص بغداد وبصره والیکلرنده واردو مشیریتنده بولاندقدن
 صکره ارتحال ایتمشدر .

(هاشمی)

شعرا و ساداتدن بر ذات اولوب ۹۴۸ ده مدینه ده ارتحال
 ایلمشدر . مظهر الانوار آدلو بر منظومه سی واردر .

(هجری)

استانبول قضااسنده ایکن ارتحال ایتش برشاعرك اسمیدر .

(هزار پاره احمد پاشا)

دور ابراهیمینک اواخرنده مسند صدارتده بولسهرق شهریار
مشار الیه داماد اولمش اولان مزاجگیر نبض آشنا برذات ایدی .


(هلالی)

اونجی عصر شعراسندن اولوب کایله ودمنه یی نثرآ ونظمآ ترجمه
ترجمه ایتشد .

(هدائی)

لسان فارسیه شدت انتساب ایله مشهور مقتدر برشاعر اولوب
کلاستان وبوستانی ترجمه ایتشدی .

❦ صوك ❦



یعنی در زمان آقامیر که حضرت قنبر صاحب اوله
عمر و عیال بر روی پاشا وزیر بود



بروسه فاتحی غازی سلطان اورخان
حضر تلی

باز منتهی به طبع
اصحاح اول، ثانی، ثالث، رابع، خامس، سادس، سابع، ثامن، تاسع، عاشر، یازدهم، دوازدهم، سیزدهم، چهاردهم، پانزدهم، شانزدهم، هجدهم، نوزدهم، بیستم، بیست و یکم، بیست و دوم، بیست و سوم، بیست و چهارم، بیست و پنجم، بیست و ششم، بیست و هفتم، بیست و هشتم، بیست و نهم، بیست و دهم، بیست و یازدهم، بیست و دوازدهم، بیست و سیزدهم، بیست و چهاردهم، بیست و پنجاهم، بیست و شصت، بیست و هفتاد، بیست و هشتاد، بیست و نود، بیست و صد.

بسم الله الرحمن الرحيم
الحمد لله الذي هدانا لهذا
ما كنا لنهتدي لولا أن هدانا الله



عینو او برانوفیچ ام برسر طوفانه اولی

خداوندکار / غازی شهرتیه معنون
سلطان مراد خان اول حضر تلی

فوقه و قدس
المراد
قوصو قاصا
لكن كبري بركوه اعدا طاريا باليه بعد الظفر



رابع تاجداران عالیشان غازی سلطان
میلدیرم بایزید خان حضر تری



مؤسس ثانی سلطنت چلبی سلطان
محمد خان غازی حضر تلی



غازی سلطان مراد خان ثانی
حضر تلمری



ابوالفتح والمغازی سلطان محمد خان
ثانی حضر تلی



غازی سلطان بایزید خان ثانی
حضر تلمری



فاتح مصر سلطان سلیم خان اول

حضرت تلی کے آدھ بھائی

برنجی خلیفہ عثمانی ارطغر



غازی سلطان سلیمان خان اول
حضر تبری



غازی سلطان سلیم خان ثانی
حضر تبری



غازی سلطان مراد خان ثالث
حضر تلی



اکری فاتحی غازی سلطان محمد
خان ثالث حضرت تری



غازی سلطان احمد خان اول

حضر تلی



سلطان مصطفی خان اول
حضر تلمری



کنج سلطان عثمان خان / حاضر تدری
بعد دفعی دفعه نامی / عطفی فیه اوله



فاتح بغداد غازی سلطان مراد خان
رابع حضر تلیری



سلطان ابراهیم خان
حضر تلی



غازی/سلطان محمد خان رابع
حضر تلی



غازی سلطان سلیمان خان ثانی
حضر تلمری



غازی سلطان احمد خان ثانی
حضر تلمری



سلطان مصطفی خان ثانی
حضر تباری



غازی سلطان احمد خان ثالث
حضر تبری



غازی سلطان محمود خان اول
حضر تری



سلطان عثمان خان ثالث
حضر تری





غازی سلطان مصطفی خان ثالث
حضرت تری



غازی سلطان عبد الحمید خان اول
حضر تبری



فاتح ثانی مصر غازی سلطان سلیم
خان ثالث حضر تلی



سلطان مصطفی خان رابع
حضر تلی



غازی سلطان محمود خان ثانی
حضر تلری




غازی سلطان عبدالمجید خان
حضر تبری

محمد و فاضل تانی مظفرینک محمد ولدید ۱۲۵۵ سنہ کی شہادتک اور
 کوئی قولہ ایہ وہ ۱۲۷۷ سنہ کی ذی الحجہ سنہ اور یہ بھی کوئی برادر ہی
 محمد تانی مظفری مقامہ جاسر اولہ ۱۲۹۲ سنہ کی ہجادی اولہ
 کوئی خلع اولہ بے کونہ ممکن احوال دار عہدہ ایہ
 محمد و فاضل تانی مظفری زید زیدہ اولہ

(شک محمد مراد فاضل مظفری)
 عبد الجبار مظفرینک محمد ولدید ۱۲۵۱ سنہ کی شہادتک کوئی بھی
 ۱۲۹۲ سنہ کی ہجادی اولہ سنہ کوئی جلوس ایہ
 کوئی ایہ کوئی ہجادی اولہ سنہ کوئی جلوس ایہ
 کوئی ایہ کوئی ہجادی اولہ سنہ کوئی جلوس ایہ

(غازی شک عبد الحمید فاضل تانی مظفری)
 عبد الحمید فاضل تانی مظفرینک محمد ولدید ۱۲۵۸ سنہ کی شہادتک اور
 ۱۲۹۲ سنہ کی ہجادی اولہ سنہ کوئی برادر ہی
 کوئی برادر ہی جلوس ایہ ۱۲۶۷ سنہ کی ہجادی اولہ
 کوئی برادر ہی جلوس ایہ ۱۲۶۷ سنہ کی ہجادی اولہ





3 1761 06978325 6

DR

414

C 4

v. 4